

مذكرات فتوة

قصة ادبية فكاهية انتقادية تعطيك صورة جليلة من اخلاق وعادات وآداب واصطلاحات اختصت بها طبقة من عامة المصريين وهم الذين يلقبون (بالفتوات) الفها بطلن وقائعها «المعلم يوسف أبو حجاج» واملاها على صاحب جريدة لسان الشعب وطلب منه نشرها في جريدته فلبى طلبه وقد حافظ فيها على لغة مؤلفها وهاهو اليوم ينشرها في هذا الكتاب

تأليف

المعلم يوسف أبو حجاج

طبعت علي نفقة

حسنى يوسف

صاحب ومحرر جريدة لسان الشعب

حقوق الطبع محفوظة ومسجلة للناسر

المطبعة العربية بمصر

شارع المزين بالمركى

مجموعتنا لألف ليلة وليلة

١٩٢١ ن. خ. ١

جزء أول وثاني وثالث

الطف قصة مصرية فكاهية أدبية إنتقادية ذات مواقف غريبة وحوادث مذهلة . مكتوبة باللغة الدارجة (العامية) توضح للقارئ كيف تعيش طبقة العامة في مصر وكيف تفكر كل ذلك بأسلوب شيق يلد القارئ ويسترعى انتباهه

تأليف

المعلم يوسف أبو حجاج

حقوق الطبع والنقل محفوظة ومشجولة



الثن ٥ قروش صاغ

الطبعة الأولى

طبعت على نفقة مكتبة التقدم التجاريه لمصاحبها فهدى يوسف
رقم ١٠ بدرب العنجه شارع محمد علي بمصر

مطبعة التقدم التجاريه

جَعَلَنِي كَأَنَّكَ تَتَوَلَّى

١٩٣١ ش.ح.

١ و ٢ و ٣

قصة أدبية فكاهية انتقادية تعطيك صورة جلية من اخلاق وعادات وآداب واصطلاحات اختصت بها طبقة من عامة المصريين وهم الذين يلقبون « بالقتوات » الفها بطل وقائمه « المعلم يوسف ابو حجاج » وأملأها على صاحب جريدة لسان الشعب وطلب منه نشرها في جريدته فلبى طلبه وقد حافظ فيها على لغة مؤلفها وهامو ينشرها في هذا الكتاب «

تأليف

المعلم يوسف أبو حجاج

حقوق الطبع والنقل محفوظة ومسجلة لصاحبها

عسنى يوسف

صاحب جريدة لسان الشعب بالجمالية بمصر

طبعت على نفقة مكتبة التقدم التجاريه لصاحبها فهمى يوسف.

رقم ١٠ بدرب العنبره شارع محمد على بمصر

الطبعة الأولى الثمن (٥) قروش صاغ

بموجب تصريح مؤرخ أول يولييه سنة (١٩٣١)

مطبعة التقدم التجاريه

بِسْمِ اللَّهِ الرَّحْمَنِ الرَّحِيمِ

تفضل بكتابة هذه المقدمة حضرة الكاتب الكبير والصحفى
القدير الاستاذ حسين شفيق المصرى

أحسن ما يصل اليه الكاتب الراغب في تأديب القوم أن يصورهم
كما هم بعاداتهم و اخلاقهم ولا سيما اذا كان البحث بلغتهم . ولهذا
اتجهت نفوس كثير من الكتاب الى اللغة العامية يعبرون بها عما
تحت أبصارهم واسماعهم . ويصفون المجامع والمواقف ويحاكون
الطوائف . فلا تفلت منهم نكته باهرة ولا يهملون اسلوبا مستملحة
ولا تقوتهم صغيرة ولا كبيرة فتكون . لمؤلفاتهم روعة الجديد
واستقصاء ما بين أيديهم من الشؤون الحاضرة . ويخيل اليك وانت
تقرأ مصنفاتهم الحديثة انك تنتقل مع المصنف من سواء الشارع
الى بهرة النادى . الى معزل الحانة الى مخبأ محرقة الحشيش . والى
ما شاء وامن الامكنه . ومن شاءوا من الاشخاص ارتفعا الى
اعلا طبقة وهبوطا الى اسفل بيثة فى عبارة سلسلة وزقة فكهة
واشمال على النفس بالدخول اليها من ناحية فطرتها بلا تعسف
ولا تكلف . كالذى يعانیه المتحذلقون من النحاة الذين يتشبثون
بأذيال اللغة الفصحى ولا يعرفون أين يذهبون بها . وهذه (مذكرات
فتوه) فانظر كيف جاء كاتبها باخبار طبقة القصابين وصغار المرتزة

بصفاتهم . واحصى المستطاب من احاديثهم والغريب من حوادثهم
بالفاظهم ولهجاتهم فاستوعب كل ما فيهم من النعوت وما يحيط
بهم من الشئون . استيعاب من عاشرهم ومارسهم وخبر احوالهم
فجاءت مذكراته التى تخيل اليك انها للضحك والتفكهة . وهى مجمل
لوشاء فيلسوف تفصيله لأخرج للناس كتابا عظيم الخطر جليل
الشأن . ولا أبالغ إن قلت ان هذه المذكرات تصلح اساسا للبحث
عن علل الحياة الاجتماعية فى الطبقة العامية من الشعب المصرى
وسبيلا الى مداواة هذه العلل باستئصال اسبابها والاتيان بما
يرقى الشعب ويأخذ بيده فى طريق الاخلاق الفاضلة والآداب
الطيبة . وأنت حين ترى ذلك . لا يسعك الا الاعجاب بالكتاب
الذين يكتبون بلغة العامة والاعتراف بأنهم اقدر من غيرهم على
اصلاح البلاد بهذا التأديب الممتزج بالفسحة والنكتة هذا
الامتزاج المضحك السار الذى يذهب عن النفوس الملل فيحلوا
لها الخوض فى احاديث لولا ما يسوغها من الظرف والدعابة
مطابقة النفوس المجدولة على الملل من التعليم والتهديب . فأنا
اغتبط بهذه المذكرات . وأهنىء كاتبها الاديب «حسنى يوسف» بما
اتيح له من التوفيق : واهنىء بها القراء والله المسئول ان يكثر
فى البلاد من مثل هذا الكاتب الرقيق

حسنين شفيق المصرى

مارس سنة ١٩٣١

وتفضل بكتابة هذه المقدمة أيضا حضرة الشاعر الناثرا الاستاذ
خير الدين الزركلى الاديب السورى

كان بتغيب الأديب حسنى افندى يوسف صاحب (جريدة
لسان الشعب) أحيانا وجريدته تطبع فى مطبعتى ، فاضطر الى
القاء آخر نظرة على الجريدة قبل البدء بطبعها فيشغلنى الاهتمام
باصلاح أغلاط الطبع فيها عن الاهتمام بمعانيها ، ثم لا أشعر بنفسى
الا واقفا أمام فصل لا مقدرة لى على التمييز بين خطأ الطبع وخطأ
الطبعة فيه ، اعنى فصل (مذكرات فتوه)

كنت اقرأ القطعة من هذه المذكرات وانا واع ماقرأ ، بعد
اعترافى بالعجز عن اصلاح لغتها أو غسل حبشيتها ليبيض ،
فيأخذ لى الحديث فاستمر ؛ وكلما عرضت لى جملة مما اتفردت به عامة
مصر أو (فتواتها) على الخصوص ، استعنت بأحد عمال المطبعة
على فهمها ، وكثيرا ما كنت ارغب بالتثبت من الفهم فأعيد
على المسئول معنى ما فهمته بلغة تقرب من الفصحى ، فاسمع منه
رد العامى فى مصر على كل من لا يحسن فهم تعبيره من أبناء الشام
أو غيرهم : اتكلم بالعربى بافندى ! . . .

كان يعجبى فى (مذكرات فتوه) انها صفحة من تاريخ اللغة
لا يتعرض لها مؤرخوا اللغة فتضيع بعد انقضاء زمانها ، وانها
صفحة من عادات هذا الفريق من الناس - فريق أهل الفتوة
المعروفين فى الشام بالقبضات - لا أجدها الا فى مثل هذه
المذكرات ، ولا اعلم لماذا يهملها مؤرخوا الشعوب أو يعرضون

عن درسها وتفهمها

روح العامة في كل عصر تكاد تكون صورته الحقيقية ، اما طبقة
العلماء وذوى المناصب الرفيعة واصحاب المواهب العالية ، ففي
الاكتفاء بدرس حالها الاجتماعية ، واعتبارها صورة الأمه التي
هي منها ، نقص في البحث وغش من الباحث لمن يعقبه من ابناء العصور
التالية او لمن سيتلو بحثه من ابناء المجتمعات النائية ، ولا يمكن
القول بأن للعامة صورة واحدة بل العامة تتغير في اطوارها
واخلاقها وعاداتها ، تغيرا محسوسا بما يطرأ عليها من مؤثرات
خارجية أو داخلية

إذن فذكرات فتوه ليست حديث فكا هي فقط ، وانما هي
للتاريخ أيضا : وقد احسن صاحب « لسان الشعب » في أن جمعها في هذا
الكتاب الذي أرجو أن يلقي من الرواج ما يشجع صاحبه على نشر
سواه فيقرأ الناس الجديد ، وفيه ما يفيد ؟

خير الدين الزركلي



ملحوظات هامة

لقراءة هذه المذكرات قراءة صحيحة تتمشى مع اللهجة العامية وروحها بحيث تلتذ السامع والقارىء معا يجب أن تلاحظ التعليمات الآتية (١) كل كلمة بها حرف - ق - فى أى مكان منها يجب أن ينطق - أ - مثل كلمه - قال - تنطق - أل - وكلمه - اقول - تنطق - أول - قلت تنطق - ألت - وكلمه - مقلقل - تنطق - مألأل - وكلمه قريبه - تنطق - أريبه - وكلمه - قربه - تنطق - إربه - وقياسا على ذلك

(٢) الكلمات الآتية - ليه - عليه - هوه - جوه - هيه - عنيه - ديه - زيه - أذيه - وماكسا كلها تنطق كلها بتشديد الياء او الواو . اذا كان ما قبلها أو ما بعدها من الكلمات يتطلب ذلك مثل الجمل الآتية : انا ليه عنده فلوس - خلى المسألة عليه انا - هوه الى أخذ حقه - خش جوه تلقاه - هيه الى ضربته - ياسلام من عنيه - البنت ديه قبيحه - أنا راجل زى زيه - بلاش أذيه يا جماعة - وقياسا على ذلك

وتنطق هذه الكلمات نفسها بغير تشديد الياء او الواو اذا وقعت فى الجمل الآتية : قلت له كده ليه - ليه يا اخى تضربه - عاينه سبعة جنينه - ياناس ياهوه حرام كده - الجماعة جوه علشان يشوفوه ماجاش ليه - تاخدوهم وتخرجوا عنيه - عنيه خرجت

من وشه - وقياسا على ذلك

(٣) كل حرف (الف) فوقه همزه ينطق بالهمزة والفتح وكل

حرف (الف) تحته همزه ينطق بالهمزة والكسر

(٤) يجب أن تقرأ جميع الكلمات قراءه عاميه كما هي العادم

في المحادثات . دون التفتات أو تقييد بما تقتضيه قواعد الاعراب

والنحو من رفع وخفض وفتح وغير ذلك

المؤلف

أول يولييه سنة ١٩٣١



ابتداء القصة : حكى المعلم يوسف أبو حجاج تاريخ حياته من يوم ما تولد . وقال أن أبوه كان جزار كبير وله دكان في أول شارع التزهة في العباسية . وإنه كان راجل لا يعرف القرابة ولا السكناء وإن صاحب المذكرات المعلم يوسف كان له خال أمر أبوه إنه يوديه في مدرسه . قام وداه كتاب الست السطوح فيه فضل يعلم فيه لخدماء حكم عليه أبوه إنه ما ير وحشى فيه وقال له . انت حاطاع لى صاحب وظيفه ابوكاتو والا حتجيب لى الفار من ديله بلا كتاب بلا هباب . وعلى كده بطل وقعد مع ابوه فى الدكان . وكان اتعلم يادوب يقرأ سطر فى الجرنان فى ساعه أو فى اثنين .

وبعد مدة مات أبوه واتلم على شوية عيال من اولاد الحنة الصايين بقا كل يوم يتفصح معاهم فى الحنة البطالة وغيرها . وبمد كده باع الدكان بتاعت أبوه وحب يكمل على الباقى من التركة . أمه منعتة واتفق الرأى على إنها تدى له كل يوم حته بعشره . وعلى كده بقا من مقاطيع السبح . واتعرف بعرايى فتوة الحسنية المشهور . وبقامن مشايدده . واتدبق على شله كلها نصايب فى زكايب بقوا طول النهار يقعدوا عالقوهو يلعبو كوتشينه . وبعا كسوا مخاليق ربنا . وإن فأت من قدامهم زفة فرح والا مظاهر . يقوموا كلهم . يتصدروا قدامها طالبين جـر الشكل . بانهم عاوزين يزقصوا عالمزبكه عشره لمدى . إن رضيو انقدوا . وإن مارضيوش أكلوها أجواز وأفرايدا . وف يوم كان فيه فرح فى حته إسمها بيرقدان .

قام سلطه واحد من أصحابه اسمه بلحه . انه يبوظه فوعده بكده
وتنه رايح هوه وشلته ضربوا الماعازيم وجت العسكر مسكره هوه
وزميله بلحه . وفي القسم عملوا لهم محضر تعدى . وجت الجلسه
مراح القاضى طامس كل واحد منهم شهر حبس مع الشغل والمصاريف
على جناب الحكومه . نهايته دخلوا السجن . وبعد ايام يوم اترزل
عليه واحد سجان وضربه بالكف قام المعلم يوسف بهدل له صحنه
والأموار عمل له محضر زى الزفت . وبعد عشرين يوم طلبته
الحكمه علشان قضية السجان . القاضى راج ساكمه ثلاث شهر
تانيين . رجعه عالسجن . وبعد شهر ونص عينوه مخزنجى فى
الدور بتاعه على الهدوم بتاعة المساجين . وعلى تهريق العيش
والهيك . قام إنداخل مع المساجين وكان بعضهم بعد ما يتحكم عليه
وهو فى تخشيبه الحكمه . يبلغ له كلام نص أفرك فضه . ولما
روح السجن يعمل زى الناس ويظلمهم ويعضاهم ويخبيهم . يشتري
بيهم اكل والا دخان . يعنى الحاجات اللى يقولو عليها فى السجن
ممنوعات . والعساكر السجانه اللى ماعندهمشى زمه يهربوا
الحاجات دى . ويدخلوها السجن . تفليته : فبقى يهوش من ده
ويهوش من ده . بقا لحد ما حوش قرشين اشتري بيهم سجائر .
وعمل تاجر هوه . راجر وبقا وكل ما يدبق جنيه بيعته لآخوه محمد
فى الحسنيه مع واحد عسكرى من اللى ما يخافوش من
رينا : واستمر فى السجن مبسوط ومحترم . لحد ما انتهت المدة وخرج
افراج : وبلحه حضراخوانه وجم أخذوه فى اتومبيل لحد البيت

وبعد ما استريح شويه . لبس هدمومه وانعمم بالاستة الحرير وتنه
 رايح على قهوة عرابي الى قدام باب الحسنيه . التقا عرابي قاعد.
 قائله بالحضن وطلب له شيشه وقهوه ساده . وشويه وطب عليهم
 بلحه ووشه مخرشم . وعرفه أن الواد زكي الصور في فتوة بيرقدار
 ضربه هوو والشله بتاغته . قام المعلم يوسف راح معاه لحد قهوه
 زغير التقا الصور في قاعد جنب ابو سنه الفسخاني الفنوه المشهور
 راح هاجم عليه وضربه مقلب . ورقع له إصداغه بالبلغه . وجت
 شلته تدافع عنه دغدغها بشومته وتنه ماشى هوو وبلحه . وحكو
 لعرابي عالسا له راح بعث في الحال جاب الصور في وصالحه معاهم
 وبقوا أصحاب . وانشر المعلم يوسف وبقا معدود من قناصل
 الفتوات : وبعد كده شاف انه عيب عليه يكون فتوه : وعم
 جدعان : ويكون مالبوش صنعه : نهايته قال كار أبوك يا واد أولا
 بك : وعنها راح للرخاوى الجزار المشهور وطلب منه إنه يشغله معاه
 قدام شرط عليه إنه يعبره في وسط المعلمين وما يعملشى عليه فتوه
 واتفقوا على كده وراح معاه عالمديح اشتغل : وشرب السكر
 وفهم امراره : الرخاوى اتبسوط منه قام فتح له دكان جزاره على
 حسابه في ميدان باب الشعريه : قعد فيها مبسوط وبقا معلم أد
 الدنيا : والدكان حالها مشى . بقى الرخاوى مبسوط منه : لكن
 يوسف بقا متضايق منها علشان أهل الحته بتاعة الميدان وخصوصا
 بزباينه كانوا من الجماعه اياهم وبرمجيه وهو ما يكرهشى حد أد
 الاشكال ديه : صحيح انه فتوه وشقى : ولكن شقاوه بالشرف

فضل ساكت لحد: ما فات كام شهر راح شناكى للمعلم أم مارضيش
 يزعله ونقله من الدكان لداكانه تانيه فى شارع التزمه : ربنا سهل له
 بقا الظهر يدن يكون مشطب : وزاد مكسبه وحلى له عيشه :
 والمعلم بقا راضى عنه : وترك الشكل والخناق : وف يوم إتعرف
 بينت خدامه أفرنجيه والهلب شبك . قام فى يوم قطرها لحد بيتها
 فى آخر شارع السكاكينى ولما دخلت البيت عرفه وتنه راجع
 ووقف على بعد يبص للبيت واتسلطن الغرام وبقا ياخلى زى
 ما اننه راشى والحب كان صعب قوى . أتأبى شوية جعافره واخدين
 بالهم منه ببطوا عليه وأم الاخر ص تعرف بلغاه قام اتعاظ ويديص كده
 التقى زكى الصور فى جاى ناحيته راح ناده له . وحكى له الحكايه
 راخو ما جين على الجعافره عدموهم م الضرب جريوا وهمه
 وراهم لحد القهوه بناعتهم . راخ محمود الفارسى فتوة البرابره
 قايم علشان يدافع عنهم راح بلحه ضاربه شك مقلب ونزل عليه حتتك
 بتتك لما سواه وبعد كده راحم عاخماده سكروا وانبطوا وتانى
 يوم بعد العشا طلعت فى دماغه انه يضرب واحد كان زعله من مدة
 كام شهر . قام نده لبلحه وخد زكى الصور فى وراحم على المرح على قهوه
 الكيف بتاعة الحلأى قعدوا يشربوا ف حشيش لحد ما اتوزفوا
 وخضم المعلم يوسف قاعد لا بد زى الفار بين جماعه من أصحاب
 المعلم يوسف وعزاز عليه نهايته القعده طالت تنه مروح هو
 واصحابه على الحسنيه . وتانى يوم جاله واحد صاحبه من بولاق
 وعزمه هو وشلتة فى فرح أخوه . وقال له لازم تستلم الزفه . والفرح

إيمته ؟ قال له ، الفرح النهارده الساعة خمسه . قام مارضيش يكسفه
 ووعده بالمرواح . وعلى كده نده لبلحه ولزكى الصور في والساعه
 اربعة كانم هناك . واتا بي خصمه اللى كان راح له قهوة الحلابى
 علشان يضربه من جيران العريس . قام . والزفه ماشيه لقح على المعلم
 يوسف بكلام راح ضاربه راس وقعه الارض وسابه وحلف انه
 لازم يضربه قدام ولادحتته بكره . وتانى يوم أخذ بلحه والصور في
 وراحم هناك التقوه . مستعد هو وعزوته قام لما شافوهم راحوا
 نهاجين عليهم . راح ضارب فيهم ووقع غريمه ع الارض وأخذ
 جنبته اللى رابطها فرجله وراح راقعه بيها ثلاث سكاكين راح
 مفرش بالاربعة . وضربت الصفاير هجمت عساكر البوليس راحوا
 ماسكينه هو وبلحه والصور في وشالوا المضروب ع الاسعاف مات
 منهم فى السكه . وفى القسم جت النيايه وحقت وأمرت بحبسهم فى
 سجن الاستئناف تحت التحقيق . وراحت والايام وجت الايام
 وجت الجلسه . راح القاضى حاكم على كل واحد منهم بتلات سنين
 بالاشغال الشاقه ورحلوهم على سجن أبو زعبل . قات سنه فى ديل
 سنه وانتهت الثالثه على خير . وخرجوا من السجن . والمعلم يوسف
 حكم رايه انهم لازم يجيبوا مزبكه ويمشوا بيها من أول بولاق
 لآخرها . وفعلا حصل كده ولا حدش من أهالى المقتول قدر
 يتكلم . وفى مدة السجن كان الرخاوى سلم الدكان لمحمد أخو المعلم
 يوسف . أول ما خرج من السجن تنه رايح على هناك سلم على اخوه
 والتقا الحال مع بدن والدكان عال والتقا محوش له كام جنيه طيبين

آت بسط منه قوى وتنه مروح . وتانى يوم إستلم الشغل . وسأل
 محمد عن البت اللى كانت بتشاغله قال له - انها زعلت قوى عليه
 قام الغرام اشتغل من تانى ازيد من الاول . ويوم فى يوم بقا
 رايح يتيهوس علشانها . وبعد عشرين يوم فاتت من عليه قام جدد
 حبه معاها . وهات يادلع كل يوم . وبعدين إلنقا إن المسأله عيب
 فى حقه علشان إنه فتوه . وإزاي يتدلل لحته مره لاهنا ولاهناك
 وعلى كده بقت كل ماتيجي له مايديهاش وش لحد ما طفشت .
 وفضل مبسوط لحد ما هلت سنة ١٩ وكانت سنه يعلم بيها ربنا
 فقر وغلب ازلى وتقليس . وف شهر مارس بص التلقا الناس هايحجم
 وهايصه . سأل عن السبب قالوا . علشان الانجليز مسكوا جماعه
 بشوات وحبسوهم . ومعاهم واحد كبير قوى اسمه سعد زغلول
 وكل ده علشان انهم طلبوا منهم انهم يخرجوا من البلد . وشويه
 وفايته مظاهره طالعه عاليه عباسيه . راح داخل فى وسطها . وبقا
 يقول يحيا ويعيش سعد زى ما بيعولوا . وشويه وأتو بميل مليون
 عشاكر راح واقف لهم فى السكه وهات ياعزق فيهم . وبص التلقا
 واحد عسكري مسك تلميذ من وسط المظاهره راح . هاجم عليه
 وضربه شك مقلب وقع عالارض والتلميذ فر منه . هوه شافه طار .
 وقال القيام هوه راخر . علشان إياميها كانت سلطه إنجليزيه لافيا
 محامى ولا كفال . وحرام يتسجن أو انطه علشان يحيا ويعيش . نهايته
 فقد بجلده وتنه رايح طاحسنيه وما يعرفش إيه اللى وزه فت مخه
 خلاه راح لامم رجاله تسدعين الشمس وعمل بيهم مظاهره استشاعت

لها الدنيا . ولحمت الخياله . ولفه عال لخدماء وصلوا لغاية المديح إلا
 والعساكر الانجليز اتحاوطت بيهم . ما يعرفشى طلعم منين وف إيدهم
 البنادق . وجون إمشى . قام قرب عليهم وقال لهم - جون إيه وسخام
 إيه . هيه الحكايه عافيه . دا الصلح خير . هو قال كده وواحد منهم
 راح راقعه بكعب البندقية ف صدره . قام قال له : عيب يا جوني
 وان قدرت عالأذى فلا تفعل الأذى . راح راقعه التانيه اخدها
 وسكت : ووقف من بعيد يتفرح علشان العمر مش بعزقه . وشويه
 وواحد ضرب عسكري انجليزى وقعه . وغنما والبنادق قالت خد
 عندك . والرصاص زمر . وقحوا ثلاثه من اللى عاملين المظاهره .
 الدمعه فرت من عينه ما بقاش شايف اللى قدامه . والخلق جريت
 والعساكر كبست بالسلاح : إلا وواد عسكري انجليزى جاى جرى
 ناحيته وراح راقعه شلوت فى المليان . هو راقعه وده
 راح متلاهم على بندقينه ومسكها . ولولا ماله عمر ما كانش نفد
 فى اليوم ده . وعلى كده رقع مشوار من المديح لحد البيت
 كمابى . علشان الترموايات كانت وقفت كلها . ويادوب وصل
 للبيت وراح نايم من كتر التعب . وصبح عيان ونخسك قام حلف
 ستين الف يمين إنه ما عا دش يعمل مظاهرات ولا ينحشر فيهم
 علشان المظاهرات دى ما فيش منها فايده أبدا . غير ضياع أرواح
 فى الفارغ البطال . ولا سعد حاي نفعهم ولا غيره . وعلى كده تاني
 يوم راح شاف شغله . وبعد عن الدوشه دى . وسابها لى مقاييسه
 على حياتهم

وبعد كام شهر بص إلتقافى ايدہ كام جنیہ طیبین . قام إشتري حتہ حصان مكن بخمسين جنیہ وسماء زبلن . وكان صحیح زى الطیاره . بقا كل يوم بعد مايسك الدكان يروح شاذہ . وعلى الامام وهاب ياسبق . الغواه عرفوه وبقوا كل مايشوفوه يحترموه . قام واحد اسمه الجنخانجى من الغواه العتاه حب يسابقه بالرهوان يتاعه . قام هوہ سبقه وحبسه راح تارش فى عربيہ فحملہ دبش إتبهدلت صحته وطحه ركوبته : قام شتمه . صاحبنا راح مناو له على وشه بالكرباج راح : اشتكاه فى التمن اتحكم عليه بغرامه ميت قرش دفعهم وتنه خارج : وهوہ مروح التقا لمه كبيره وواحدہ ماسكه فى خناق واحد أفندى . نزل من على ركوبته مسكها لواحد : واتعرف بالمره . أتابيها عايقه فى طنطا . واسمها زى الطبل . وكانت الخناقة علشان بنت كانت عندها وحببت واحد أفندى من مصر وطقشت معاه . وهيه عاوزة تاخذها منه . وهوہ عاوز يكتب عليها ويتجوزها بسنة الله ورسوله . تهايته سلك المسأله . وخلا الافندى أخذ البنت ودخل بيها دكان المأذون . كتبت له عليها ...

وبعد شهر زمن . المعلم الرخاوى بعته تلاء علشان يشتري له غنم من هناك . بعد ما اشتراها وشحنها نزل على طنطا يتفحص رجله جرتہ طالخيزه : إفتنكر المره العايقه . سأل عليها وعرف بيتها . قامت قالمته أحسن مقالبه . وحببت تكرمه . أخذته على قهوة حشيش إلتقا الحشيش مش على كيفه قام شتم بتاع الغرزه . وأتابيه

عامل فتوة إحتة راح ماسك فيه . راح ضاربه إيلث عليه مشايدده
 راح طاحن فيهم و بطح له بجى عشرين واحد . أخذوه العسكر
 حالقسم وعملوا له محضرزى الطين وبعثوه على مصر ضمنوا عليه
 وبعد شهرين حت القضية إتحكم عليه فيها بشهرين : قام هرب
 بطريقه مخفيه مارضيش يقول عليها وجه على مصر : وبعد شهر .
 واحد وز عليه مسكوه وحبسوه . وبعد ماخرج بيومين إشتري
 له كارتة وبقا كل يوم يتفسخ فيها هو و ببلحه . وبعد كام يوم
 سلطه باحه على خناقه يعملوها فى الازبكيه وعنها وراح هو
 و ببلحه وزكى الصورفى وعرابى وأبو سنه والحاج محمد الطباخه
 وعملوا لهم حته عرکه مكن بهدلواقيها الازبكيه بما فيها : وضربوا
 فتوتها لحد ماوقع الارض . وجت العسكر وقبضوا على الكل وكتبوا
 لهم المحضر . وفى الجلسة حكمت المحكمه على كل واحد منهم بست اشهر
 سجن بالاشغال الشاقه . قام وهو فى السجن إتضايق . قام ضرب
 واحد سجان ودلق بلك المناجين صملوا له محضر . وفى يوم الجلسة
 إتحكم عليه بست أشهر . وكانت عربيه السجن فيها زباين كثير
 فى اليوم ده . واندرزت على أبودينها . قاموا بعتوه مع ولحد عسكرى
 يوديه السجن . قام ضحك عالعسكرى وهرب منه : وتنه رايح
 عالجسنيه . وبعد كام يوم مسكوه وودوه عالسجن قعد فيه لحد ماوفا
 مدته وخرج بالسلامه : قام المعلم الرخاوى طابه على مشيه فى
 أمور الفتونه قام . زعل منه وساب له الدكان وحطف إنة مايشغل

صنایعی أبداً تحت إيدواحد . وعلى كده دورلقا دكان فتحتهاوه
واخوه . وكانت قدام دكان الرخاوى راح نازح له الزباين بتاغته كلها
وربنا سهل له الأمر وفتح عليه . بقت الفلوس ما هوأش عارف
جايه له منين : لأنه بقامستقيم والاستقامه عليهاعمل : وربناغفور
رحيم . وعلى كده عمل هدنه عن الخناق والشكل . وف يوم من
الايام وصل له جواب من واحد من قرايب والدته إسمه رمضان
ويقول فيه إنه جاي له بكره غلشان مسأله ضروريه . وتانى يوم
العصر وهو بيثطب . جاله رمضان قعد حكى له على سبب ما هو
عاوزه . وأتايه إنشبك فى حب بنت من العطوف . وما هوأش
عارف بخطبها . لانه لسه زغار ومالوش حد رجاه قرايب غير المعلم
يوسف . ووالدته عيانه بقاهايحى ست أشهر مابنخرجش م البيت
وما تقدرش تخطبها له . قام المعلم واعده على تانى يوم يروح
وياخذه معاه لآبو البنت ويعمل له اللازم . وتانى يوم راحوا سوال
وقابلوا الراجل . والمعلم يوسف كلمه فى الموضوع . قام إعتذر له أن
بنته إالى عاوزها رمضان لسه زغيره وما يقدرشى يحوزها له قبل
أختها إالى اكبر منها بست سنين . وان كان عاوز الكبيره بكل
ممنونه . رمضان قال له - انا عاوز الزغيره الراجل قال - انا مش ممكن
أجوزها قبل أختها . وباب حديد واقفل : تنهم خارجين ورمضان
رايح يطق . وكل واحد منهم راح على دكانه : شويه وبلحه طب على
المعلم يوسف وهو فرحان ومزقطط . قام سأله عن السبب فعرفه
- إن عمه مات . وساب له ١٥٠ جنيه . وثلاث فدادين ارض فى الفيوم -

كل فدان يساوي ٦٠٠ جنيه . وما هو اش عارف يعمل بيهم ايه . قام
قال له - الا حسن انك تفتح لك دكان جزاره زنى . وعلى كده دخلها
فى مخه رضى . واتفقوا ان بلحه يشتغل معاه فى الدكان كام يوم لحد
ما يتودك ويعرف السكر . وبعدين يفتح له دكان . وشويه واللحم
إلى عنده شطب قام إشطف ولبس هدومه وشد الكارته ونزل
يتفسيح هو وبلحه . وقضوا الليل فى تحشيش وسكر وحظ
وانبساط . وتانى يوم الصبح صبح عيان ومش قادر يخرج . جات له
أمه . وفضلت تنصحه زى عادتها . ومن ضمن كلامها لحت
له عاجواز . وإنها هيه كبرت وما بقتشى تقدر على خدمة البيت
وعاوزه يحيب لها مرانه تخدمها . وهما فى الكلام ومثله . دخل
خاله سلم عليه وقعد . قام فضل هو وراخر يدي للمعلم كلام زى
السم ويقول له - يا بنى المثل بيقول الولد لخاله . وأدينى يا بنى بقت
راجل شايب وعمرى مادخلت تمن . ولا حضرت شهاده فى
محكمه . واشمعنا إنته كل ساعه فى السجن ؟ ردت أمه وقالت - انا
كنت قبل ما تبجى ياخويه بأكلمه فى كده . إياك يكون ربنا بده
يمحى عنه الشقاوه وساقك دلوقتى . مش تسمع بقايا يوسف وتنجوز
وربنا يهديك وبتوب عليك م المعاصي ديه : قام قال لها - والله أنا
قرفت من الغلب ده . وبدى أستريح بقا بلافتونه بلا زفت .
رمضان ابن عمك جاني إمبراح فى الدكان . وراح حاكى لها
حكايته من أولها لآخرها . قامت استعجبت . وقالت له - طيب
ما تنجوز الكبيره إنته . ورمضان ياخذ الزغيره . وكلمه منها وكلمه

من خاله قال لها : قومي البسي ملايتك وروحي شوفينها. وان
 عجبتيك اخطبيها لي . وعلى كده راحت خطبتها له . وخطبت اجتها
 لرمضان . وعلى كده اتجوزوا الاثنين وشازكو بعض في دكان البقاله
 بتاعة رمضان اللي في حارة السقاين . وبلحه اتجوز أخت المعلم
 يوسف ابو حجاج . وشارك اخوه محمد في دكان الجزاره . وربنا
 تاب عليهم ، وعوض صبرهم خير . وعرفوا ان الشقاوه ما فيش
 منها فايده ولا عايده . والمشي الطيب ما فيش أحسن منه . وعلى رأى
 المثل . يا بخت من سبات غالب ولا بالشي مغلوب . . .
 تم مختصر الجزء الاول



الجزء الثاني

وبعد ما اتشارك المعلم يوسف ابو حجاج مع عديله رمضان
في الدكان بتاعته . وتاب عن الخناق والشكل وبلحه ربنا هدا
هو ر اخر . والتفت لشغله . بقت الدكان ماشيه زى البمب وزباينها
كترت . فبقا هايص هو ورمضان . وكل يوم يروحوا يتفسحوا
ويحششوا عند الحلابى . وآخرتها يروحوا على قهوة عرابى يقضوا
بقية السهرة مع بلحه . وبقية الشله فى لعب ضمنه وكورشينه
وعلى كده فضل لم لحد ما جت سنة ٩٢٣ . وكانت سنة وحشه
قوى . الدكان حالها وقف وزاد المبله طين ان رمضان شريكه وقع
حب بنت من الزباين . بقا يكبش من الدكان ويديها . قام بلحه
تعرف المسأله زعل قوى . وفض الشركه طلع له ٦٥٠ جنيه اخدهم
وراح على بلحه حكى له على إلى نم وصار . قام بلحه وراه دكان
جنب دكانهم كانت فاضيه . قامت عجبته . وراحوا فاتحينها كبايجى
وبقا الاحم إلى بفضل عند بلحه ومحمد يتباع فيها بالليل . وكان
فى الحذنه واد كبايجى اسمه شمس . هو شافهم فتحوا دكانهم
ودا بقا رايح يولع من الغيظ علشان الزباين كلها ساتبه وراحت
لهم . قام سلط ولد راح عندهم فى المحل وأكل وبعدين اتضارب
مع الجرسون . قام بلحه ضربه راس راح مسروق . وجت الاسعاف
فوقه . ومن هنا لهننا إدهم إلى فيه التقسبه ومشيوا . وقالوا للجمعيه

انهم التقوا المنصب فاق ومشى . والعسكري راخر كان من
 إلى ياكلوها والعاه راح باله ربع ريال وسهم المسألة . وخوف
 الواد راح ماشى لحاله . والمعلم يوسف حلف انه لازم يضرب
 مشش ويكسر له محله . وف يوم جمعه جمع اتناشر نقر من العيال
 الصياغ بتوع الحقة . واتفق معاهم انهم يروحوا ساعة الضهره
 على دكان مشمش ويدخلوا اثنين اثنين . ويقعدوا ياكلوا لما ينسطوا
 وساعة دفع الحساب يتخافقوا مع الجرسون . ويكون بلحه
 والصورفي وعرابي ومحمود الفارسي جنب الدكان . ساعة ما
 يسمعو حس الخناق والضرب يروحوا هاجمين عالحل يكسروه :
 ويدغدغوا مشمش وصبياناه بحجة انهم بيخلصوا إلى بيتخافقوا
 وتمت المسألة على كده وانتهت الخنافة بان مشمش انضرب
 سكينتين من إيد بلحه . والمعلم يوسف انضرب سكينه في جنبه من
 إيد مشمش . وجت الاسعاف أخذتهم عالقصر العيني . وقبضت
 النيايه على بلحه وعلى عرابي ومحمود الفارسي واربعه من الولاد
 بتوعهم . وعلى كده انكتب المحضر . وكان في المستشفى واحد
 تخرجى ابن حلال راح جامع المعلم يوسف مع المعلم مشمش
 وصلحهم على بعض . ولما طابوا من جروحهم وخرجوا من المستشفى
 تم الصلح مع بلحه وعرابي وبقية الشله . وبعد كام جمعه جت
 اعلانات الجلسه . ولما وقفوا قدام القاضى فكروا انهم ضربوا
 بعض . وقالوا ان إلى ضرب مشمش والمعلم يوسف واحد
 غريب عنهم . القاضى احثار فيهم وآخر ماغلب حكم على كل

موحد من العيال وعلى عرابي ومحمود الفارسي بغرامه تلتحيت
 قرش . والمعلم يوسف وبلحه سفخهم كل واحد ثلاث شهر . ومشمش
 سته . وعلى كده اخدوهم حالسجن . وقبل ما يروحوا كان كل واحد
 بلم له إثنين جنييه انصاف فرنكات . وفي السجن نزلوهم . وقعدوا
 يصرفوا منهم وبعد كام يوم كان بلحه ييلعب مع المعلم يوسف
 السيجه جالهم السجن وراح رافس المعلم يوسف بالرجل قام بلحه
 راح مدى له مقص نزل على وشه . واداله ضرب لما عدمه . قام
 المعلم يوسف خلصه من إيده وهو عاوز يخنقه وراح شايله
 من الارض وحطه على مكتبه وقال له أدى واحد من مشادیدی
 عمل فيك كده وإن گگنت انا مدیت إیدی عليك كنت
 ما سيبكش الا لما أطلع روحك يا جلنف إنت لازم تعبرنا . وتسمع
 كلامنا . علشان نرضى عليك وتبقا أشيئك قبل قوى . المسألة
 يا بني مش بالصداعه والسقاله . إنته أهوه سجنان غلبان ماهيتك
 ماتزیدش عن أربعة جنييه . وما تعرفش تكتسب ملیم من يره . مع
 إن غيرك هايصين ويحصلوا لهم على أزيد من عشرة جنييه شهري
 تعرف دا ليه ؟ دا علشان انهم ماشيين مع الطيار ويطاطو له وجه
 لما تقوت . إنت مثلا تقدر تروح تجيب لنا بهاك حته حشيش
 من عند اخويا في الدكان ويديك ريال مشنير أجرتك . ومن ده
 ريال ومن ده شلن تجيب به سجائر تبيعها بعشره صاغ . تبقا أشيئك
 معدن . وفضل مع السجنان من هنا ل هنا لحد ما خسر له عقله
 وخلاه وعده إنه يعمل زى نصيحتة . وفعلا إداله أماره لمحمد

ووصف له البدكان بتاعته . والسجان ما كدش خبرتنه رايح جرى
 على محمد إداله الحمة الحشيش . ولما جه يدخل بيها السجن طلبه
 الباش سجان ووداه للأمور كتب له محضر وأمر بحبسه . وفد
 تلك الليلة وبلحه صاحي هو والمعلم يوسف . سمعوا حس قط
 يبنونو قوى إفتكروا إنه عفريت . قعدوا يصطنطوا عليه . وبعد
 كده سمعوا حس قط يبنونو في السجن فوق رأسهم . وشويه
 والتقوا حاجه بتخرش عند الشباك . عرفوا أنها لازم تكون
 تقليته طالعه لواحد في قتله . دو باره . بلحه طاطا ضره والمعلم
 يوسف طلع عليه . وبص من شباك الززانه الى على سور السجن
 التقا الدوباره بتشد على فوق راح ماسكها . وشد الى فيها طلعه
 وأجذه وتنه نازل . فتح الورقة التقا فيها كوكايين وحشيش
 ويحبي ٤٠٠ سجاره . وأكل وشرب . نزلوا هما الاثنين عالاً كل
 حنتك بتتك . وكسروا حنت حشيش لقوها في الدخان . واتكيفوا
 طيب . وخبوا يحبي ١٠٠ سجاره في النمرم الى يناموا عليها
 . وحة الحشيش كلها وعليه كبرت . ولقوا الحاجه الثانيه في
 الورقة تاني . وناموا وبها ميسوطين لحد النهار ماطلع طلب المعلم
 يوسف مقابله المأمور . أذن له . راح مسلمه الامانة زى ماهيه .
 المأمور إنجن . واستعجب إزاي إنه يلتقي الحاجات دى ويسلمها
 له . ولما سأله عن اسمه وعرفه . قال له - إياك أنت صاحب مذكرات
 فتوه . قال له - أيوه . قام ضحك قوى . ووعد أنه رايح يخليه
 ميسوط طول مدة سجنه هو وزميله . علشان خاطر همته دى

. وعلشان إنه صاحب مذكرات فتوه . وقام المأمور وأخذ معاه
 وطلعوا عاززانه إلى فوق الدور إلى فيه المعلم يوسف وراح
 مفتشها التقا في الثمرة بتاعت صاحبها حشيش كبيرة . وشوية
 كوثاين تجي جرامين . المأمور بقى زايج يتهوس . وبعث جاب
 صاحب الثمرة من الشغل . وحقق معاه . قام إعرّف إن واحد
 سجان هو إلى يجيب له الشيء ده . أمر المأمور بالقبض عليه
 راخر وعمل للاتنين محضر زى القندلة . والمأمور بعد كده عمل
 المعلم يوسف زى مخبر سري عالمناجين بقا داير في السجن من أوله
 لآخره زى جروده . ومبقاش حد يقدر يقول له تلت التلاته كام
 وعلى كده فأت التلات أشهر زى لمح البصر . وخرج هو وباحه
 وكان فاضل على العيد يومين . قام قال لبلحه - بكبره الوقفه
 وبعده العيد . إيه فكرك إنا نقفل الدكان ونخلي أخويا وأخوك
 يلاحظوا العيلة هنا . وإحنا نخط كتف على إسكندرية . نقعد
 فيها أول يوم . وتانى يوم نروح على طنطا . نقعد فيها يومين ونزور
 سيدنا السيد البدوي . ونجى على مصر رابع يوم . قال له - مافيش مانع
 وتانى يوم حضروا اللازم لهم . وفقطر آخر الليل راحوا حاطين
 كف على إسكندرية . والساعة تسعه صباحا كانوا فيها أخطوا العفش
 بتاعهم في لوكاندة التزهه . وداروا يعطوا في البلد من أولها
 لآخرها . ولما إدن العصر إهدوا وقعدوا فقهوة السكازينو
 بتاع سان استقنو وأستحدقوا وإدبويجي ندهوا له . وطلبوا
 منه إنه يفسحهم . قام وداهم غرزة حشيش شربوا فيها كأم تميزم

وصبي الغرزة حب يغالطهم راحوا ضارين فيه . وفي اللي في الغرزة
 بوتهم خارجين في وسط الزبطة من غير ما يدفعوا ولا ملهم . وكلوا
 سهرتهم في السينا بتاعت الشعب . وتهم مروجين عالاو كانه .
 والصبح بدرى راحوا متكئين على الله . وركبوا القطر الى رايح
 على طنطا . الساعة ٩ كانوا فيها . زاروا السيد البدوي وخرجوا .
 وهم ماشين في شارع البورصة التقوا واحدا من أصحابهم أصله
 تلميذ في مدرسة القصر العيني وقرب يطلع حكيم . قام أبوه الجزار
 مات . خرج م المدرسة واشتغل في الكار . وهو أفندي برضك
 وشيك خالص . وكل أصحابه ما يقولوش له إلا يا علي بيه . ساموا
 عليه . وطلب لهم قهوة . وشويه وطب عليهم ثلاثة أفنديه من
 طنطا . وأصحاب علي . عزم عليهم . قعدوا وياهم . وبعدين واحدا من
 الأفندية إتكلّم على مسألة الفرجة في السينا . ومن ضمن كلامه
 قال . . إن فيها قرد يمثل دور بني آدم تمثيل زي البني آدم صحيح
 وإن إلى يشوفه . يعرف تمام إن الانسان أصله قرد
 وفضل يترقا شويه شويه . لحد ما بقا بني آدم بالشكل إلى إحنا بيه
 دلوقتي . بلحه سمع الكلام ده قال له - حضرتك بتقول
 الانسان أصله قرد ؟ . قال له - أيوه . هوه إنته لسه لحد دلوقتي
 ما تعرفش كده ؟ . قال له - أبداً ولا سمعت كده إلا من حضرتك
 قام هز رأسه شمال ويمين وضحك . ورد زميله إلى اسمه زكي
 وقال - دى الغلط جماله تبث في المسألة دى من ٩٠ سنه لحسد
 ما جابوا الحقيقة . وعرفوا إن الانسان أصله قرد واترقا لحد

ما بقا بنى ادم . قام بلخه ضحك . وقال - طيب واتعلم الكلام
 إزاي لما هو . قرد ؟ . قام زميلهم القصير قال له - ما بنقول لك
 إنه إترقا . قام بلخه قال له - على كده أبونا آدم كان قرد ؟ . قلم
 إالى اسمه نبیه قال - طبعاً . قام بلخه دمه فار . وكان حاوز يقوم
 يرفع لهم إضداغهم . راح المعلم يوسف غامزه . وقال له ف
 ودنه - أصبر شويه لما ناخذ بقية منطق لسانهم . قام سكت
 غضبن عنه . والمعلم يوسف بص لهم وقال لهم - الكلام أخذ
 وعطا . يعنى سؤال وجواب . إسمع ياسى نبیه حضرتك بتقول
 ظالما بقالهم ٩٠ سنه نيبخضوا لخدماء عرفوا كده . قال له - ايوه . قال له
 والعلما دول مسلمين والا لا ؟ . قال له - مش مسلمين . قام استعجب
 قوى وقال له - إزاي يكونوا علما يا أخى . وهمه مش مسلمين ؟ . قال
 له - مش ضرورى يا أخى العالم يكون مسلم . عالم يعنى متعلم العلوم
 فى المدرسه . والمدارس موجوده فى كل الدنيا . واللى قالوا كده
 فرنساويين وانجليز ولمان منهم لا مارك وهكسلى والدكتور
 دارون وهيكلى وغيرهم كثير . وكلهم بيتقولوا إن الانسان أصله
 قرد . قال له - طيب ماتوت عنخ آمون الى استخرجوا جثته
 إليومين دول . ما التوقهش قردايه ؟ . والا حتى شبه القرد .
 مع إنه مدفون فى طربته من اكثر من عشر تلاف سنه . قام
 رد التخين فيهم واسمه شحاته وقال - دا ما ينعشى إن أصله
 كان قرد . من قبل ما يندفن بعشر تلاف سنه تانيين . قام المعلم
 يوسف قال لهم - قبله قولوا لى إنتم مسلمين والا لا ؟ . قالوا

كلهم في نفس واحد . إنا مسلمين وموحدين بالله . قال - لهم
إتم مش بتصديقوا القرآن كلام ربنا . قالوا - ينصده . قال - لهم
مش بيقول سبحانه وتعالى في القرآن . لقد خلقنا الانسان في
أحسن تقويم ؟ . ومعنا الآية ذيه . إنه خلق بني آدم على أحسن
صورة وشكل ؟ . يعنى زى ما إحنا دلوقتي . أما إن كان زى ما بقولوا
خلقه فرد . كان قال - وخلقنا الانسان فردا وبعدين رقبنا
وخلينا بقا بني آدم . قام زكى قال - له ولكن العلماء أثبتوا إنه
كان فرد . قال له - بقا تصدق العلماء بتوعك المخفلين . أولاد
اللبوه الحخير . وتكذب كلام ربنا . حقيقى إنك ترس . قام رد عليه
نبيه وقال له - إنت ما عندكش أدب ونحو . هو سمع كده وراح
مناوله حته بوكس فت عينه . ورمها له . وبلعه راح راقع النخين
شحاته كام يد . وتتش عصاية على . وراح يطبطبها الى إسمه زكى
خلاه طلع يجرى على برة القهوة ودمه نازل يشلب . وبعدين على
إلى كان ساكت من أول الكلام لآخره . راح قايم مشطور وجايب
زكى . وراح مطلع منديله ونشف له الدم إالى نازل من قودته
وهذا بلحه والمعلم يوسف . وعلى كيد إناصرفت المسألة
وبعد ما أنتهت الخناقة . إستمأذن بلحه والمعلم يوسف من على وتبهم
ماشيين من شارع لشارع . لحد ما لقوا البلد شق شق . وهما
يقعدوا على القهوة وهدي حبه . وبقوا موايمشوا حبه لحد ما وصلوا لترعة
الجعفرية . وهما ماشيين المغرب إدفنت والديا ضلعت حبوا يرجعوا
قاموا نقدوا من غطقه وسدحه ما يانه طوب ودبش . علشان فيهم

بيت ييتبنى جديد بوبالمصادفه وهما ماشين . واحده دلقت عليهم من
 الشباك طشط مليان ميه وسخه غرقهم . قام بلحه راح سايب لها
 ملتها باب البيت اتفتح وخرج منه واحد زى المارد . وراح لاعن
 أبو المعلم يوسف . قام بلحه راح راقعه راس دوخته راح مرمى
 عالارض . راح بارك فوقه . المره رقت بالصوت الحياىنى . الحاره
 اترشمت رجاله . وواحد فى ايده زقله راح خابط المعلم يوسف
 على دراعه خبطه مكن . قام خلى منها وراح محزمه بعصايته على
 رقبته . ورقعه برجله فقلبه . طب فى الارض وهو فوقه . وبصنعة
 لطافة راح مطلع محفظته من جيبه . ودسها ف جيب الى واقع
 وفضل يديه بالكساكيم لحد ما قطع النفس . وكان بلحه فى الوقت
 ده غول فى السكام راجل خلاهم طاروا من قدامه زى الحمام . والضوات
 بتاع النسوان لف خامس شارع . العنبر كرهجت . وإمسك
 إمسك . راحم ماسكين بلحه والمعلم يوسف وتلاته من الطنطاوين .
 والصفافير اشتهلت لما التقوا الى واقع فى الارض ما بيتحركش
 بقطع النفس : وكانت العطفه دى قريبه قوى م القسم راح باعت
 لهم الضابط ست عساكر كان . بقوا كلهم دسته إلا ربع . اثنين منهم
 حملوا المسورق . وأخذوهم كلهم عالقسم . وكان الملا جظ جديع
 صفار وابن حلال . وأصله من مصر . أول ماشافهم عرف إنهم
 مصاروه . ضحك وقال - إثم إيه إلهى جابكم . وقبل ما يردوا
 عليه دخلوا العساكر الى جاملين المسورق . ديوغري راح طالب
 لله الاسعاف جه حالا . وكان بتاع الاسعاف جديع لطيف قوى

١
صمره زى ١٧ سنه بس . حط شنتنه على الارض . وخرج منها
النشادر وعاص قطنه وقربها من مناخير المستقتل . راح عايطس
وبعد شويه مليحه فاق وقام واقف . والمعلم بلحه قال للاضابط -
إن الجماعه دول إتعدوا عليهم من غير سبب . ودا بكاه علشان
يسرقوهم . وأن المحفظه بتاعته اتسرق منه . وفيها ٦٥ جنيه
ورق . وأثنين جنيه ونص فضه . والتخم بتاعه وكبياله على واحد
بسبعه جنيه . راح الضابط معدول فى كرسية . وأخذ القلم وكتب
أسمائهم . وأسأى دوكم بعد ما فكروا التهمه دى . وقالوا -
إن بلحه والمعلم يوسف همه إالى ضربوهم م الباب للطاق . وبعد
ما انتهى من سؤالهم نده للشاويش وأمره إنه يفتشهم . فتشهم
واحد واحد . لحد ما جبه لصاحبنا اللى كان مسروق فتشه راح
مطلع من جيبيه المحفظه . وناولها للملاحظ . راح فاتحها إنلقه
إلى فيها زى ما قال المعلم يوسف . راح كاتب لهم كلهم محضر
زى الزفت وراح مدخلهم على أوده الحبس . وبلحه والمعلم يوسف
قال لهم مع السلامه . بعد ما ادالهم المحفظه إالى ظبطها مع
النشالين الكذب . تنهم خارجين مبسوطين إتفسحوا شويه لحد
مادقت الساعه إتناشر . تنهم رايجين عاللوكانده وتانى يوم الظهر
كانو وصلوا فصر . كل واخذ منهم راح على بيته

وبعد كام شهر إشتري المعلم يوسف عربيه ملاكى عال -
وباع الكارتة إالى كانت عنده علشان خاطر والدته . لأنها كانت
عيانه بقلبها والحكيم أمر لها إنها تتفسح كثير فى الجهات إالى

هواها نضيف زى الجزيرة . مصر الجديده . سكة الهرم . وما
أشبه .

وبلحه إتضايق من عرابى وشلتته إلى كل ساعه يلحوا عليهم .
إنهم يروحوا معاهم علشان دقة خناق زغيره . زى عادتهم . قام :
قواها فى دماغ المعلم يوسف . وخلاه أخده وتنهم رايحين على
سيدنا الحسين . وعلى يد راجل طيب تابوا الى الله . وما بقوش
يتحشروا فى خناق أبدا . وصلى بيهم ركعتين . وادوا له ريال لوجه
الله تعالى . وتنهم خارجين من سيدنا الحسين . وبعد شهر ربنا أخذ
بيد والده المعلم يوسف طابت . وبقت صحتها زى البمب . وبلحه
والمعلم يوسف حمدوا ربنا على كده . وعرفوا ان الشقاوه ما منهاش .
فايده . والطيب ما فيش أحسن منه

- تم مختصر الجزء الثاني -



الجزء الثالث

- ١ -

السلام عليكم يا حضرات القراء . يامنبع اللطافة والانسانية
هو ياميت الف فله . ومليون ديشليون ترجمه . عالفئون الكويسه
أنا مانيش عارف أقدر لكم أد إيه أنا فرجان ومبسوط منكم . إالى
سدايم بتسألوا عنى . وبطلبوا من حشنى . أفندي يوسف . إنه يحكى
لكم بقية مذكراتى . وعلى كده رادبنى عند قولك . وطلبكم على
عينى ورأسى .

الأشياء معدن . والحمد لله على عطياته . والبت مراتى ولدت
ولدتانى . دلوقتى عمره يحبى سبع سنين . وعلشان ما يطلعشى جاهل
زنى أدبنى دخلته السنه دى ف مدرسة زغيره على قده . الحمد
ما يبقا ابن تسعه أدخله المدرسة الميرى . وبلحه راخر خلف ولد
بقا عمره أربع سنين . وأخويا محمد صحته عال قوى . وزكى الصور فى
محبوس فاضل له سنه من تلاته . والحاج محمد الطباخة طلع الحجاز
علشان يحج . بقاله شهرين ولسه مارجعشى وعرابى عيان بقاله
سمنس تيام ما زلشى القهوه . وكنا عنده فى البيت امبارح طلينا
عليه والتقيناه إستهاود حبه . ربنا يشفيه ويشفى كل عيان . ومحمود
الفارسى باع قهوته . وفتح دكان فكها فى جنب دوران السكا كينى
هو الحلابى فتح غرزة ثانية فى المرج . وحششنا عنده أول امبارح
هو الدكاكين بتاعتنا حالها بقى كده طيب . يسد النفس . والبهوات

إلى بياخذوا على حساب الشهر بلطجوا وباطوا في الخط . والى
عليه قرشين ونطالبه يوعد ويخلف . والأجره بتاعة الدكاكين صمالة
محز . يعنى مش لاحقين نجيب إيدنا ورانا . القرشين إالى بندبقهم
طول الشهر . ندفعهم أجرة نور وعرق صنایعیه . وساعات وحق
من خلقكم ندفع لهم من جيوبنا يعنى من لحم الحى . والحاله بقت
مش لطيفه . والوحد منا كسب وواحد طالبجبه والفتجره .
والمشل بيقول خد من التل يخل . نعمل إيه . نسوى إيه ؟
مانيش عارف . واد يا محمد إنده بلحه من مالحهوه . راح محمد مجرى
جاب لى بلحه . قلت له - اقعد يا معلم بلحه . قعد . قلت له - إيه
رأيك بقا فى الجاله ديه ؟ . يعنى نفضل كده نشغل ليل ونهار
علشان غيرنا ؟ وآخرة المتعمه ندفع كان من جيوبنا ! هيه الارزاق .
مش على الله ؟ رد وقال - طبعاً الرزق على الله . قلت له - ومش
الرزق واحد ؟ . رد وقال - مؤكد الرزق واحد . والرب واحد
والعمر واحد . قلت له - مادام المسألة كده ماتيا لله نقفل الدكان
بتاعة الكباب دى ونستريح منها . وبزياه دكانة الجزاره . وأهو
ربنا يرزقنا برزق عيالنا ؟ . قال لى - صحيح الرزق واحد . لكن
واجب السعى . واظن إن ربنا ما يرزقش واحد من غير ما يعمل
حاجه يسترزق منها . يعنى لو واحد تنبل دخل فى بيته . وقفل
بابه عليه . وفضل نايم مستنى الرزق لما يجيله من الهوا . مش
ممکن يجيله شىء . ولازم بعيد عنك يموت م الجوع . لكن إذا
واحد قعد قدام بيته حتى وررف عينيه ومد يده للشحاته .

لازم ربنا بيعت له رزقه . قلت له - إسمعنا ده إلی ربنا یرزقه
 ودکھت ربنا ما یرزقوش ؟ . قال لی - علشان الأولانی ماسعاش
 لکن الثانی سعا . قلت له - سعا إزای . ماهو قاعد قدام بیته
 ساکت . لاعمل حاجه ولا اشتغل له شغله ؟ قال لی - لا . دا سعا
 بالک رفرفت عینیه . ومدت إیدیه ربنا ما یحکم علی حد بیها . دیه
 هیه من ضمن السعی . المعنا من کلامی إن الانسان لازم فی الدنیه
 دی یشتغل . علشان ربنا یرزقه . والحديث یتقول - إعمل لدنیاک
 کأنک تعيش أبدا . واعمل لآخرتك کأنک تموت غدا . قلت له -
 والله بقیة عال قوی یاعم بلحه . عمال یتکلم لی بالنحوی .
 وتقول غدا . وما غداش بقا الکام شهر دول إلی رحت فیهم
 المدرسه الیلی خلوک بقیة فلفوس بالشکل ده . وحفضت کان
 الاحادیث بتاعة سیدنا النبی علیه الصلاة والسلام . عینی علیک
 بارده یا بنی . قام بلحه ضحک وقال - دا العلم نور والجهل ضلام
 والنبی قال - إطلبوا العلم ولو فی الصین . قلت له - والصین دی
 تبقا إیه ؟ . قال لی تبقا بلاد فیها مخالیق زنی وزیک . وبینها
 وبیننا سفر لیالی وایام . وجبال . وبحار . ومعنا کلام النبی علیه
 الصلاة والسلام . ان الواحد یبحث عالعلم ان عرف إنه موجود
 فی أى بلد مها كانت بعیده عن بلد الواحد . یروح لها یتعلمه
 فیها . ولا یهموش التعب ولا المشقه . أنا ما فعدت أنحایل
 علیک کل لیلہ . وأقول لک تعالی بمعایه المدرسه واث ماترضاش
 لو کنت سمعت کلامی کنت بقیة أحسن منی . علشان إنته عقلک
 زکی ومخک رایق . قلت له - أنا بس مکسوف إی أروح . وابقه

طول وعرض وأقعد أمسك لى لوح صفيح أكتب بأبائيه
 رد وقال لى - تعرف يا معلم يوسف الراجل عبد الواحد إلى
 ساكن عندنا فى المندره ؟ . قلت له - أعرفه . قال لى - أهوده
 عمره كام سنه بفكرك ؟ . قلت له - يحبى ستين سنه وزباده
 قال لى - أهوده يروح معانا ويقعد جنبنا بدقنه الشايه دى
 ويتعلم . وأهو فى الامتحان طلع الأولانى فى الفصل بتاعنا .
 عاوز إيه أزيد من كده . إتنه طاوعنى وتعالى معايه من بكره
 قلت له - والله يابلحه إنت بلفجى قوى . وحاحلينى أقل عقلى
 وأروح معاك . وأضحك الناس عليه . رد وقال - تضحك
 الناس عليك ؟ . مين دا إلى يضحك عليك وأنا أدى له ستين
 بلمقه ؟ . ياشيخ سيبك . وتعالى معايه من الليله . قلت له
 - طيب أروح معاك . لكن ماقتلش إيه رأيك فى قفل
 الدكان . نقفلها وإلا نخليها ؟ . قال لى - إجمع . إحنا نبطل الشبك
 من أول النهارده ونصبر كده كمان قد شهر . إن لقينا الحاله اتحسن
 خليناها . وإن لقيناها مزفته نطربقها ونجيب درفها . قلت له -
 وإنته عندقولك . راح مطلع الساعه التقاهاسته ونص . قال - المدرسه
 بتفتح الساعه سبعة ونص . يعنى فاضل ساعه . أنا رايح أشتري
 لك لوح إردواز وقلم وكراس وأجيبهم وقتننا رايحين . قلت له -
 وعلى إيه مانبعت الصبي . ورحت ناده للواد على وإديته نص
 أفرنك راح جاب اللوح وكراسين كان . أخذتهم منه وقلت -
 والله حال باعم بلحه . أدحنا حافسخط من تانى ونروح المدرسه

لكن إسمع يا بلحه . إوعا إالى بيعلمنا يقل عقله وبروح ساخنى
 قلم إن ما حففتش . وإلا يحجب رجله فى الفلقه وينتشنى علقه
 زى الفقى بتاع كتاب الست السطوحيه إالى كنت بروحه زمان
 قام ضحك وقال - يحبطك قلم وإلا يمدك . لاسيبك . الكلام ده
 كان زمان وبطل . حتى كنتاجيب اليوم ومدارسها . الحكومة أمرت
 بتعطيل الضرب فيها . وبتقول إالى يتعلم بالدوق يتعلم . وإلى
 ما يتعلمش أطردوه يتفلق . وذنبه على جنبه . قلت له - عال والنبي
 يا الله بينا ياعم . خلى بالك يا واد محمد . وإنت يا واد على . إوعا تطامح حاجه
 شكك وإن حد طلب منك حاجه . قول له المعلم يوسف حلف
 عمين إنه ما يشككش لحد أبداً إنشاء الله يكون أخوه . إنتم سامين
 يا الله بينا يا معلم بلحه عالمدرسه بتاعتنا : أليف لاشيا عليها ، والبیه
 وواخذته من تحميمها واليه إثنين من فوقيهها . هاهاها . هاهاها .



وصلنا المدرسة الإيلي وكانت فى آخر شارع بين الجنابين . رحنا
 داخلين عالناظر بتاعها قابلنا باهلا وسهلا . وقدم لنا كراسى قعدنا
 وتبص لى إلتقانى ماسك الكراسين واللوح ضحك . وقال - للمعلم
 بلحه حضرتك جاى علشان يتعلم عندنا ؟ قال له - إيوه يا حضرة
 الناظر . حضرتك ماتعرفشى ده مين ؟ قال له - لாமؤاخذه لنا
 ها أتشرفتش برويته إلا النهارده بس قال له - دا المعلم يوسف

أبو حجاج صاحب مذكرات فتوه . إلی أنا قدمت لحضرتك
مذكراته من قيمة شهرين . وأهوه جه علشان يتعلم . بس خايف
أحسن المعلمين يضحكوا عليه ويمكن يبستفوه بكلامه يقوم
يزعل منهم ويمكن يعمل له عمله هنا . وأنا طائب من حضرتك
إنك توضيهم ما حدش يدوس له على طرف . قام بص لي وضحك
وقال . ما يكونش عندك فكر يا معلم يوسف من الجهة دي وأنا
راجح أنبه عليهم . واللى يدوس لك على طرف ماتكاموش إنته . وبس
قول لي عليه وأنا أدبه لك . إنت ماتعرفشى تكتب حاجه . قلت له أبداً
قال - طيب . وراح ضارب الجرس . دخل الفراش قال له - خذ
التلميذ ده وديه في سنه أولى تحضيرى . واندع لي الشيخ عباس
قوام . واستأذن بليحه من الناظر بعد ما اداله ٣٠ قرش الشهرية
بتاعتي وتننا خارجين . بليحه راح على الفصل بتاعه في سنه أولى
ابتدائي . وأنا على تحضيرى . دخلنا الفصل التقيته مليون رجالة
إلى طويل . وإلى قصير . وإلى نحين . وإلى مسلوع . وإلى بعمه .
وإلى بطربوش . وإلى بلاسه زي . وإلى بدقن . وإلى شايب
يعنى التقيت المسألة سكلانس من كل صنف حبه . قلبي اتطمئن وبصيت
للشيخ عباس . التقيته جدع زغار عمره يجي ١٩ سنه . لابس حبه
وقفطان غزلى من بتاع المحلة . وعلى راسه عمه مقلوظه شاهانضيف
ومظهر . وف رجله مركوب احمر جديد يلمع . وباين عليه إنه
قيافه قوى . بس الفقر مش مخليه يملك عدله . إحنا دخلنا .
وهوه ساب الفصل وطلع بجري بكلم الناظر وبعد شويه رجع .

وقرب عليه وسلم عليه سلام باشتياق أكننا تقولشي نعرف
 بعض من سنين طويله . وراح مقعدني في الصف الأولاي إلى
 قريب من كرسينه إلى بيّعد عليه . وقدام النخته السوده إلى
 متعلقه بالحيطه وقال - إسمعوا يا تلامذه كلهم . التاميد ده إياك
 أسمع إن حد داس له على طرف . أو كلمه كاه تزعله . علشان ده قريب
 الناظر . واسمه المعلم يوسف ابو حجاج الفتوه المشهور . وأهو إلى
 يكلمه يبقى ذنبه على جنبه . بصوالى كلهم . وقال أكبر مافيه
 إحنا نتشرف بيه . وكلتنا محاسيبه . قلت لهم - الله يحفظكم وطلعت
 علبة السجاير بتاعتى حبيبت أفرق عليهم منها . قام الشيخ عباس
 ضحك وقال لي - ممنوع شرب الدخان هنا في الفصل . إستنا
 لما تطلعوا في الفسحه بعد الحصه ما تخلص . قلت له - وجب يا أستاذ
 وحطيت العلبي ف جيبى . وقعد يعامنا وأمر إلى جنبى إنه يكتب لى
 ألف بيه . كتبها لى وقعد يحفضنى فيها بشوئش . ما خلصتشى
 الحصه الا وانا بتعلمها . وضرب الجرس خرجنا فسخه . واتمت
 عليه التلامذم كلها . دايسلم عليه . ودا يرجب بيه وكلهم بقوا
 خرايين . وداكله علشان إنهم عارفينى من قبل ما عرفهم .
 وسامعين بصيتى إلى لف مصر من أولها لآخرها . وبعد ما خلصت
 الفسحه . دخلنا الحصه الثانيه وفضلنا فيها لحد الساعة ما بقت
 تسعه ونص . ضرب الجرس تبتنا مروحين على دكا كينا . قعدنا
 لحد الساعة اتناشرو قفلنا وعلى البيت . وتانى يوم الصبح الساعة تسعه
 فبتنا على عرابي في البيت لقينا صحته إتحست شويه . سينا

ورحنا على الدكان شطنا أشغالنا . لحد الساعة مادقت سبعة مساء
رحنا عالمدرسه . وفضلنا يوماني على كده . يجي شهرين ونص
واحدنا يوماني م البيت للدكان . ومن الدكان المدرسه . ومنها
للبيت . ولا نسهر ولا نتفسخ ولا نشد تعميرة حماس إلا ليلة
الخميس من كل جمعه . إيدي مشيت في الكتابه واتنقلت في سنه
أولى لتانيه . وبقيت عال قوى . ودا كله من همة الشيخ عباس . إالى
إتجدعن ويابه . وبقا يجي لي في الدكان كل يوم ساعتين يديني
فيهم درس . وانا راخر اشتريت له جبه وقفطان قطنى . وجزمه
أجلسيه بزراير عاجنب . وهياته قوى . معلوم . مش إالى قبلنا
قالوا - من علمنى حرفا صرت له عبدا . ودا علمنى ٢٩ حرف
سره واحده . كتر خير قوى قوى . وشكر الله فضله .

القصد أدينى فكيت الخط . وبقيت أقدر أفهم الدنيا ماشيه
إزاي . وأدينى كل يوم باشتري الجرنان : وأقعد أهكع فيه .
ويوم في يوم أبقا أقراه من أوله لاخره . زى أحسن واحد فيكم
الدكان بتاعت الكباب جربناها شهر من غير الشك . التقينا حالها
برضك زفت خالص . رحنا رامين طوبتها . وشهرناها للمبيع .
رست على واحد اشتراها منا بما فيها بتلتميت جنيه مصرى .
رحنا مكسبين وقبضنا التمن . وكل واحد منا أخذ نصيبه . وفضلنا كام
يوم كدا . كل يوم فسح وفنجره . إلتقينا المبلغ فر منا وراح
كما راح الليل مع النهار . إيه رأيك يا ابني يا بلحه . تفضل ككته
عواطليه نضيع من جيبنا والا إيه ؟ . قال لي - إسمع تجيش تتاجر

فى الغنم بتاعة الدييح ونسافر. الفلاحين نتسوق . وندبحها على
 ذمتنا فى المذبح. ونبيع ونكسب . قلت له والله فبكره كويسه والله
 موافقتك عليها . بس عاوزه قرشين ملاح . قال لى - يكفوك ٥٠٠
 أهيف ؟ . قلت - له وأنا زيهم يبقوا ألف مصرى يشغلونا وزياده
 وعلى كده ماكد بناش خبر . أنا سافرت عازقازيق . وهو سافر عالقيوم
 وكل واحد منا باع فدانين أرض من يتوعه . وثنا راجعين على
 مصر . قعدنا ندور عالجزارين نتفق معاهم على إننا نورد لهم
 طلباتهم من اللحم العجالي والضانى . والبتلو والبقرى . القصد
 اتفقنا مع بحى ٢٥ محل وأخذنا منهم عربون وكتبنا معاهم الشروط
 اللازمه . وقلنا إننا نورد لهم من أول الشهر إالى جاي . يعنى بعد
 عشر تيام ما فيش غيرهم . وبعد كده حضرنا الشنط بتاعتنا وقلنا القيام
 وعلى المحطه . فروح فين يا بلحه ؟ . قال لى - على علمك . قلت له -
 طس اسم أى بلد نسافر لها . قال لى - والله مانا عارف . قلت له -
 أقولك . والاما أقولك كشتى ؟ . قال - قول لى . قلت له - نخش جوا
 المحطه ونبص عالرصيف ونشوف فيه قطورات قائمه والا ما فيش
 إن لقينا . نسافر فى أول قطر قايم ان شاء الله يسكون رايح جهنم
 الجرا . قال لى - وان مالقيناش نعمل إيه ؟ . قلت له - نقعد عالبو فيه
 او أول قطر بحى يقوم نروح راكبينه . قال لى - عال . يالله بينا قلت
 له - يالله بيتا . ورحنا داخلين لقينا قطر مستحضر . سألنا إالى واقف
 على الباب بتاع الرصيف . إالى بيقولوا عليه قراض التذاكر . قال
 لنا - إنه رايح على بلد اسمها القنطره . رحنا هاجمين على شباك
 التذاكر قطعنا تذكركتين درجه أولى لحد القنطره . ودخلنا القطر

والشبال ورانا بالشنطتين. أخذناهم منه ورحت مناولة إلى فيه.
القسمه . وبعد شويه ضرب الجرس والباور راح مصفر ومتكتك.
وقال - يا شليمي إخلي لي
.....

- ٣ -

فضل الباور ماشي بينا . وكان اسم الله عليه إكسبريس . بقا
عمال يفتوت عالحطات الزغيزه وهوه مغمض . والحطات الكبيره
يروح راكن فيها الحظه . وإل كساري ينزل ياخذ واحد قهوه عالواقف
والا يشرب له كباية ميه . ويروح مشاور للسواق برايه خضرمه
من ناحيه وجره من ناحيه . يروح جرس المحطه ضارب . والسواق
يروح مصفر وفاتح النفيس . يروح الباور طالع . وفضلنا على كده .
لحد الظهر ما قال الله أكبر . ربحنا نادهين لواد بتاع بيض وكحك
خذنا منه بتلاته ساغ وقعدنا أكلنا . وفي المحطه إلى بعدها . لقينا
واحد بتاع شربات كل منا شرب كوبايتين لمون . والساعه تلاته
ونص وصلنا القنطره . نزلنا م القطر . ونبص نلقانا ف بلد بنت .
ستميت أيمان كلب . ناشفه حاشفه . لافيه حاجه ولا محتاجه .
نسأل على تجار الغنم . يقولوا لنا ما فيش . إلقصد قعدنا عالحطه .
لحد ما جه قطر تاني رايح على بلد اسمها الإسماعيليه . رجنا راكبين
فيه . وبعد ساعتين وصانا الإسماعيليه . لقيناها ، بلد عال اقوى
ومقسومه نصين ، نص اسمه حتى الإفرنج . شوارع مكنوسه .

هو مرشوشه . ود كا كينه حلوة ونضيفه . و صهاراته و بيوته حاجه
 عال قوى . والنص التانى اسمه حى العرب . شوارعه بنت كلب
 مليانه زباله . وطوب و حجاره . و بيوته هلثكانه ود كا كينه تقرف
 المون عال سجر . نهايته استنضفنا قهوه وقعدنا فيها . وبعد شويه
 سميت على واحد قاعد جنبى و قلت له - تعرفشى حضرتك تدلنا
 على واحد من تجار الغنم ؟ . قام قال لى - تجار الغنم ما يقعدوش
 هنا . قلت له - أمال يقعدوا فين ؟ قال لى - تلقاهم حضرتك فى
 قهوه عند آخر البلد . جنب شريط السكه الحديد . قلت له - تعملش
 معروف تدلنا عليها ؟ . قال - بكل ممنونيه . وراح ناده لولد
 اسمه بحلق وقال له - روح معاهم يا واديا بحلق ووريهم قهوة المعلم
 عواد . قال له - حاضر . وإحنا ساهنا عليه ومشينا مع الوادى
 ما وصلنا للقهوة إالى قال لنا عليها . التقيناها مليانه خلق من كل
 شكل . وزعنا الوادى إالى جانبنا وقعدنا . وبعد شويه جالنا صاحب
 القهوه يسألنا عن طلباتنا . قلت له - هات لنا قهوه ساده . وهات
 لنا أكبر تاجر غنم عندكم . علشان عاوزين ننفعه . غاب شويه
 وجاب لنا راجل نحين لابس زعبوط وشعر اسدره باين من فتحة
 الزعبوط وعلى كتفه عبايه صوف خشنه . وشه أسمر لاحتواه
 الشمس . وقال لنا - آدى المعلم بيومى شيخ تجار الغنم . رحنا
 مساهمين عليه . وقعدناه جنبنا . وطلبنا له الساده . ورحبنا بيه
 ورحب بينا . وعرفناه إننا من مصر . وبدنا بقاعمله . قال لنا -
 مرحبا وألف أهلا وسهلا . وبعد ما شربنا القهوه قال لنا - قوموا

لما أفرجكوا عالسبب . وأخذنا وتنه ماشى بينا لخدمنا وصلنا لباب
كبير . خبط عليه إتفتح . قال لنا - إتفضلوا . دخلنا التقينا حته
أرض واسعة . وفيها بهائم ما تتعديش . من كل لون . ومن كل صنف
بقر وجاموس . على عجول لبنيه . على جمال . على خرفان . على
معيز . على جديان . وفناحيه م الزريبه مذبوب خيش وقدامه تسعه
عرب . أول ما لمحونا را حوا مقابليننا بالسلام . ودخل بلحه ف
وسط البهائم قعد ينقى ويركن إالى ينقيه على جنب . لحد ما تقا
يجى ثلاث أربع الشىء إالى موجود . وطلبنا قباني جه . قلنا له
يوزن لنا كل صنف لو حده . فضل يوزن وإحنا نقيد الوزن .
لحد ما أنتهى . ضربنا حسابنا وبعد . كده ما رسلناهم فى التمن
لحد ما قالوا الله يكسب . رحنا دافعين العربون . وقلنا للمعلم
بقية التمن فوق رصيف المحطه . قال ما فيش مانع . وراح آمر
العرب أنهم يخرجوا إالى اشتريناه خرجوه حالا . وعلى المحطه
واحدا معايم . استلمنا الشىء وسلمناه للموظف بتاع المحطه شحنه فى
السكة الحديد . وبعد ما دفعنا الأجره . رحنا دغرى دافعين المبلغ
للمعلم . وسلمنا عليه ور كبتنا فى القطر . وتننا راجعين على
مصر . وعندنا وصلنا هاخر جنا من المحطه . حضرننا الاتومبيلات
اللورى الكبيره دى . واستلمنا الغنم ورحنا شاحنينهم فيها . وعالتسنيه
وكان جنب بيتنا خرابه كبيره بتاعة راجل طيب . رحنا فاتحينها
ومدخلين الغنم فيها . وبعتنا جنبنا فى الحال حملين برسيم كبار .
بوست ارادب فول ودره . وجبنا راجل بنا عمل فى وسط

المطرح حوض كبير وبعد ما بناه خفقه بالاسمنت وخلاه عالي
قوى . وفي اليوم ده سقينا البهايم في بستلات خشب كبيره .
إلقصد وضبنا . اللازم . وجبنا ثلاث رجاله عملناهم كلافين علشان
يلاحظوا البهايم . وقفينا الشئ إلى عاوزين ندبجه بكره
وروحنا عالي البيت إستريحنا م التعب لحد الساعه مادقت أربعة كنا
محضرين الاثومبيل . حطينا فيه الغنم وعالمدج نزلنا قدماه
وعديناها . واحنا واقفين بصينا التقينا واحد من صبيان
الرخاوى دخل في وسط البهايم . وف إيده فرش متعاصه بويه
زرقا وفضل يعلم في ضهر البهايم لحد ما علم أكثر من نصها وتنه
ماشى . دخل في وسطهايم تانيه بناءة جماعه جم بعدينا . وعمل
فيهم كده رخرين . وسابهم وعلم غيرهم . إحنا إفتكرناه متوظف
في المديح سكتنا له . وبعد مادخلنا جوه والحكيم كشف عاليهايم
وعلم عليهم بالديج . بصينا التقينا الرخاوى واقف قدما منا وحواليه
شلتة . وراح باصص للبهايم بتوعنا وكان مش شايفنى كويس
علشان الدنيا كانت برد قوى وانا ملتئم باللاس . وقال - البهايم
بى المتعلمه بالا زرق انا عاوزأشترىها منكم . أنا الرخاوى . رد
عليه بلحه وقال له - مرحب إنفضل إشتري قال - عليه . بتلاته
وتلاتين جنيه . وكان ثمنهم علينا ازيد من اربعين . قام بلحه
بص له وضحك . وقال له - يفتح الله . قام قرب عليه وقال له -
إنت بتقول لمن يفتح الله ؟ . قال له - بقول لك إنته - قال له -
بتقول لى ياخروف . إنته لازم وقبل ما يطلع بقية الكلام من بقه -

مرحت أنا مقرب عليه وصادمه ف صدره . وقلت له - إنته
 إنجننت ؟ . جراك إيه يامعلم . دى بهائم المعلم يوسف أبو حجاج
 . هوه سمع حسى وكشف بعضه وبص لى قوى . وقال - لا مؤاخذة
 يا أبو حجاج أنا ما كنتش بحسبها بتاعتك . وتنه ماشى من قدامنا
 راح لواحد تاجر مسكين عمل فيه العماله إالى عملها فينا وفصل
 له بهائم تمنها يحبى سبعين جنيه بخمسين . الراجل مارضيش راح
 فتشه قلم مكن . راح ماسك فى خنقه إتحاوطته زباين جهنم من
 صبيان الرخاوى وكل واحد منهم ماسك فى إيده سلاح وبدهم يموتوا
 الراجل . نهايته الراجل خاف . راح بايع له البهايم بالخساره . راح
 الرخاوى حائل كيسه وعاد المبلغ . ومناوله للراجل . واندار
 على جدع صعيدى كان واقف فى الصف التانى بعيد وحب يعمل
 معاه نفس الدور . كان الصعيدى معاه ولا عشر تنقل من بدياته .
 هما إلتقوا العيال إتحاوطت بقريهم . ودول راحوا مدورين فيهم
 بالضرب . وواحد منهم راح خاطف سكينه . وراقع بيها إالى بقا
 يقابله . وقع يحبى سته . بقا الدم نازل يشلب منهم . ويمشى فى
 القنايات إالى فيها دم البهايم إالى إندبحت . وبقت مدبحه بنى آدم

. انظر للصورة نمرة ١٠

والمدبح هاج من أوله لآخره . والصفافير ضربت . والعساكر
 كبست ومسكت إالى مسكنه وجت الاسعاف شالت المضروبين
 وعلى القصر العينى . والرخاوى ما حدش مسكه . أضل الراجل

ضجع في المدبح . وما التقاش حديقرة . وإلا يخبطة خبطه تجيب خبره . إذا كان بقاله لحد اللحظة دى ولا ٣٦ قضية ضرب بالسكاكين في المدبح . والحكومة ماهياش عارفه تاخذ منه لاحق ولا باطل يلزمه يعمل أزيد من كده . يا مخطف ويسرق الناس . يا إما يضربهم ويشرحهم بالسكاكين ؟! طب والله العظيم . لو كان عمل التهويشه دى فيه أنا ولا إنكسفش على دمه . وأخذها من قصيرها ولم نفسه . لكنت النهارده كده باذن واحد مالوش تانى منزل له كرشه قدامه بجنييتي . معلوم والنبي كده يابله . دانت تعرف إني عم رجاله وطويت أحسن شنب في مصر . وخليت العنتيل يعبرني ويعمل حسابي . هيه كل الطيور لهما يتاكل . أبدأ وحق من خلقك . وقال لك كون عبد العزيز ابن محمد بلحه سكرتير فتوة المعلم يوسف أبو حجاج عليه السلام . 'هاهاها . أو . لازم تعبرونا قوى يا خلاق . .




بعد اللحم ما ندبح وانسلخ حطيناه في العريه . ووزعناه على العمال . إلى إتفقنا معاهم على التوريد . وفضلنا على كده . زى ست اشهر . وكل ما السبب يخلص . نشافر نجيب غيره . يا إما المعلم بيومى يروح شاحن لنا عربيتين سكه حديد مليانين واحنا نستلم ونورد الثمن ونخزن . وندمت الغنم مع صبياننا للمدبح يدبحوهم ويوزعوا . ولا بقا الرخاوي يقدر يبص لهم

بنص عين . وبقا متنبه لعدوه إلى ظهر له في المديح . وإسمه
 أبو اليسر . وبده يأخذ منه معلمانة المديح . وفضل على كده .
 كل كام يعمل له مجزرة في المديح . وآخر مره الرخاوى إتفاظ
 من أخو أبو اليسر قام ضربه مطوه خشت في جبهته . والقيامة قامت
 وراحوا ضارين في بعضيهم ضرب قتل . جه البوليس راح لأمهم
 وعمل لهم قضية . ولما جه يوم الجلشه اتضاربوا في المحكمة بالسكاكين
 لما هروا جتة بعض . راحوا عاملين لهم قضية ثانية . وراحوا
 قابضين عليهم كلهم وحطوهم في السجن . أهو المديح بقاله يحجى
 شهرين رايق خالص . ولا بتحصل فيه أى خناقه . والله إن
 الحكومه غلطانه قوى إلى لغت قانون الننى الادارى بتاع
 الواحات . إلى كان بيحجب داغ أكبر شقى . ويخليه يعرف مقام
 مصر وأهلها . يقوم إن جاله العفو . والا لإفراج . لما يرجعوه
 فيها يبقا زى الكلب . ويسمع كلام أزغر واحد . ويتعلم محبة
 الناس إلى إتحم من رؤيتهم طول السنين إلى اتنفاهم بعيد عنها
 ياريت الحكومه ترجعه تاني . كان السبع يمشى جنب الكلب
 من غير ما يتعدا عليه . إلقصد المسألة مشيت والتجارة بتاعتنا
 ربحت قوى وبقت نفعه خالص . بقينا مبسوطين وهايصين .
 وبصتنا رجالتنا إلى يساعدون فى الشغل على آخر درجه . بقوا
 شايفين شغلهم كاللازم وزيادة حبه . تعرفوا داليه ؟ . دا علشان
 انهم عارفين إن الشىء إلى تحت أيدهم وف ذمتهم . مش بتاعنا
 بس . لاه . بتاعهم هم وخرين . مادام كل ما يزيد مكسبنا بتزود .

مهمياتهم . يعنى جعلناهم زى ما يكونوا شركائنا . وداشنى لازم
 يخلى ناله منه صاحب المال . مش بس يكسب هو . والى بيساعدوه
 وبيكسب من قفام يتفلقوا ! . إحنا كنا لما نشوف واحد منهم
 مات له ميت ندى له خمسه جنيه علشان يخرج بهيم . وان حب
 يتجوز . ندى له عشرين جنيهه سلف ونخصمهم منه كل شهر ٥٠
 قرش . واللى يعيا وهو فى الشغل . نبت له مهيته وهو قاعد
 فى بيته . واللى يموت ندفع لأهله عشره جنيه . يعنى نعمل اللازم
 زى ما بتعمل الحكومه وأزيد . علشان كده ربنا يياخد بيد
 الواخد . ويزيد مكاسبه . ويوسع له رزقه . هو سبحانه وتعالى
 مش بيقول فى القرآن الشريف . والحسنه بعشره من أمثالها . والمال
 الحلال ربنا يحفظه . إسمعوا لما أحكى لكم الفصل إالى جرائى
 أول امبارح . وإنتوا تعرفوا إن الكلام ده تمام قوى . أول
 امبارح كان المعلم بيومى جه عند قرايبه فى القلعه . وكنت انا
 وبلحه أتفقنا معاه إننا ندفع له ٥٠٠ جنيه . وقعدنا نلم الفلوس
 م السوق ما اتحصلناشى عليهم إلا بعد الميعاد بتاعه بربع ساعه .
 وأنا من عادتى أحب ظبط المواعيد . وعمرى ما وعدتش واحد
 وخلفت . أنا إنتهيت من لم الفلوس ولقيت إنى لورحت للمعلم
 بيومى القلعه راكب الترمواى ما الحقوش . وألتيه سافر من غير
 فلوس . علشان إنه راجل طيب وحقى قوى . يقوم يظن إن السوق
 ما سعنش ما يرضاش يفوت عليه . قمت رحت لواحد بتاع عجالات
 ووأجرت منه متوسيل . ورحت راكبه وقلت إلتقيام . وفضلت



« راح خائف سكينه و رافع يبرأ الى بقا يقابله »



« القرص النشال المشهور »

على كده لحد ما وصلت للمطلع . إلى بين جامع الرفاعى . والسلطان
حسن . إلا وأبص التقي ولد راكب بسكيت راح متصادم فيه .
راح المتوسيكل جايه الأيـرض . قام راح ماسك فيه . رحت أنا راحـر -
واقم فوقه . إتلمت علينا الناس . وأنا قبت سليم . والمتوسيكل
ماجر الوش حاجه . والواد بصيت له التقيته عمره ما يجيش ١٤ سنه
وانبطح فى راسه بطاحه خفيفه . ورجله إنسلخت من ركبتها .
وعمال بيعيط . قلبه - يا ابنى مش تبقا تـحلى بالك وتحاسب . إنته ما
كنت ماشى قدامى من أول شارع محمد على وانته عمال تسابقنى .
إيه إلى خلاك نجى قدامى وتتصذر . قال لى - وهوه بيعيط .
وقت القضاء يعمى البصر . أقول لكم الحق إن الواد صعب عليه
رحت مادد إيدى ف جيب القفطان . وطلعت منه نص ريال إديته
له . أخذه منى ودعا لى . وأنا بصيت فى الساعة لقيت الوقت راح
رحت ضارب المتوسيكل . ورحت ناطط فوقه . أنا يادوب وصلت
لنص الميدان . والتقيت المعلم بيومى ماشى ناحية محطة التراماى .
رحت بحصله ووقفت وسامت عليه . واعتذرت له . ومدت إيدى
ف جيب الصدى على شان أطلع المحفظه . مالتقيته لى لها أثر .
ساعة دى فهمت الفـوله . وعرفت إن الواد إلى كان بيسابقنى
واتصادم معايه نشال . وخبطه نى المحفظه ساعة ما وقعت . أول
ما فهمت كده . رحت مقوم بالمتوسيكل وف دقيقه كنت فى
الحته إلى وقعنا فيها . سألت طواد . واحد ابن جلال . قال لى -
تلتقيه فى القهوه إلى هناك دى . بيغسلوا له الليطحه إلى فى راسه

ويكبسوها له بن . انا سمعت كده وزى الهوا كنت واقف عالقهوه
ورحت بكل سرعه ناطط من على المتوسيكل بقيت جوا منه
إلتقيت الواد قاعد على كرسي . وواحد مزين صال بيغسل له الجرح .
الواد أول ماشافني وشه إصفر وجسمه إترعش . وأنا قلت له .
إسمع يا ابن ستين لبوه . طلع المحفظه حالا . الناس إستعجبت .
والواد إتلجلج . وقال محفظه إيه يا عم ؟ فتشني أدبني أهوه . أنا بتاع كده .
وواحد غلباوى م اللي واقفين إتحشر وقال . يمكن تكون إنتطرت
من جيبك ساعة ما وقعت . مارضيتش أرد عليه . ورحت ماسك
الواد بين إيديه وقلبته . رحت مطاع من جيبه محفظتي ومحفظه
تانيه . أول ما شافها المزين إالى كان بيغسل له البطاحه . راح
مصرخ . دى محفظتي . قلت له . آدى جزا إالى يسهف ولاد
الكلب . إجرى هاتى واحد عسكرى . عشره ندهوا للعسكرى
واستلمه منى . بعدما أدبته ولا ٣٠ قلم . وعديت فلومى إلتقيته
تمام . أخذت المتوسيكل ومشيت معاهم لحد القسم التقيت المعلم
بيومى واقف مستنى عند المحطه بناءة إترماى . نذكت له وحكيت
له حالمساله . ودخلنا كلنا الثمن وقدمنا شكوتنا . والظابط أول
ماشاف الواد عرفه . وقال له . أهلا بالقصر . إنت وقعت والا
إلهوار ماك ؟ . قام الواد رد عليه بتلامته وقال له . لاه . المحفظه
إلى رمتنى . دانا صال بلف وراه من الساعه ٧ صباحا . لحد
دلوقتى . وهوه بخش محل ويخرج منه . ويروح لغيره . وانا مانيش
مالك فيه فرصه . لحد ما أجز متوسيكل على سهوة . وانا التقيت .

لى بسكاييت مـركونه جنب الحيط . ما أعرفشي صاحبها . رحت راكبها و طرت و راه . لحد ما انصدمت فيه . وأخذت المحفظه وياجرسه ملحقتش أفرح بيها و متسكنى . وأديني كنت عندهم وجيت . قام الظابط قال له - أملك لسه فاتحه المدرسه يا واد . والابطلتها . قال له - فاتحها . وبتعلم النشالين أصول الصنعه . واللى ياخذ منها الشهاده مايبقاش فى الكون نشال إيده أخف منه . قت أنا قلت للظابط حقيقى . المسأله دى يا حضرة البيه . قال لى - أيوه . بس مش أنا إالى ظابطتها . إالى ظابطها واحد مخبر قديم فى قسم بولاق . والنقا عندها ولا حداثر ولد زغيرين . عماله بتعلمهم . وبتحضرهم بطشت مليون ميه تحط لهم على وش الميه ورقه سجاره . والشاطر إالى يقطعها بمشرطه من غير ما يخلى الميه تنهر . وده يبقا نهم التعليم تقوم تخرجه يسرح فى البلديشرمط جيوب العالم . وينتش محافظهم ويحييهم لها . وعلى كده المحكمه إدتها ثلاث سنين سجن . هيه

انظر الصورة نمرة - ٢ -

خرجت يا واديا قرص ؟ . قال له - أيوه يا بيه بقاها ست أشهر . قال له الظابط - مش يا بنى تتوب وتشوف لك شغل شريفه تعيش منها ؟ . رد وقال له - هو فيه فى الدنيا شغل أكسب من دى . دا أنا أقل يوم لازم أكسبلى إثنين تلاته جنيه . وساعات أكسب ٢٠ و ٣٠ . طوزنى حضرتك أشتغل دكان . وإلا ف قهوہ أقوم أخدلى لما اتعظم ٤ ساغ مافيش غيرهم . لاه . يفتح الله

يا حضرة الطائفة . نهايته الطائفة كتب له بمحضر عليشاني . ومحضر
 عليشان سرقة المزين . وسيميناه وخرجنا . إديت للمعلم بيومي
 فلوسه . وتني راجع علي بلجيه . حكيت لها الحكاية . قام حمد ربنا إلي
 اغالحت الواد وأخذت منه الفلوس . قبل ما يوزعها وإنسبط مني
 عالاخرو أنا طلبت تعميره طمباج وقعدت أشد فيها . وشويه وطب
 علينا حجاج البري . والمعلم أبوسنه الفسخاني . وعراي معاها وسلموا
 علينا وقعدوا . طلبنا القهوة جت . والمعلم عراي قال . - بكزة
 يا ابو حجاج الافراج بتاع زكي الصور في . مش رايجين تيجوا
 معا نا نقابل ؟ . قلنا له . - طبعاً . ودي عاوزه كلام . وعلى كده
 إتواعدنا إننا نقوم كلنا م الجسنيه الساعه تسعه صباحاً . ونركب
 قطر نخلوان الساعه عشره . والساعه إحداشر ونص . نكون واقفين
 نستاه قدام سجن طره . لحد ما يخرج . نجيبه ونرجع . . .



تاني يوم الضهر خرج الصور في من سجن طره . أول ما هل علينا رحنا
 واخذينه بالحضن . وكفاره يا ابني . الله يكفر سيئاتك يا عم . وحالا
 تاكس كبير مساع تماينه حضر . رحنا راكبينه والصوري في فوسطنا
 زى العريس . ليلة الدخلة . ودابت السجاير المموه . والمليانه بالحماس
 لما بقا الدخان بتاعها طالع لاجيو . وف مسافة ساعه كنا في الحسنه
 حاتم عراي قال للسواق . دور من هنا . وإمشي الحاره دي . قلت

لی علی فین ؟ یامعلم عرابی . قال - طالبیت عاشان تنغدی . قش
 أنا میلٹ علی بلاجہ . وقلب لہ ف ودنہ کام کلامہ . راح قایم واقف
 واستأذن إني یروح لحد البيت . ویمحصلنا بعد نص ساعہ علی بیت
 المعلم عرابی . قام عرابی قال لہ - إسمع یا بلاجہ . إحننا مش حنا کل
 إلا لما تیجی إقنتہ . إیاک تغیب . قال لہ - أبدا وتنہ ماشی . والسواق
 راح مدور وداخل بینا . بعد دقیتین کنا قدام البيت . الباب
 إفتح زانا . وأنا جیت أحاسب السواق . عرابی حاف بالطلاق
 إن ما حد يدفع لہ أجرہ غیرہ سیمتہ دفع . ودخلنا علی الجنینہ البتقینہ
 البساط مفروش فی وسطها . جنب أحواض الزرع . والقال القناوی
 مرصوصہ فوق حتہ رخام نضیفہ قوی . شربت وقعدت جنب
 أبو سنہ الفسخانی . وطبطبت علی کنفہ وقلت لہ أهلا بالمجدع
 قال لی - أهلا بعم الرجالہ مامعا کش حتہ ہندی یاخویہ . أحسن
 أخولک خرمان قوی . قلت لہ - أمیل زکی یعمل إیہ المسکین إلی
 یقالہ ثلاث سنین ماقطفشی . قام زکی رد وقال - آہ یاخویہ
 تصدق بالذی خلقتک . قلت لہ - لا إله إلا الله محمد رسول الله .
 قال لی - والنبي یاخویہ ما کانت حاجہ فی السجن مضایقانی
 ولا کاسرہ نفسی غیر الأنفاس . کنت أطلب من الله أناء الیمل
 وأطراف النهار أنه یعطف علیہ بیہا . ولو بسن أشمها من بعید .
 وأبدا یاخویہ : وساعات بقا الکیف یهف علیہ . لما یحلی عقلی یبقا
 رايح یشت من دماغی . ویتهیا لی إنی أرمی نفسی من فوق الجبل
 إلی بنطلع منہ الحجارہ . وأقول القیام إن ما انکسر تش رجلی

وبعد ما أعزم على كده وأتجاهد على نفسي ثلاث مرات . أرجع
 أقعد تاني . علشان الروح حلوه . بالك يا معلم عرابي أنا ما شربتش
 الحشيش من إيمته؟ إن كنت حقد تفكر . رد عرابي وقال - أظن
 من يوم ما شربنا العشرين جرايه في حاره الزير المعلق . قال له -
 كفك . ولا كلمه . آهو من يومها والنبي مامسكت إيدي غابه . رد
 المعلم أبو سنه وقال - أنا والنبي باستغرب على أسامي الحارات
 دي . إيه حارة الزير المعلق . وحاره درب الملاح فيه . وحارة
 ضلع السمكه . وحارة النضيفه والعقبه الخضراء . الا سامي الغريبه
 دي جات منين . وأصلها إيه؟ قلت له - إن كنت ما قش طرف . أنا مارف
 أصلها وفصلها . ردوا الكل وقالوا . كلهم في نفس واحد . والنبي
 تحكى لنا عليها . وساعة . دي جت القهوه . وإتحطت الصنيه
 قدامنا . ودخل واد من صبيان عرابي . ومعاها جوزة ودفايه فيها
 فحم والع . حطها جنب المعلم أبو سنه . وراح مبكر الجوزه
 وحاطط فيها فص يطلع ربع وفيه . وراح راصص النار فوقه : قمت
 لانا قلت - أحكى لكم دلوقتي والا بعد ماتت كيفوا . إلا وطب
 بلحه . وراح مسلم وقاعد وهو بيقول - تحكى لهم على إيه . قلت
 له - كانوا طلبوا مني إنهم يعرفوا سبب تسمية كام حاره فمصر
 بأسامي غريبة تضحك . رد عرابي وقال - قول لنا يا معلم يوسف
 قلت - طيب . وحدوا الله . قالوا كلهم - لا اله إلا الله
 محمد رسول الله . قلت لهم - بقا حارة الزير المعلق دي . أصل اسمها

ما كانش كده . وكانت كلها من أولها لا آخرها . عبارة عن بيت
 واحد . من البيوت الكبيره بتاعة زمان . إالى يرمح فيهم الخيال
 وكان البيت ده بتاع واحد وزير اسمه بدرخان . وكان الوزير
 ده محبوب قوى عند الوالى . إالى كان ليحكم مصر فى الزمن ده .
 وكان الوزير بدرخان ده . له بنت حلوه قوى . مافيش أجمل منها فى
 زمانها . ولها ابن عم بيحبها قوى . ومخطوبه له من يوم ما تولدت
 تمام الوالى سمع بمجمال البنت دى . وكان إسمها قوت القلوب . قام
 إتشعلق بحبها من غير ما يشوفها . وطلب من وزيره بدرخان
 إنه يجوزها له . قام الوزير اعتذرله أنه قارى فاتحتها على ابن عمها .
 وعيب إنه يرجع فى كلامه . بعد ما قبض مهرها من ابن أخوه
 الوالى . لما سمع منه كده زعل قوى . وغضب عليه . علشان إنه
 كسفه . وحلف براس أبوه . أنه لازم يعلقه فوق باب بيته لحد ما يموت .
 والحدادى والغربان تاكل من لحمه . وحالا ندهم للسياف بتاعه . وأمره
 إنه ينفذ الحكم فى الوزير . راحت ماسكاه المشاعليه . وراحتوا فى
 الحال معلقينه بمجل قنب فى غرق خشب كبير . دقوه فوق باب
 بيته . وفضل كده متعلق لحد مامات . والناس تنفرج عليه . قاموا
 علشان كده سموا الحاره دى حارة الوزير المعلق . وبعدين الوالى
 عين واحد وزير تانى بداله . قام فضل كل يوم يتشفع للمتعلق عند
 الوالى . لحد ما أمر إنهم ينزلوه ويدفنوه فى ثرته . واستمرت
 الناس مسميه الحاره دى حارة الوزير المعلق . قام الوزير الجديد
 إلتضايق . وخاف أحسن الاسم ده يرسخ فى ذهن الناس . يقوم بفضل

الوالى مفكر عمله إلى عملها مع وزيره الأوالانى لا يقوم يوم
 يغضب عليه فهو راحر . يروح معلقه زيه . وكانت مصر في
 الزمن ده لاقيها حكمه . رأى الناس : ولا لها برلمان ولا دستور .
 ولا يحاكم منظمه تحكم بالعدل زى دلوقتى . كانت ماشيه اللاوى
 إوالى عاوز فلوس . يشوم المحتسب والوزير يمر و على الناس يشوفوهم
 منفذين أوامر الوالى الظالمه والا لاه . إن لقوهم مخالفينها
 يروحوا ضارينهم بالكرباج وهاجمين على بيوتهم واخذين إلى فيها .
 وكان من ضمن الأوامر إلى لا طلعت ولا نزلت . إن كل واحد لازم
 يحط قدام بيته أودكانه . زير ملىان ميه . وتحت منه ماجور نخار
 نضيف . علشان الكلاب تشرب منه الميه المقطره فيه من الزير .
 وكان المحتسب يمر كل يوم على البيوت ومعاها . عصايه بقيس بيها
 الميه إلى فى الاذيار . وإن لقاهنا فقهه بمجلد صاحب الزير ويغرمه .
 قام الوزير الجديد عمل إنه بده يخلى الناس تاخذ بالها من أوامر
 الوالى وتقتكرها . دائما . وفى نفس الوقت بده يغطى على حكاية
 الوزير المعلق . يعمل إيه ؟ . راح جايب واخذ من إلى بي عملوا
 الاذيار القتاوى . وأمره إنه يعمل له زير كبير قسوى يساغ
 عشرين قربه مره واخده . الراجل ما كدبشى خبر . وتالت يوم
 كان الزير قدام الوزير . أخده من الراجل وإداله تمته . وأمر
 المحتسب إنه يلم الأهل . وياخذ معاها عشرة فغله وروحوا معلقين
 الزير ده . مطرح الوزير ما كان متعلق . وعلى كده دار المنادى ف .
 مصر يومين على بعضهم . يقول ياناس ياهوه . يوم الجمعة إلى

جابه بعد الصلا . لازم كلكم تروحوا عند خارة الوزير المعلق .
 علشان تشوفوا الزير الى امر الوزير بتعليقه . والى يكون خالى
 من الاشغال ولا يحضرش . وينظبط ينجدار بعين جالده . وعندها
 وفى اليوم المعهود . حضرت الناس وانفجروا على الزير لما اتعلق
 فوق باب بيت الوزير . مطرح ما كان الوالى معلق وزيره . ومن يومها
 سمو الحاره دى حارة الزير المعلق . ايه فكركم فى كده . رد عليه

انظر الصورة نمرة - ٣ -

بلحه وقال - والله حكاية عال قوى . والمعلم عرابي قال - أنا
 عارفت حكاية حارة درب الملاح فيه . قلت له - طيب قولها لنا لمة
 أستوفها زى الى أنا عارفها والالاة . قال - بقا الحاره دى زمان
 ما كانشى اسمها كده وكان فيه راجل فلاح غبيط بيسرح بكتايت
 فى حقة باب الشعريه دايم . وفى الحاره ديه . والراجل ده كانت
 الناس دايم اتعاكسه وتعمل فيه مغارز . علشان تضحك عليه . وده
 من كتر عبطه . وخصوصاً البنات الشقاى بنوع الحته ديه . وفى يوم
 من الايام وصل لحد اخر الحاره . وكان فيها باب من الابواب
 الزغيره بتاعة زمان . الى يقولوا عليه باب الخوخه . وكان الباب
 ده نافذ على حاره تانيه . إتلمت شوية بنات ساعة ما هو سارح
 وخرجوا له منه . وندھوا عليه جاههم . قالوا له - فرجنا على الكتايت
 الى معاك . نزل قفصه عن راسه وادا لكل واحد كمام كتكوت
 من الى معاد علشان تفرج عليهم أهلها . وراحوا كلهم داخلين من باب

أخو حده وخرجوا من الناحية الثانية على بيوتهم . وبتاع التناكيت
 خضل يستأهم . لحد ما المغرب إدنت . ولاحد منهم سأل عن صحة
 أمه . قام لما التقا الدنيا ضلعت راح مزق بعلو حسه « الملاح .
 الملاح . هاتوا الى الملاح ياللى عندكم الملاح » . وكانت أهل زمان
 يسموا النسوان الملاح . وصاحبنا العبيط كان مسمى كتنا كيته
 « الملاح » قامت نسوان الحته راحوا نازلين كلهم من بيوتهم
 وشبابشهم فى إديهم . ومسكوه وراحوا راقعينه علقه طيبه . وبعد
 حاعدموه من الضرب . اخدوا بعضهم ودخلوا على بيوتهم . والفلاح
 وقف يعيط . قام سمعه راجل كبير من إصحابه جه على حسه . ولما
 سأل . بتعيط ليه يا فلان ؟ . حكا له الحكايه . قام قال له . معلش عوضك
 على الله فى السكتا كيت . قام الفلاح اتحمق وقال له . كتنا كيت إيه
 يعام ؟ . هو أنا منكاد علشان إنهم إنسرقوا منى . أنا ما كادنى

انظر الصورة مرة — ٤ —

غير ضرب الملاح فيه . الناس سمعت كلامه ده . ضحكت عليه وراحوا
 من يومها مسميين الحاره دى « درب الملاح فيه » أدى الحكايه .
 مش تمام كده بالمعلم يوسف ؟ . قلت له . تمام قوى يادراع السبع .
 أنت يا مجبج مش تنقل شعرة الذخان جه . وتكرس كويس . قال
 — حاضر من عنيه . ورحت قاطف نفسيم الجوزة وزيمحتها ناحية
 المعلم أبوسنه . جبد منها النفس خلى الحجر بتاعها ولع . وزاحها . ناحية
 المعلم لحه وقال لى طيب وحكاية ضلع السمكه ما تقولها النار وخره علشان

خمرها. قلت لهم - بقا كان زمان أيام ما كانت مصر محكومة بالسناجى -
 جنوع الا تراك كان الواحد منهم يقتل وينهب فى أهل الحظ
 إلى تحت حكمه. ما حدش يقدر يقول له تلت التلاته كام. علشان
 مصر كانت متقسمه اخطاط وكان كل خط له سنجا يحكمه ويؤمر
 فيه وينهى. وكان حكم الجماعه أولاد الكلب دول. حكم تخويف
 وارهاب. فكان كل واحد منهم يخترع لنفسه شوية حكايات
 كذب ويقول إنها حصلت له. ويفضل يحكيها للناس القريين منه.
 ودول يحكوها لغيرهم بعدما يزودوا عليها حبه. وغيرهم. لغيرهم
 وعلى كده الحكايات تستشاع عند الأهالى يقوموا يهيبوا صاحبنا
 السنجا الذخاع. ويخافوا منه ليعمل فيهم زى ما عمل فى الحكايات.
 قام السنجا إلى كان الدرب الاحمر واقع تحت حكمه جاب ضلع عظم كبير
 بتاع فيل ميت. وراح معلقه على باب حاره فى الحته. وحط على باب
 الحاره دى. خمسة سته من رجالته. بقا كل واحد عيشى من هناك
 ويشوف الضلع الكبير ده. يقوم يسأل عنه. يقوم واحد من رجاله
 السنجا يرد عليه. ويقول له - إن السنجا بتاعنا كان مره مسافر
 رايح على إستمبول. قامت المركب إتخبطت فى حاجه جامده
 كانت رايحه تغرقها باللى فيها. قام الناطور بتاعها بص بالتضاره
 بتاعته فى البحر. شاف سمكه كبيره قوى. تنجى قد المركب
 عشر مرات. وحكمه رأيها أنها لازم تغرق مركبهم. السنجا لما عرف
 كده راح قايم على طول وقلع هدمومه. وطب فى البحر ورا السمكه
 وسيفه فى إيده. فضل يحاربها تحت الميه يومين لحد ما قتلها

وَقَطَعَ الضِّلَعُ دِهَ مِنْهَا . وَظَلَمَ يَبَهُ طَالِرْكَب . وَجَابَهُ مَعَاهُ وَهُوَ
 جَائٍ عَلَى مَصْر . شَوْفَ الشَّجَاعَةِ وَالْفَرَسَنَةِ أَدِيهِ ؟ . يَقُومُ
 إِلَى يَسْمَعِ الْحِكَايَةَ . يَبْصُ لِلضِّلَعِ وَبَطْنَهُ تَوَجُّعَهُ . وَيَنْتَبِهَ مَا شَى .
 مِنْ سَكَّاتٍ . وَفَضْلُ الضِّلَعِ مُتَعَلِّقٌ بِالشَّكْلِ دِهَ لِحْدِ النَّهَارِ دِهَ .
 قَامَتِ النَّاسُ سَمَتِ الْحَارَةِ دِي . حَارَةُ ضِّلَعِ السَّمَكَةِ . وَرَاحَتِ الْإِيَّامِ
 وَجَتِ الْإِيَّامِ . وَالسَّنَاجِيُّءَ رَاحُوا فِي دَاهِيهِ . وَضِّلَعِ السَّمَكَةِ بِرُضِهِ
 مُتَعَلِّقٌ لِحْدِ النَّهَارِ دِهَ . وَحَصَلَ إِنْ وَاحِدٌ إِبْنُ قُجْبِهِ . مَغْفَلٌ كَدَبِ
 لَهُ رَاحَتُهُ كَدَبُهُ جَدِيدُهُ . مَالُوشَ فِيهَا فَايْدُهُ وَلَا عَايْدُهُ . وَإِدْعَى إِنْ
 وَاحِدٌ شَيْخٌ كَبِيرٌ مِنْ أَوْلِيَاءِ اللَّهِ . إِسْمُهُ سَيْدِي ضِّلَعِ السَّمَكَةِ كَانَ
 سَاكِنٌ فِي الْحَارَةِ دِيهِ . قَامَتِ النَّاسُ صَدَقَتُهُ فِي حِكَايَتِهِ الْكَدَبِ .
 وَالتَّخْرِيفِ دِيهِ . وَمِنْ يَوْمِهَا بَقِيَ يَقُولُ عَلَيْهَا . حَارَةُ سَيْدِي ضِّلَعِ
 السَّمَكَةِ عِلْشَانَهُ . وَالْأُنْكَتُ مِنْ كَدَبِهِ إِنْ فِيهِ نَاسٌ مِنَ الدَّرَبِ
 الْأَحْمَرِ لِمَا يَحْبُو وَيَحْلِفُوا الْكَ عَلَى شَيْءٍ يَقُومُوا يَقُولُوا وَحْيَاةَ سَيْدِي ضِّلَعِ
 السَّمَكَةِ . أَدَى أَصْلَ التَّسْمِيَةِ . أَنَا إِفْتَهَيْتُ مِنَ الْحِكَايَةِ دِي . وَالسَّفَرُ
 بِنَاعَةِ الْإِلَا كُلِّ حَضَرَتْ وَاتَّحَطَتْ . إِلَّا وَالْبَابُ يَبْخَبِطُ . فَتَبَحَّ الْمَعْلَمُ
 غَرَابِي الْبَابِ . التَّقَا صَنِيعُهُ عَشَا كَبِيرُهُ مَتَغَطِيهِ شَايِلُهُ وَاحِدٌ مِنَ الشَّغَالَةِ
 يَتَوَشَّى . وَدَا حَلَّ بِهَا وَرَاحَ حَاطَطُهَا جَنْبِ السَّفَرِ . وَتَنَّهُ خَارِجُ
 قَلَامِ غَرَابِي بَصَلِي وَقَالَ لِي - إِيهِ دِهَ ؟ . قُلْتُ لَهُ - دَا خُرُوفُ زَغِيرِ
 شَوَاهِ لَنَا بَلَحَهُ فِي الْقَرْنِ . عِلْشَانُ عَاوَزِيْنَهُ نَبَقَاتُ مَزِيْبِهِ بَعْدَ مَا نَأْكُلُ . وَكَلَهُ
 مِنْ خَيْرِكُ يَا مَعْلَمُ غَرَابِي . قَالَ لِي - اللَّهُ يَحْفَظُكَ يَا أَخِي وَيُدْوِمُ الْجَبَاوُ صَاحِبَهُ

بعد ما أكلنا وانسبنا . بعث عرابي جاب من عند الخواجه
تجاري : إلى خمازته فوراً المراحيض . إلى قدام السبيل ٧ وقات
كؤنيك من المارتل الأصيل وف لحظة سفيناهم . وبعثنا جنبنا
غيرهم . شربناهم وخرين . وبعدين جنبنا بسكام تعميره كيف
وخرجنا كلنا : وكان العصر إذن . الطراوه خبطتنا في دماغنا
وخلطنا بقينا لأم الف . وإتوزنا خالص . وصبحنا على الكستره
فرفوخ فين وإلا نجى منين ؟ . عرابي قال تجوش نركب الترمای
لحد الازبكيه نبرم هناك شوته . ونقعد عند الواد هارون حبه
في البيره بتاعته . قلنا له - وجب . ويالله كلنا ورحنا شاحنين
تفسنا في الترمای : بعد ربع ساعه كنا ماشيين في شارع كلوث
بيه . وعمالين نشاكل دبان وشنا . وبنقول ياشر إشر . إحنا
يادوب خلصنا شارع كلوث بيته . وجينا نحدو على الحته إياها إلا
وظفه صعايده من الولاد إلـكـوامله . وأرد السلطه . جايين
علينا . قنا إحنا وقفنا ف وسط الشارع . لحد ما فاتوا من جنبينا . قام
أبو سنه شاف واحد منهم منفوخ . وعالج خلقته قوى . ومبرم
شنباته . قام راح غارف له . راح الصعيدي مزعق على سلتة
وزاح هاجم علينا بالزقله إلى ماسكها ف إيده . راح عرابي خابطه
كف على وشه بشيده الشمال . وراح ناتش منه الزقله باليمين . وراح
مدور الضرب ف زملائه . وأنا وراه . وبلحه معانا . وعمننا

البصوري . راح راقع واحد منهم رجل ف بطنه . راح نازل ساكت
 ونبص ونلقاك الشارع من أوله لا آخره . إثرشم صعايده
 مانعرفش جم منين . ترش الملح ماينزلشي . إحناشفنا كده وقلنا
 مايحيش منه . واستبيعنا . ورحنا مصليين عالي فيهم . بقا إلی
 يترقع عصايه ماياخذش غيرها . وأخذناها عالصفين ضرب منه فيه
 حاجه نقاوه . جلب الماعلم . عصي من نار حمرا ومقابل عموله .
 الدكاكين قفلت . والصفافير إشتغلت . والبوليس هجم . لكن
 يروح فين في الزبطه دي . إلی ماخذش عارف فيها . عيشه من ام
 الخير . ولا الضارب من المضروب . وإحنا نازلين عزق لحده
 ماخلينا الجلفات جريوا قدامنا . قام البوليس عرف إننا إحنا إلی
 بنضرب . راح هاجم علينا . وإحنا سايقين الكوامله قدامنا
 وراح عسكري منهم متصدر قدامي وفاقعني حته خبطه بالبناعه
 الخشب إلی تبقا العسكر رابطينها في القايش الجلد إلی على وسطهم
 أنا أخذت الخبطه دي على ظهري . وكنت حسيت إن وسطی
 إنقطم حنتين . ماأعرفشي إن كانت محشيه رصاص وإلا إيه .
 علشان كانت ثقيله خالص . قت إنغظت . ورجت راقعه حته
 شومه ف نافوخ خلقة أمه راج مفلوق . ونزل على وشه مفرش
 بالأربعه . وعراي خبط واحد تاني على دراعه خلاه نزل جنبه
 وعصايته وقعت منه . وبقية جماعتنا سابوا الصعايده . وإنداروا لك
 على العساكر . وهات يا ضرب . وشويه وجبه عساكر تانيين راحوا
 هاجمين من الناحيه الثانيه . على الأولاد الكوامله وضارين فيهم

راحوا روبرين نازلين في العسكر هري منه فيه . وعلى كده
 إتقلبت الخناقة من الصعايده : مع أولاد الحسينيه . الخناقة بين أولاد
 الحسينيه والكوامله ضد العساكر المساكين . إالى ما لهمشى ذنب
 ولا أسيه . غير أنهم عاوزين يحافظوا عالاً من العام . ويمنعوا
 إالى بيتخانقوا عن بعض . بس همه جم غلطانين إالى بدهم
 يفضوا الخناقه بالقوه . مع إن السياسه أحسن . و كلمه طيبه
 أبرك من ألف بطله . نهايته . فضلت العر كه شغاله من الساعه أربعه
 ونص . لحد الساعه مابقت خمسه ونص . يعنى ساعه بالمظبوط .
 وفين وفين لما جم تلاته كنستبلات إنجليز . وكل واحد منهم في إيده
 مسدس . مغمر بلا أزرق . وموت أهر . واتقدم منهم واحد
 وكان يعرف عربي شويه . وقال لنا - كل واحد يضرب . إحنه
 إضرب رصاص في دماغ بتاعه أحسن استنا ساكت . عراي
 سمع كده . وحب يأزح ناحيه الكنستبل ويشوفه يشرب إيه .
 رحت أنا قافشه من دراعه . وقلت له . ما يجيش منه ياسبع . إحنه
 رجاله نعرف نتخانق مع فاس زينا ماشكين غصى واحنا ندغدغهم .
 قال - وإن كانوا ماسكين رصاص . إحنه يهنا منهم يا بو حجاج
 قلت له - إسمع . ما هم دول مش رجاله زينا . باللك العسكري ابن العرب
 لما نموته ماضرب . وتقطع جسمه بالنساكين . تلقية مستحيل يعبط
 والا يموت . أما العساكر الانجليز دول لو إتنه بس خبطت
 الواحد منهم بوكس في أسنائه تبص تلاقيه . راح واقع ميت .
 وقليل إن ما كانشى يموت قبل إتنه ماتضربه . علشان دول عساكر

كده و كده . معمولين من شاي . و بلوييف بالصلصه . والواحد
 منهم لما واحد من الاهالي يموت . تقوم قيامه حكومته . و تطلب من
 حكومتنا التعويض . شوف مثالا الجماعه اولاد اللبوه موتوا
 السر دار ايام سعد باشا . البتي بتاعهم طلب من الحكومه بتاعتنا ميتين
 مومتين ألف جنيه ديه ؟ . مع انه لو كان واحد انجليزى زيه موته فى بلده
 ما كانش دفع لأهله ميت جنيه . قال لي - و ايه رأيك . ؟ قلت رأيي اننا
 نسلم و أمر الله ما حاشيقونا ؟ . رد بلحه وقال - أبدا غايته يدوا
 لكل واحد مناسبت اشهر . قام الصور فى قال - و ايه يعنى ياعم
 و أكم ستات شهور و سبعات . و ذى فوق . و ابوسنه قال - والبنى
 أنا نفسى فى جراية السجن يا جدعان . والولاد الكوامله قربوا
 ناحيتنا . قبت لمحت فيهم واحد بتاع بطيخ أعرفه كويس . وكان
 كل ما سرح عندها فى الحسنيه لازم اتقعه . رحبت ناده له . جبه يجرى
 و أول ماشافنى عرفنى . وراح يسلم عليه . وقال لي - الله ! هو أنته
 معاهم ياعم يوسف . بجا أنته إالى . اتخانجت مع بلدياتي . قلبت له .
 أيوه يا حميده . أصلنا ياخويه سكرانين . و انته تعرف بلاوي الخمره
 قال لي - الحمد لله إالى جث على كده . ايه رأيكم . نضرب الانجليز
 دول . و ننفذ منهم و اتلا ايه ؟ . قلت له - لاء . قل الجماعتكم
 يحجوا جنبنا هنا . و يزوغوا العصبي إالى ف ايدهم . و نسلم للعساكر
 راح حميده لولاد عمه الكوامله و فهمهم عال دور . راحوا مقربين
 علينا . و ف مسافه ثلاث دقايق كنا كلنا صافيه لبن . و اصطلمحنا
 حوكل واحد من انشبي التعوير و الضرب إالى فيه . حاكم الصعايده فيهم

برضك ولدات جدمان ومستبيعين . لكن يعشقوا النبي . ويحبوا
 الجدمان إلى زبهم . ولو يضربوهم . إلقصد إتفقنا كلنا إننا نقول
 إننا كذا ماشين سوا . واحذا كلنا أصحاب . وإن جاءه برمجيه من
 بتوع الحته . خلونا ماشين في حالنا ونزلوا فينا . وما نبص إلا
 وفلاقي العسكر حذقت علينا من كل ناحيه . وراحوا طايحين فينا
 وسابو دكهم يهزبوا علشان إنهم أصحابهم . وعلى كده إتفقنا إحنا
 وهم . وكانت العسكر في المسافه دى ضربت حلقيتنا من بعيد
 والناس إلي بتتفرج عملوا حلقيه على العساكر . لكن العساكر
 خافه برضك ومبعده عنا حبه مديحه . رحت انا متكلم مع
 الكنستابل إلى عامل إنه يعرف عربى . وقلت له - إسمع يا حضرة
 الكنستابل . إحنا بالتوق ومن غير ما حد من العساكر يتعدى
 علينا . نروح معاك إته لوحده . أما إذا كانوا رايجين يعملوا
 أمور السقاله . إحنا قدهم وقودود . لايهمنا رصاص . ولا يهمننا
 مسدسات . وعلى شان خاطرك إته يصح تجيب لنا أتومبيلات
 والا عربيات نركب قيهما . ومع كل جماعه منا كونستابل منكم
 بوزياده ثلاث أتومبيلات يكفونا كلنا . قام الكنستابل رطن مع
 جماعته وكلم العساكر . جابوا ثلاث أتومبيلات كبار . ركبنا
 قديم كلنا على داير واحد . بعد مازوغنا العصي إلى معانا كلوا .
 والكنستابل ركبت معانا . وعلى قسم ألا زبكيه . ورحنا داخلين
 كلنا . وعالظابط النوبتشى وقفنا قدامه . مليناله الأوده . كنا
 إحنا خمسة بس . علشان بلحه زوغناه ساعة الركوب . علشان بخلى

باله م البيت والشغل . وكانوا الصعايدة اتناشر واحد . يعني
 دسته تمام . والعساكر كانوا يحجوا عشرة . واحنا فينا مبطوحين
 تلاته . عرابي في دماغه . وأبوسنه فخده . والصورقي في حاجبه
 فوق عينه اليمين . والولاد الكوامله كان مبطوح منهم سبع
 تنفار . أما العساكر كان متعور منهم اربعة . منهم واحد دماغه
 إتدشدشت خالص . أول ما وقفنا في الاوده . الطابط شاف
 إدم إلى نازل من المتعورين . راح باعت أشاره لبتاغ التلفون
 علشان يطلب لنا الاسعاف بالعريه . بعد ٣ دقائق مافيش غيرهم
 كانت عريه الاسعاف واقفه قدام باب التمن . ونزل منها أربع
 تنفار . مع كل واحد شنتطته . إلى فيها الادويه والشبرتو .
 وصبغة اليود والقطر . والشاش والفتيل . والطابات وروح
 النشادر . وكل الحاجات اللازمه لاسعاف المصابين وتخفيف ألمهم
 وراح كل واحد منهم حاطط شنتطته على الارض وفاتحها . ومدور الشغل
 في المتعورين . إلى جرحه خفيف غسلوه له وربطوه . وكتبوا
 اسمه . وخلوه على جنب . وإلى جروحهم صعبه قوي . برضك
 غسلوا لهم وربطوا لهم . وراحوا شاخنينهم في الأتومبيل .
 ومعاهم إثنين عساكر حرس . وشيعوهم عالى سبتاليه علشان
 يعملوا لهم العمليات اللازمه بواسطة الدكتور المخصوص بكده .
 وبعد ما انتهوا من إلى جروحهم خفيفه . طلبوا من الطابط
 نمره القضيه راح مذيها لهم وتنهم خارجين . وبعد ساعة مافيش
 غيرها كانوا إلى راحوا الاسبتاليه خيطوا لهم جروحهم وردوهم

للتمن تانى. علشان التقوا إن حالتهم مش لازم لها دخول الاسبتاليه
 ومن ضمنهم إلهي دماغه إتدشدشت . وحقيقى يا جماعة إن جمعية
 الإسعاف دى . بتعمل للناس أكبر خدمه . تستحق عليها ألف
 شكر . علشان إنها بتواسى المصايين . وبتخفف وجايهم . ولا
 عندها فرق فى المعامله بين مسلم ونصرانى . والامصرى واجنبى .
 أو مجرم وبرى . إلكل عندها بنى آدم وبس . وكلهم مستحقين
 الإسعاف والمساعده على حدسوا . والله إن دى أحسن جمعيه فى
 مصر كلها . تستحق المساعدات الكبيره من الحكومه . ومن
 جميع الناس . وانا لازم أتبرع لها بقرشين . وعنها ورحت ضارب
 إيدى ف جيبى . وحت مطلع المحفظه بتاعة الفلوس وفتحها
 وأخذت منها عشره جنيه مره واحده . ورحت مقرب على
 الأئندى الطابط ورحت خاططهم قدامه عالترايزه وقلت له -
 خد دول يايبه . قام الطابط إستعجب واستجنى . أصله إفتكر إني
 مديهم له رشوه علنى كده قدام الناس . قام سابهم قدامه . وبص لى
 قوى وقال لى - علشان إيه آخذهم ؟ . قلت له - تاخذهم مش بلصه
 لحضرتك لآه . قال - أمال آخذهم ليه ؟ قلت له دول إمانه منى لجمعية
 الاسعاف العموميه . وانا قدامك أتعهد إني أدفع لها زيهم كل سنه
 . طول ما أنا تايش . علشان أنا إنبتسط قوى من الجمعيه دى
 إلهي بتخدم الناس نجافا . كده لوجه الله تعالى قام الطابط
 بص لى وضحك . وراح شابكهم بدبوس فى ورقه وجهه
 يكتب عليها . قام عرابى وأبوسه وإثنين من الكوامله قالوا
 للطابط . إسمعنا هوه بس إلهي يتبرع لجمعية الإسعاف . هوه

أجده منا . وراح كل واحد منهم مطلع إلى فيه القسمة ومناوله
 الحضرة الطباط . الطباط أخذ منهم الفلوس وإدالكل واحد منا وصل
 بالى دفعه له . وراح كاتب عالورقة كام كلمه . ونده لعسكرى يوديه
 للجميعه فى الحال . ويجيب الوصولات . وبص لنا وشكرنا كلنا
 على مروءتنا وحبنا للخير . وبص لى وقال لى - لما إنته راجل طيب
 وعندك مروءه ومحسن : ليه بتتخافق ؟ قلت له - أعمل إيه فى بختى
 وقسمتى . دأشئ إنكتب جالبيين وحتا ترائيه العيون . خلياها
 على الله . وقول ياباسط . ودع الخلق للخالق . هو إنته تقدر
 تنظم الكون . وتمجى الشقاوه عن مخلوق ربنا ؟ . قال أبدا .
 قلت له - حدق . سامها رب العباد تسلم . وأصنع جمائل بطول
 عمرك ولا تندم . . .

- V -

المحضر إنكتب . والشهود شهدت . والكوامله أنكروا .
 إنهم إتضاربوا معانا . وإحنا روخرين قلنا زيه . وبعد كده
 راح الطباط آمر العسكرى بتاعه . إنه يودينا للأمباشى بتاع
 تحقيق الشخصيه . علشان ياخذ لنا فيش . خرجنا معاه على أودة
 الأمباشى إلتقيناهاميليانه خلق . أفنديه على هم . على سكلانس
 وهوه ماسك إيدنا واحد أفندى وعمال يعوصها فى الخبر إالى عارخامه

انظر الصورة نمرة - ٥ -

ويختم بها فوق ورقة الفيش . رحناعدين الكرامنى والدكك
 لالموجوده نستنظر لحد ربنا مايسهل له ويخلص . ويجى دورنا

وفضل الامباشى يشتغل . وأنا بصيت إلتقيت العسكرى إالى قاعد
 بيحرسنا . نجدع ابن حلال . وباين عليه إنه ابن فاس كويسين
 ومتعلم . عقلى قال لى إساله يا واذ . على مسألة الفيش دى فايدتها
 إيه للحكومة . وعلى رأى المثل . إلعلم بالشىء . ولا الجهل بيه
 قلت له - قول لى يا حضرة . الفيش ده فايدته إيه للحكومة . إالى
 عماله تتعب فيه الراجل الأمباشى ده . وعامله ف كل قسم وأحد
 زيه طول النهار يعمل للناس فيشات . أنا بدي أفهم الفايده إيه
 من الشغلانه ديه ؟ . قام ضحك قوى . وقال لى - تعرف يا معلم
 الشغلانه دى إالى إفته مانتش فاهمها . وبسته تريها . دى لها أ كبر
 فايده للناس . وللحكومة . قلت له . عجيبه يا أخى . بتقول للناس
 كمان لها فايده منها . إزاي بقا ؟ قال - بقا ربنا سبحانه وتعالى . خلق
 الناس كلها . وجعل فى كل واحد منهم حاجه مختلفه عن التانى
 فى خلقته . دا خلقه طويل . ودا قصير . ودا تخين . ودا ربيع -
 ودا وسط . وغيره مسلوع . ودا أخنف . ودا أعرج . ودا سليم
 ودا عيان . وغيره صحته زى اليب ؟ قصر الكلام ما خلقتش
 حد شبه التانى . قت قلت له - مين قال كده . دانا أعرف ولا ست
 إقرار . كل إثنين شبه بعض ف كل شىء . فى الطول . والعرض .
 واللون . والشبه بتاع الوش . والكلام . والحس . والعمر . مش
 يقولوا إني ربنا يخلق من الشبه أربعين . قال - الكلام ده حقيقى
 وربنا قادر على كل شىء . ولكنه سبحانه وتعالى خلق فى كل
 واحد من اللى إفته بتشوفهم شبه بعض تمام . حاجه مختلفه . يا إما

الناس تحس بيها وتشوقها فيهم يا إما تكون مخفية وما تباشي
 إلا لي يدفق قوي . بص لي واقفين قدام الامباشي
 وعمال يياخذ لهم الفيش . آهوده ودنه مسطوحه . وزميلة ودنه
 مكبيه . ودا مناخيره طويله حبه . ودا مناخيره أقصر
 منها . ودا يمكن أخلاقه طيبه خالص . واللي جنبه أخلاقه من ألعن
 مايكون . وفيه حاجات تانيه مختلفه . والناس ماهياش واخده
 بالها منها . زى الخطوط إالى موجود في إيد الانسان . وف قدمه .
 وزى طوله . وزى طول إكتافه . وزى طول إيديه . وطول صوابه
 و كبر رجله وصغرها . دي حاجات محدش منا يياخذ باله منها
 مع إن الاختلاف والفرق موجود فيهما . نبص لك إنته مثلاً
 أهو كتفك اليمين . أقصر من كتفك الشمال . قت أنا بصيت لكتافي
 إلتقيتهم زى بعضهم . قلت له - أبداً . أنا إكتافي طول بعض
 قام بص لي وضحك . وقال - إنت متأكد . قلت له - أيوه . قال
 طيب تعالى . وراح واخذني وموقفني جنب الخشبه بتاعة مقاس
 الطول إالى ف أوده الأباشي . وقال لي خلي كتفك اليمين الناحيه دي
 وراح ماسك الخشبه التانيه إالى بتنزل من فوق . ونزلها لحد
 ماوققت على كتفي . وقال لي - ابعد بقا . بعدت عن الخشبه . قال
 لي - تعرف تقرأ ؟ قلت له - أيوه . قال لي - إقرأ الحساب ده كام
 بصيت له إلتقيت الخشبه إالى ماسكها بشيده . واقفه عندي سبعة
 وستين ونص . قلت له . قال لي - تمام . وراح موقفني تاني . وقاس كتفي
 الشمال . وقال لي - إقرأ . قرئت . التقيت طوله مية تسعة وستين
 ونص . يعني زياده عن الثاني . إستعجبت قوي . قام قال لي - آدي إنته

دلوقتي بقيت عمرك أزيد من ٣٠ سنة. وماقتش شايف إن كتفك
 اليمين أقصر من الشمال. تقوم تقدر تعرف الفرق إلی حامله ربنا
 عز وجل بين خلقه وخلقه. قلت له. أبدا. أما عجبیه یا جدها
 علی كده. وبصيت لاكتاف المعلم عرابي التقيت كتفه اليمين علی.
 والشمال واطي وانا كتنی الواطي اليمين قمت استغربت وقلت
 للعسكري - اشمعنا المعلم عرابي. كتفه الواطي الشمال مش
 اليمين زي؟ قال لي تعرف دا ليہ؟. قلت له - لآه. قال -
 علشان المعلم لازم يكون أشول يعني بيشتغل شغله كله بشيده الشمال
 استعجبت قوي. وعرفت إن كلام العسكري كله في محله. علشان
 أنا عارف إن المعلم عرابي أشول. قمت قلت له - طب وبعدين. أدحنا
 عرفنا إن كلامك تمام. قال - بقاربنا ما خلقش حد لغايه اللحظة دي
 وخطوط كفه وصوابه ورجليه. شبه واحد تاني. لازم يكون
 فيه فرق بينهم. قاموا في بلاد اوربالماعرفوا المسألة دي وانا كدوا
 منها بقوا. كل ما يقع في ايديهم واحد حرامي. والا قاتل. والا ضارب
 يروحوا واخدين بصمات صوابه. وطابعينها على ورقة القيش.
 إلی متقسمه. كل صباع لوحده. والأربعة سوا للأيد اليمين
 والأيد الشمال. ودا عملوه علشان بقوا يلتقوا المجرم من دول
 بعد ما يوفي مدة سجنه. والا يهرب منه. يروح يغير شكل
 وشه ويلبس هدوم تانيه. ويغير اسمه. ويقلب كيان نفسه.
 والحاجات دي كلها ممكنه. ولما يعمل كده. يصبح كأنة واحد تاني
 ويدور يأذى ف مخالفين ربنا. لكن بصمات صوابه مش ممكن

يُقدَّرُ بغيرها : لا يسميت النار . ولا بالمبرد . ولا بغيره . علشان
إنه كل ما يعمل فيها حاجه . يرجع الجلد البراني يبنى وترسم عليه
الخطوط تأتي . ترجع البصمه زى ما كانت . وبقوا يكتبو إسم
المجرم . وسنه . وطوله . على الورق بتاعة الفيش ده وعملوا مكتبه
كبير سموه قلم تحقيق الشخصيه . جابوا فيه موظفين . علموهم
إزاي يعرفوا يفرقوا بين البضات وبعضها . وجابوا : واليب
كبيره . وفيها إدراج زغيره . وكل درج . كتبوا عليه حرف من
حروف ألف بيه . وبقوا كل ما يقع فى أيدهم واحد حامل أى
عمله . يروحوا واخدين له الفيش . ومشبهينه . وكاتبين إسمه
وعمره عالفيشه ويمخطوها مع ورق القضية بتاعته . إن طلع
براءه يقطعوها . وان إنجسك عليه بشئ . يروحوا كاتبين عليها
المده إلى إنجسك عليه بيها . ويبغتها على قلم تحقيق الشخصيه
يحفظها عنده فى الدرج إلى مكتوب عليه اول حرف من
حروف إسمه . مثلاً محمد يخطوه فى درج حرف الميم . وأحمد
يخطوه فى درج حرف الألف . وعلى يخطوه فى حرف العين .
وبالشكل ده . لحد ما بقا عندهم بمرور الزمن وطول المده ملايين
الفيشات . يقوم لما المجرم من دول يقع فى إيد الحكومه مره ثانيه .
ويكون مغير شكله واسمه . ياخذوا بصمات صوابه على فيشه جديده .
ويروحوا باعثنها على قلم تحقيق الشخصيه . تقوم الموظفين
تاخذها . وتكبر صور البصمات بالفتوغرافيه . علشان تبان
الخطوط إلى فيها وتظهر . ويتعدوا يدوروا فى الفيشات إلى

عندهم لحد ما يعتزوا على الفيشه بتاعة السابقة الا ولانيه . يقوموا
يروحوا كاتبين للمحكمة . إن صاحبنا له سابقه . وحكم عليه فيها .
بكذا وكذا . يوم كذا . عشان كذا . لما نجى القضية في المحكمة .
يقوم القاضي يسأل المتهم : إنت لك سوابق يا جده . يقوم ينكر
يروح القاضي مقلب في الورق . يلتقى الورقة دى ومكتوب عليها
السابقه . يقوم يتقل عليه الحكم شويه . وبعد ما تنتهى القضية
تنبت الفيشه الثانيه . على قلم تحقيق الشخصيه . تتحفظ مع آخرها
وبالشكل ده ينعمل كل مره . قلت له - طيب . وان كانوا يدوروا
وما يلغوش له سوابق يعملوا إيه . ؟ قال لى - يرجعوا للمحكمة .
قاضيه يقوم القاضي يعرف إن المتهم مالوش سوابق . يقوم يخفف
عليه الحكم شويه . قامت لما مصر إتمدنت واتنورت . صملت لها هيه
روخره قلم تحقيق شخصيه . وقلم سوابق زى الدول الثانيه ..
وبقت تعمل زيهم تمام . قلت له - ومش ممكن يغلطوا الجماعه .
بتسوع تحقيق الشخصيه . ويقولوا على واحد مالوش سوابق .
إنه له ، أو يقولوا على واحد إنه مالوش . وهو عنده ؟ قال لى -
دا مش ممكن أبدا . ومن رابع المستحيالات . قلت - طيب يا عم آمنة
وصدقنا بكده . آدى فايدتها للحكومه . طيب وفايدتها للناس
إيه ؟ قال لى - فايدتها للناس كبيره قوزى . دلوقتي إن واحد دخل
على واحد غنى فى بيته وهو بالليل . وراح ضاربه سكينه . أو
خانقه . أو قاتله بأى طريقه . وراح سارق فلوسه إالى فى خزانته .
ويقوم البوليس يسمع خبر الحادثه . ياخد بعضه هو ووكيل النيابه

حو روحوا يعملوا معانيه . يقوموا يفتحوا الباب . ويقفوا ويبصروا
 حو الا وده مثلا . إلى فيها القتيل . إن كانت أرضها بلاط
 يقوموا يلقوا على الأرض آثار . رجلين . يقوموا يرسموها .
 ويشيلوها معاهم . ويفحصوا المقتول يلتقوه مضروب بسكينه
 مثلا . يقوموا يدورا على السكينه يقوموا يلتقوها مثلا مرميه
 هنا والا هناك . يقوموا يمسكوها بورقه . ويفحصوها بالنضاره
 لازم يلتقوا عليها أثر بصمات الصواب مرسومه كأنها مطبوعه
 بالمطبعه . يقوموا يرشوا فوقها الومينوم مسحوق وناعم زئ
 الحريز . يروح دوغرى لازق فيها وتبان البصمه . يروحوا
 طابعينها بالخبر فوق ورقه نضيفه . ويحفظوها معاهم . وبعد كده
 كل ما يلاقوا بصمات صواب على الحيطان . وإلا على أكر البيان
 يروحوا راسمينها . وواخدينها بالشكل إلى قتل لك عليه . ولما
 يفحصوا الخزانة لازم يلاقوا عليها بصمات كان ينقلوها روبره .
 ويحفظوها معاهم . وبعد كده يعملوا المحضر اللازم . ويبعثوا
 يجيبوا الطبيب الشرعى . يفحص القتيل . ويكتب لهم تقريره اللازم
 يعنى . إتقتل ما بين الساعة كذا . والساعه كذا . والقتل كان بسكينه شكلها
 كذا . والقاتل كان عنده شديه . وإلا ما عندوش . والمقتول
 كان نايم . والا كان صاحي . وخايات زى دى . ويروح مدى لهم
 التقرير ده . يروحوا حاطينه راخرفى الورق . تقوم دلوقى تقرض
 إنك كنت عند الرجل المقتول ده بالليل . وخرجت من عنده
 خوفيه ناس شافوك . وفيه ناس سمعوك . وانه قاعد معاه صمال

تخافق . وحلفت مثلاً إنك لازم توريه . أو بلاش كده . نقول
إنك من مدة سبع تيام . إتخاقت معاه فى القهوة . وحلفت قدام
الناس . إنك لازم تقتله . وتشرب من دمه . ولكن إنته ماقتلوش
وبس وقلت له الكلام ده من زعلك منه . تقوم الناس تشهد عليك
بكده . أو مثلاً تكون السكينه إالى هوه إتقتل بيها بتاعتك
وإلى قتله . سرقها من عندك . علشان بوقعك فى التهمه دى . تقوم
للنيابه تقبض عليك . وتعمل لك ورقه فيش . وتطبع فيها بصمات
صوابك . وتروح باعتها هيه . والبصمات إالى رسمتها من
على رقبة القتيل . أو من على إيد السكينه . أو من على
قزار الشباك . أو قزاره اللنبه إالى ولعها القاتل . أو من على الخزانة
إلى سرق الفلوس منها . يقوم قلم تحقيق الشخصيه . يخط بصماتك
جنب البصمات التانيه ويشوفها . يقوم يلقى فيها إختلاف مهم
يروح دوغرى فى الحال . باعت الورق تانى للنيايه . ويقول لها إنك
مانتش إنت . إالى قتله . وعلى كده يروحوا آمرين بالافراج عنك
فى ساعتها . وفيه حاجات كتير بالشكل ده تحصل تكون البصمات هيه
السبب فى نجاة ناس مظلومين . وبعد ما يفرجوا عنك . يقعدوا
يبحثوا عندهم فى الفشيات بتاعه المجرمين كلها . إن كان القاتل
ده له سوابق . دوغرى يعرفوه . ويروحوا باعتين للنيايه الفيشه
القديمة . إالى فيها اسمه وسنه . ومحل ولادته . وصنعتة . وكل
تشبييه . النيايه دوغرى تروح مكافه البوليس بالقبض عليه
والبصمات دى تكون قدام المحكمه بصفة شاهد . القاضى يحكم

على القاتل وهو مغض. علشان يبقا متأكد إنه هو. القاتل الحقيقي
وإن بحثوا عليه في محل إقامته. وما التقوه شئ. بروحوا مشيعين
أوصافه. وصورته. إن كانت عندهم. لكل الأقسام. إلى وجوده
في القطر المسمى كله. وإن كانوا يعرفوا من التحقيق. إنه سافر
على أي بلد من بلاد بره. بروحوا باعنين أوصافه وتشبيهه بالنظراف
للملكة إلى راح فيها. وهيه حالا أول ما يخشها روح البوليس
بتاعها. قابض عليه. وحاطه عندهم في السجن. لحد الحكومة
المصرية ما تبعت عساكر حرس من عندها. يسافروا على البلاد
إلى إيتظبط فيها. ويستاموه هنا ويحبوه. ياخذ العقوبة بتاعته
ذا كله إذا كان له سابقه من قبله. وإن ما كان لوش. روح القلم
مرجع الورق للنيابة تقوم تكلف المخبرين إنهم يبحثوا عليه من تحت
لتحت. والتحقق بتاع النيابة يشتغل. لحد ما يعتروا عليه
ياخدوا له فيش. ويطلبوا بصمات صوابه إلى في الفيش. على
بصمات صوابه. التي عتروا عليها. ياتقوها تمام. يقرر وه ما يقرش
يودوه قدام المحكمة. بشهادة البصمات دي. القاضي روح راقعه الحكم
والبوليس إن ما عتشر فيه. وراح دم القنيل هدر. برضه لازم
ربنا يوقعه المجرم في شر أجماله. مثلاً يقم في خناقه زغيره بتاعة
تموير واحد يمكن ياخذ فيها حكم ٥٥ قرش صاغ غرامه. وإلا
حنيه بالكثير. يقوموا وهمه يبحثوا على سوابقه. يلاقوه
زى البصمات. إلى وجدوها في حادثة القتل (مهي أوراقها
روخره تنحفظ في فلم تحقيق الشخصية. في دولاب آثار الجرائم

إللى لسه إصحابها ما وقعوش فى إيد العدل) يروحوا دوجرى واخذينه
 من الدار للنار. ويقدموه قدام المحكة. ندى له الحكم إللى يستحقه
 وعلى كل حال إن ما وقعشى النهار دة. لازم يقع بكره. وبشر
 القاتل بالقتل، ولو بعد حين. هو فيه. حاجة تغضب ربنا قد قتل
 النفس إللى حرم الله قتلها إلا بالحق. قلت له - والحق ده. يبقا
 إيه. قال - مثلاً جاعه حراميه طلعلوا عليك. وحبوا يقتلوك
 قمت إنت قتلهم وإنته بتدافع عن نفسك. وما كانشى قدامك
 طريقه. لئلا جاتك غير قتلهم يبقا. قتلك لهم ما يغضبش ربنا
 علشان لك حق فى قتلهم. كان القاضى لما يلتقى التهمة لابس
 المتهمة إنه قتل فلان من غير حق. والشهود تشهد عليه تمام
 بالبصمات تنطق بتهمته. يروح حاكم عليه بالاعدام. يعنى يأمر
 بقتله. أهود يبقا بالحق. قلت له - كتر خيرك يا شاو يش. وأنا متشكر
 منك قوى. أهو أنا عرفت دلوقتى بس. فائدة أخذ الفيش.
 ياسلام على ابن آدم ده. إللى ما يغلبوش غير الموت



بعد ما عملوا لنا الفيش. وشبهونا. حبوا إنهم بيتونا فى القسم
 لحد الصبح. قنا رحنا إشتكينا حضرة الطباط. قام الله يستره
 ويعلى مراتبه. أمر واحد عسكري إنه ياخذنا ويودينا لحد نقطه
 الحسنيه. ويخلى شيخ حارتنا بضمنا. والسكوا مله روخين بعث

مغامم عسكري تاني. وعنها وما خرجناش من نقطة الحسينيه إلا الساعة
 حداش رمساء بالقطب. وكل مناروح على بيته. وتاني يوم الصبح. جاني
 بلحهم الفجر صبحاني. قمت قابله سألني عالى حصل. حكيت له عالى
 تم واللى صار. قام قال لى - دى المسألة دخلت فى دور جد يابو
 حجاج. قلت له - وماله. هو فيه فى الملك كله شىء احسن من
 الجدة. قال لى - بس أنا زعلان. قلت له - ليه تزعل نفسك؟ ربنا
 ما يجيش زعل. قال - بس كان بدى نككون زملة فى السجن. قلت
 له - أما أنته عبيط. طيب ومين يخلى باله من الشغل. ومين يروح
 يشتري البهايم اللازمه للمديح. قال لى - ما البركة فى محمد قلت له -
 محمد فى دكانه مشغول بيها. ربنا يحزن عليه. ويسهل له. هو وأخوك
 البركة فيك إنته. ودول على كل حال عيال برضك يلزم لهم واحد
 زيك يخلى ياله منهم. وأنا قدالك وقلبي جامد. وواخد على السجن
 ومعدنى تعرف تهضم الفول أبوسوسه. والعدس إالى. بحبه
 وققطانه. والجرايه إالى يتصرف فى السجن. لو إتقطعت إيدي
 صمك الرمالى. ما يعرفش يعملها بالتزاب إالى معجونه ييه. ومأمور
 السجن صاحبنا. والزنايه بتاعتى وأنا. إالى لازم أسكن فيها. حاتر على
 على إيه؟ لطايت لجت لنين عور. صلى حالي ف قلبك. وبالله
 بينا نقعد جبه نلعب المنقلة ف قهوه زغير. علشان أنا نفسى
 اللاعب الواد أحمد الدكش. حريف المنقلة عشرة. وأشوف بختى
 معاه. قال لى - أحسن يغلبك؟ يابو حجاج قلت له - أنا وبختى
 وآهى تسالى. علشان أنا صابح كده مزاجى معكثن قوى. قال لى

— يا لله بينا ولفه والتانيه بقينا ف قهوة زغير والتقينا الواد أحمد
الدكش راكب البتاع الجريد إلى عامل زى العنجري ب بتاع البرابره
أنظر الصورة نمرة — ٦ —

. وقاعد يلعب المنقله مع واحد صاحبه . وف إيده الحنيه عمال يشد
منها . أول ماشافناراج . قايم واقف وناول الجوزه لصبي القهوه .
وسلم علينا بأشتياق وقال — إنت فين يا ابو حجاج ؟ ولا حد بقله
بيشوفك ؟ قلت له — الدنيا تلاهى يا احمد وأكل العيش يحب .
والرزق ما يجيش إلا باللحله . حانعمل إيه ؟ أهو الواحد يفضل
يسمى ويمحط طول عمره . ويوم ما يموت ما ينوبوش غير الكفن
والحقة الارض إلى يدفنه فيها . ويمكن كان يكون الجنوتى ابن .
قعبه يستكثر الكفن عليه . ينزله فى تربته يسرقه منه . يعنى يخرج
من الدنيا عريان . زى مادخلها عريان . يوم ما ولدته أمه . أقعد
ألاعبك عشره بشلن . رد الدكش وقال بلى — بس بشلن ؟ . قلت
له — أهو على قدك . قال — مأتزوده حبه . قلت له — خليه نص ريال .
قال — أقعد . رحى قاعد . وهات يالعب دور والتانى والتالت .
وراحت العشره . لاعتبه أختها . غلبته . قال نطبق فيهم طبقنا . غلبنى
رحى مناولة الريال . فرح بيه وزأطط . وفى الساعه دى وقف على
باب القهوه راجل عاجز بيتعكز على عصايه . وقال — أعطونى ملة
عطاكم الله . قام الدكش راح مناولة تعريفه . وأنا رحت ماسك
عكازه وسحبته بيه . ودخلته القهوه . وقلت له — مش تقعدشويه

غزيره يا بوياتس تريخ . قال الله يريح قلبك يا بني . والله أنا عمال ألف
 من ساعة الفجر يه لحد دلوقتي . ما قعدت . وربنا ما حنشن عليه
 إلا بالقرش . إلى إديتوه لي . دلوقتي . ربنا يستركم وياخذ بيدكم
 قمت قدمت له كبرسي قعد بيني وبين بلحه . والد كش جاب كرسيه
 موقع جنبنا . رحت مسقف علواد النص صبي القهوة . جه . قلت له
 - شوفنا . وشوف سيدنا الشيخ . إحنا طلبنا شاي . والشيخ طلب قهوة
 بسكر . جت القهوة والشاي . كل منهو شرب طلبه . وبعد كده
 ميلت عالشيخ وقلت له - إنت إسمك إيه يا عم ؟ قال لي - إسمي
 محمد مصطفى يا بني . قلت له - عاشت الأسمى يا شيخ محمد .
 أظنك ما انت جعان . أجيب لك حاجه ناكل ؟ ضحك وقال لي - جعان
 تأفت لك . قالوا ياللي أبوك مات م الجوع . قال لهم هوه شاف
 شىء ولا أكشى . إحنا سمعنا المثل اللى قاله الشيخ محمد . ومتنا
 على روحنا م الضحك . وعرفنا إن الشيخ محمد راجل حدق برضه
 وابن قتله . رحت فاده لاواد النص واديتة نص ريال . وقلت له -
 إجرى هات لنا بطيخه تكون يفاوى عال . وهات لنا جبنة وعيش
 وبتلاته ساغ كوفته . من عند الواد أبو مريع إلى عند البوابه وتعالى
 قوام . خاينا ناكل مع الشيخ محمد . الواد راح . وأخذ الدكش حب
 يقفش للشيخ محمد . قام قال له - تجيش يا سيدنا الشيخ تلعب عشره
 ضمنه . غلى بال الأكل ما يجي . رد عليه الشيخ محمد . وقال له
 - وماه ؟ ألاعبك أنا بس ما أحبش اللعب . إلى من غير فايده . قال
 نظه - تلعبها بس كام ؟ قال له - أنا ما ألعبش العشره بأقل من ريال .

صورة نمرة - ٣ -



« واتقروا على الزير لما اتعلق فوق باب الورد »

صورة نمرة - ٤ -



« انا ما كادني غير ضرب الملاح فيه »

قام الدكش قال له - إنته بتتكلّم جسد والا بتضحك . قال له -
 أنا بكلمك جد . قام قال له - طيب طلع الريال بتاعك . قام
 الشيخ محمد ميل على ودني . وقال لي - حضرتك إسمك إيه ؟
 قلت له ... إسمي يوسف أبو حجاج . قام وداوشه ناحية الدكش
 وقال له - ضماني عالمعلم يوسف أبو حجاج قام الدكش
 يص لي بطمع وقال لي - ماشي . قلت له - ماشي قوى . رقبتي
 لاشيخ محمد . رد الشيخ لمحمد وقال - تعيش يا ابني وتسلم بقبّتك
 وراج متعدل في كرسية ومشمركام قفطانه . والدكش جاب
 الطرايزه وخط عليها الضمنه وخطها بينهم . والشيخ محمد مد إيدّه
 وقلب ورق الضمنه وبوظها . وعان إيدّه والدكش مد إيدّه أخذ سبع
 ورقات . والشيخ محمد أخذ سبعة تانيين . حطهم في حجره .
 وصف بقية الورق على جنب . وبعدين حسس بصوابه عالورق
 بتاعه وهو ف حجره . وقال للدكش - عندك حاجة تحب ترميها
 راح رامي ورقه دش . وعلى كده دار اللعب بينهم . لكن بسرعه
 والشيخ محمد تقا يرمى ورقته قبل الدكش مايعين إيدّه عن الورقه
 إلى رماها . وكل شويه والدكش مايلقاش عنده ويحجر . لحد ماأخذ
 الضمنه كلها وخطها قدامه . قام الشيخ محمد قال للدكش - إحنا
 مااتفقناش العشره من كام . قام الدكش قال له - من ميه وواحد
 قال له - طيب وراح رامي بك بالدو . الشيخ محمد راح ساكفه
 بالدو باره . وقال له - ضمنه . ومد إيدّه في الحبال على ورق
 الدكش وعده . وقال له - ٧٦ . قام الدكش كندس . وقال له - أيوه

وراح مقلب الضمنه ومبوظ . والشيخ محمد مد إيده وأخذ
 النبع ورقات بتوعه . وهات يالعب . من ثاني طابق . خبط العشره
 م الدكش . و ٢٥ فوق . رحنا مسقفين للشيخ محمد . والدكش
 وشه إصفر . وراح حاطط إيده ف جيبه ومطلع الريال غصبن
 عنه . وراح معكه للشيخ محمد . أخذه وضحك . وراح مناوله له تاني ..
 وقال له .. خد يا بني ريالك أنا ما أحبش أكسب فلوس من حرام .
 ساعة أنا ماشفت كده . الشيخ محمد ده كبر في عيني . وبقاله
 منزله تانيه . وحلفت ف سري . إني لازم أخد الشيخ محمد ده
 وأعمله زني أب ليه . وأقعده عندي في بيتي . هوّه وأولاده وعيلته
 إن كان له أولاد . وفي الشاءه ديه دخل الواد النص بالأكل
 وحط الكوفنه والعيش والجبنه قدامنا عالتريزه . وراح شقق
 البطيخه وجابها . أكلنا إحنا التلاته مع الشيخ محمد . وبعد
 ما غسلنا أيدينا . دفعنا للنص تمن الطلبات . وادبته قرشي ساغ على
 شانه . ورحت واخذ إيد الشيخ محمد تحت باطمي . وتني خارج
 بيه . أنا وبلحه وتننا ماشيين عالبيت . قعدت الشيخ محمد في
 الحوش . وأخذت بلحه على جنب . وحكيت له عالمين إالى حلقته
 قال لي : والله خير ما عملت . وعمرك أطول من عمري . والنبي
 أنا راخر ضعب عليه الراجل ده . وكنت بدى أخذه ف بيتي .
 قلت له - إالى سبق أكل النبق . وانا اته واحد يامعلم بلحه .
 روح إنته ياخويه شوف العيال عملوا إيه في تفريق اللحم . وسيب
 لي الشيخ محمد حبه . قال لي - وجب . وسلم عليه . وتنه ماشي -

وانا رجعت للشيخ محمد وحكى له عالدور . فرح قوى والدمعه
فرت من عنيه خلاى أنا راخر عيظت . وميل على إيدي بأسها .
رحت انا راخر بايس إيده . وسألته عن أهله . قام قال لى - والله
يا ابني أنا مقطوع من سجره . ولالى ولد ولا مره . ودامن عشر
سنين . والحمد لله على كده . قلت له - أمال أهلك راحوا فين ؟ قال لى -
راحوا عند من لا تضيع عنده الودايغ . ماتوا وشبعوا موت .
والبقية ف حياتك . ربنا يخليك ويسهل لك الرزق ويحميك
بجمايته . قلت له - ربنا يبارك فيك . عن إذنك شويه . قال لى
إتفضل . بتنى طالع على فوق . طلعت قفطان جديد لسه مالبسوش
إلا مره واحده . وقميص ولباس . وعبايه وبر جمال . كان
عميلي المعلم بيومي خلا جماعه عرب تسجوها لى . من صوف
النياق الاصفر إلى زى الحرير . وأخذت جزمه . وطاقيه
صوف بلدى . ولاسه حرير . وحزام قفطان حرير . وجوز
شوراب صوف . القصب دبت بدله عال علشان الشيخ محمد . وتنى
نازل على تحت . ندهت على ولد من صبياني . وشيلته
الهدوم دى ف بقجه . وقلت له - حصلنا على حمام البشرى . وأخذت
الشيخ محمد تحت باطى . ودميت العصايه إلى كإن بيتعكر عليها
وتنى رايح بيه عالحمام . دخلنا على المعلم . وسعيدة يا عبس . رد
وقال - أهلا وألف مرحبا بالمعلم يوسف أبو حجاج . قلت له -
إحنا عاوزين نستحاجومه عال . قال - من عينيه . وراح مسقف
طالحارس وراح باعتو لنا . واجنا ف باب أول بنقلع . أول ما

شافنا عافني وتنه طالع يجرى . وجاب لنا طقمين فوط عال . وبعد الشيخ
 محمد ما قلع هدومه واتقوط . وانا راخر قلعت . رحت واخذ الواد
 الحارس على ناحيه بعيد . وقلت له فيه هدوم جايه للشيخ مع
 الواد تهته صبينى . خدتم منه وادى له البقجه الفاضيه . وأما هدوم
 الشيخ القديمه دى . إتصرف فيها زى ما يعجبك . إحتامش عاوزينها
 قال لى - حاضر ياعم . وأخذ هدومى إالى قلعتها ولف هدوم
 الشيخ محمد فى فوطه . وسابنا ومشى . واحنا دخلنا الحمام .
 إستحمينا حمومه عال كيف . واتليفنا بالصابون . بعد ما خليت
 المكيساتى . أخذ الشيخ محمد ثلاث دوار تكيس . لما خبلا
 يقا زى الفل . وبعث جيت المزين صلح له شعره . وساوا له دقنه
 وحلق له شعر باطه وطيبه . وخلاه زى العريس ليله الدخله
 وبعد كده خرجنا على بره . إستريحنا قدساعه ونص واتكيسنا
 وتننا خارجين . بعد الشيخ محمد ما لبس هدومه الجديده . والغراب
 إن كل شىء من الحاحه إالى جبتها له . طلع فته بالظبط . كأنه
 كانت متفصله عليه . حتى الجزمه جت على قه رجله . قلت والله
 ناراجل ده . نيته كويسه وطيب . وبابن عليه إنه ابن حلال
 ولازم أصله من بيت كويس . شوف الهدوم مشبوكة عليه إزاي
 وماشي بيها . ولأ كنه غير هدومه المقطمه إالى كان لابسها
 هذا لو كان مش ابن نعمه . وشاف شىء كثير . ولبس أحسن هدوم
 من قبله ما لبس هدومى دى . كان ساعة ما لبسها دلوقتي إتلجس
 وأو عقله إختل ! ! !

مشينا بعد ماخرجنا م. الحمام . وكانت الساعه بقت واحد بعد
الظهر . قابلنا بلحه جاى م السوق . قال لنا - نعيما عقبال حمام حجكم
قلنا له - جمعا . إن شاء الله . والشيخ ميل على ودنى وقال لى - مش
ده الجدع إالى كان معانا فى القهوه ساعه ما كنت بالعب الضمنه
قلت له - إيوه . وإسمه المعلم عبد العزيز بلحه . ودأخويا . وذراعى
اليمين . وشريكى ف شغلى . وجوز أختى . وأخوه يبقا شريك أخويا
محمد . إالى رايح أعرفك بهم بالليل . قال لى - ربنا يخليهم ويطول
عمرهم . وعلى كده تننا ماشيين لحد ماوصلنا قهوة عراقى . دخلناها
وقعدنا جنب قصارى الزرع . وكان عراقى راح يتغدى . طلبنا
كل واحد حميه . وقعدنا نشرب . وجب القهوه شربناها . وشويه
وطب علينا الشيخ عبد السلام . إن نقيب سيدى البيومى . راح
مسلم علينا وقعد جنبنا . وقال لنا - كل سنه وأنتم طيبين . مش
حاشرفونا فى الصيوان بتاعنا الليله . قلت له - فين ؟ قال - فى
مولد سيدنا النبي عليه الصلاه والسلام . قلت له - إن شاء الله .
إنت أخذت الديبجه بتاعى إالى يتأخدها كل سنه . رد بلحه
وقال - إيوه إديتهم العجل الكبير الاخضر . وشيعت معاه لوااد
صرصع دبجه لهم النهارده . وسلخ لهم جلدده . قلت له - عال . قام
الشيخ محمد قال - أنا بقالى يحبى ١٥ سنه من يوم عينيه ماراحت
ما تفرجتش عالمولد . ياترى يا معلم يوسف . بيعملوا فيه إيه دلوقتى ؟

قام رد الشيخ عبد السلام وقال - آهى الصواوين تنتصب كل
 طريقه جنب أختها. والنقبا كل واحد منهم يدبج الدبايح إلى يقدره
 عليها ربنا ويعشى الفقرا . وبعد كده الدراويش تذكر . والساعة
 تسعه مساء ليلة الليلة الكبيرة الحكومه تعمل سوار يخ تولعها والناس
 تنفرج عليها . وبعد ما تنتهى . إلى يروح يروح . وإلى يفضل يفضل .
 لحد النهار ما يطلع . قام الشيخ محمد - قال له - . ومو كب الدوسة
 بيعملوه والا لاءة . ؟ قام الشيخ عبد السلام بص له واستغرب
 وقال له - دوسة إيه ياسيدنا الشيخ؟ . قام قال له - أنا شفت المو كب
 ده وأنا زغير أيام الدنيا ما كانت دنيا . وأيام ما كانت الحته إلى
 يقولوا عليها دلوقتى ميدان الازبكيه . عارف دى يامعلم بلحه كانت
 إيه؟ قال له لاءة . قال له - كانت أيام النيل ما يزيد . يملا الخليج ولما تزيد
 عنه الميه تتصرف على الحته دى . تقوم عملاها من أولها لآخرها . تبقا
 عبارة بحر . والفلايك تمشى فيه . وفيها إلى عاوزين يتفسحوا . ومعاهم
 طبولهم وزمورهم . وأكلهم وشرابهم . وكانت دى أعظم تسليه عند الناس
 طول مدة زيادة النيل . وعند النيل ما يخس كانت . الميه تنشف والارض
 تبان . تقوم الحته ديه . تبقاحتة ميدان كبير . وعلى بال ما يجى وقت مولد
 النبي تكون ارضها إتصلحت وبقت عال . يتنصب فيها المولد . وتنبنى
 الصواوين بتاعه أولاد الطريق . والدراويش نجى لها من أول
 مصر لآخرها . يقضوا الليل والنهار فى ذكر وعباده . حوالين
 الصارى الكبير إلى كانوا يعملوه فى وسط الصواوين . ويعلقوا
 فيه الرايات والبيارق والفوانيس إلى قزازها أحمر . وأخضر

حواصفر. وأبيض. تفضل كده منقاده بالشمع . وكان المولد يفضل
 شغال ١٢ يوم بليا اليهم . وكانت أهالي مصر كلها تحضره من ساعة
 طلوع الشمس . على شان يسمعوا قصص أبو زيد الهلالي . وعنتر ابن
 شداد . والوزير سالم أبو ليلى المهلهل . والشعرا بتقو لها . ويتفرجوا
 على الحوا . والبهلوانات إلى يرقصوا ألعاب المشدودة . والقردياته
 إلى يلعبوا قرودهم وحيرهم وجدياتهم . ويباعين الشربات . والأكل
 والشرب والحلويات يبيعهم . وتفضل الناس تلعب وتضحك . لحد الليل
 ما يبخش . الفوانيس تتولع . والقهاوى تشتغل . ويصبح الميدان زى
 شعلة النار . من كترت الأنوار الوالعه فيه . وحسن الشاعر بر بابه
 يلعلول فى الجو . والناس فى فرح وسرور . لحد الساعه ماتدق
 إحداشر تمشى فى الميدان من أوله لآخره . مواكب الدراويش
 بالمشاعل الوالعه . والفوانيس الكبيره المضله بالقماش . والبدير
 يدق والطبل يشتغل . وكل ما يفوت يوم تزايد المواكب وتجا
 لحد ماتجنى ليلة حداسر ربيع أول تكون إلاحترقات وصلت
 لأعلا درجه من الحسن والجمال . واتنصبت حلقات الذكر
 الكبيره فى سوق البكرى . إلى كان جنب الحته إلى فيها جنيته
 الازبكيه دلوقتى . يعنى مطرح ميدان الخازندار . واللوكاندات
 إلى هناك . وشارع كلوت بك . والشوارع إلى جنبه كده
 لحد ميدان المحطه . كانت كلها دى سوق البكرى . تبص تلقاها
 فى الليله دى بتلعلط من أنوار الفناير والشمعدانات والفوانيس
 أما القناديل الزغيره إلى تتولع بالزيت الطيب . كان يبقاوالع

منها في ساحه المولد والسوق ولا سبعين ألف فنديل . والبياعين
 في الليله دى كانوا يكسبوا مكاسب هائله . وتفضل الناس سهرانين
 لحد الفجر ما يطلع . وكان شيخ الساده السعديه . له مولد هائل
 يتعمل ثاني يوم . يعنى يوم الليله الكبيره . كان الشيخ ده يقضى
 ليلته في الخلوه . يقرأ القرآن طول الليل . والصبح يقرأ الأوراد
 وبعدين يروح على سيدنا الحسين يصلى فيه الظهر . وبعد ما يصلى
 يتنه خارج بموكب كبير . والمشايخ والذوايش حواليه
 وأرباب الطرق براياتهم بطبولهم . والشيخ في وسطهم راكب على
 حصان . ولا بس قاووق كبير . ومتعم عليه . بشال أخضر .
 والموكب يتنه ماشى في شوارع مصر لحد ما يوصل لبركه الازبكيه
 اللى فيها ساحه المولد . يلفها من أولها لآخرها . ولما يقرب
 لبית البكرى . يسبقه ولا ميتين درويش ويوخوا راقدين على
 بطونهم ممددين ولا زقين في بعضيهم . وحاطين ايديهم تحت رؤسهم
 وينزلوا ذكر وهم بالشكل ده . ولما يتم فرش البساط إلبنى آدم
 ده . يجوا عشرين درويش ويقلعوا جزمهم ويقشوا فوق ظهر
 الناس اللى نايمين على وشهم . وهمه عمالين يضربوا غالبازات .
 ويدكروا اسم الله . والشيخ يروح ماشى وراهم بحصانه فوق .

انظر الصورة نمرة — V —

ظهر إلى نايمين . وكل ما الحصان يدوس فوق واحد ويعديه
 إلى بعده . يتنه قايم وقالع مداسه . وماشى ورا الشيخ وهو

بيتذكر لخدماتهم الدوسه . ويكون الشيخ وصل لباب البيت بتاع البكرى
 بروج نازل من الحصان . ويخش يقعد عالسجاده يشاعته إلى
 مفروشه في حوش البيت والدر او يش تعمل نص دايره حواليه . وتفضل
 تذكر لخدمه الشيخ البكرى ما ينزل . ويجي لهم يقرأوا الفاتحه ويباركهم
 ويدعى لهم . وبعد كده يبوسوا ايده . وكل واحد يخش يا كل
 وبعد الاكل يدور الذكر . لخدمه النهار ما يطلع . أهوده موكب الدوسه
 ومع إن الشيخ بتاع السعديه تخين قوى . والحصان بتاعه جامده
 خالص . كان يدوس فوق ظهر الدر وايش . ما يجراش لخدمهم ضرر
 قام رد الشيخ عبدالسلام وقال له - دى كلها بدع ماهياش فى الدين
 وعلى شان كده بطلت . المولد دلوقتى الحكومه بتنظمه . وتبشترك
 فى الاجتفال بيه . والاوقاف . بتتبرع فيه بدبايح للفقراء . وجلالة
 مولانا الملك ربنا يطول عمره . ويحلى له فاروق ولى عهده راحر
 يبعث مندوب عنه يحضر الاجتفال . وتقربق الاحسان والاكل
 على الفقراء والمساكين . فى الصيوان بتاع الخااصه الملكيه . يعنى
 المولد دى الوقت حاجه لطافه قوى . لازم سيدنا الشيخ يشرفنا
 معاكم . قلنا له - إن شاء الله . وسلم علينا ومشى . وشويه وطب
 عرابي ومعه حاجاج البرى . سلموا علينا . وقعدنا معاهم لخدمه العصر
 ما دن . وأخذت بعضى أنا وبلحه والشيخ محمد وتنارايحين طالبيت
 شفت الأوده إلى وضبوها علشانه مخصوص . ودخلته فيها بعد
 ماعرفته سكة محل الادب والحنفية . علشانه إن كان بحب يتوضأ
 أو يصلى . وسيبته وتنى طالع على فوق . تمت لى شويه . والمغرب

فلبست هدومي ونزلت . التقيت الشيخ محمد صبحي م النوم
 وقاعدتي صلي . استنيت لحد ماسلم . وأخذته ودخلنا المندره . وحضر
 العشا أكلنا وشربنا القهوة . كانت العشا أدنت صلاها . وأخذته
 وتننا خارجين . فتنا على بلحه . أخذناه وتننا رايحين عالمولد : التقيناه
 حاجه عال قوي . صلاة النبي أحسن . وعالم إيه إالى موجوده فيه
 قلت برضه الاسلام بخير . فضلنا نلف في الساحه . لحد ما عترنا
 على صيوان البيوميه دخلناه . قابلونا بأهلاً وسهلاً وقعدنا نسمع
 القرآن . لحد الساعه مادت عشره . العساكر بتوع الحريقه قعدوا يولعوا
 السواربخ : بقت تطلع في الجو . إالى أحمر أحمر . واللى أزرق أزرق
 وسبل القمح . على الزغاليل والحمام . والنخل بيلحه . والسواقي إالى
 بتطلع ميه نار . والبرق والرعد . وطواحين الهوا . وجنيئة
 الحيوانات . والفيل أبو زلومه . القصد قعدت الناس تنقرج على
 حاجات جميله ولطيفه . لحد الساعه مادت ١٢ طلعت في الجو شويه
 سواربخ جميله . وف وسطها برواز كبير فيه صورة جلالة الملك
 حفواد . الناس راحت مهله ومشقيه . وبعد هاطلع ساروخ مكتوب
 فيه بحيا الملك فواد الاول . وكل عام وأنتم بخير . وانتهت السواربخ
 دخلنا الصيوان قعدنا جنب الشيخ محمد . إالى التقيناه لضم مع
 الشيخ بتاع البيوميه . حكيئنا عال إاتقرجنا عليه . واتحضرت
 سفره أكل ملو كي . وحلف علينا الشيخ . إلا نقومنا كل معاه . نهايته قنا
 أكلنا وشربنا وانبسطنا . وفضلنا قاعدين لحد الساعه مابقت
 نواحد ساعنا عال الشيخ وتننا مروحين عالبيت . . .

ثاني يوم الصبح بدرى سمعت الباب بيخبط قوى . قمت من
قومي مفزوع . وبصيت م الشباك . إلتقيت المعلم بلحه هو إلى بيخبط
رحمت فاتح له الباب دخل . وأنا أخذت عبايتي على كتفي ونزلت
له من غير غسيل وش . أول ماشافني صبح عليه . وقال - إنت
عارف العجل الكبير بتاع السيد البدوي ؟ . قلت له - أيوه عارفه
ماله ؟ . قال لي - إنسرق . هوو والبقره المنقطه . ومعاهم حصانك
نزبلن . قلت له - يا خبر إسود زبلن راخر إنسرق معاهم . ؟ ! قال
لي - أيوه . أنا النهارده صحيت زى عادتي الساعه خمسه ونص
ورحت عازريبة بتاعت الهانم . التقيب بابها مفتوح . رحت داخل
على جوه . التقيت الكلافين نايمين صحيتهم . وكان زبلن بايت
هناك من امبارح . دخلت أشوفه مطرح ما أنا رابطه . ما التقيتلوش
أتر ، سألتهم عليه . قالوا لي - ما احناش عارفين راح فين . والحاج
أحمد بص كده وكده . ما التقاش العجل بتاع السيد . ولا البقره
الكبيره المنقطه . قعدنا ندور عليهم من ساعتها لحد دلوقت
ما التقينا هو مشى . قلت له - أما عجائب قوى . عن إذنك دقيقتين
لما أغسل وشي . وألبس وأجى لك . نروح نشوف إزاي السريقه
حدي حصلت . وتنى طالع على فوق غسلت وشي . ولبست
جلايتي الصوف وحطيت عبايتي على كتفي . وتنى نازل أخذت
يلحه وتننا رايجين على الزريبه . نهايته . أنا ما أطولشي عليكم . فضلت

أحقق وأدقق . لحد العصر ما قال الله اكبر . وإني أعرف البهايم
دي راحت زين دا مستحيل .: راحت قاعد على القهوة إالى جنب
الزريبه . إلا وواد بياع بلغ أقرع . سمع بلحه وهو عمال بيكم .
زكي الصور في في المسأله . وراح محشور معاهم . وكله منه وكله
منهم . قال لهم - إن كنتم تسمعوا كلامي تتذكروا رايحيز دلوقتي على
طول . على بيت الشيخ طوالم الملوك . وتطلبوا منه إنه يعرفكم إالى
سرقهم مين . وراح بيهم على فين . دوغرى يعمل لكم مندل .
يحضر لكم الجن . يقولوا لكم على سر المسأله . وآهى دى أحسن
طريقه . أما إذا كنتم رايحين تبلغوا البوليس . مافيش عنده غير
إنه يروح باع لكم واحد ظابط يعمل معاينه عازريبه والى فيها
ويكتب له مخضر ضد مجحول . وينته واخذ بعضه وماشى . وتروح
ساكنه على كده . وتجي الايام وتروح الايام . والحرامى يبيع
والبهايم تندبح وتتناكل . وانتهينا على مافيش . إنتم إلا حسن
تروحو عاالشيخ . قام بلحه قال له - والشيخ ده فين . قال له -
بينه في الدودارى . وان حببت أروح معاك أروح . قام بلحه
منيل على ودني . وقال لى - إيه رأيك في كده يامعلم يوسف ؟ .
قلت له - والله يابلحه أنا ما أصدقش الحاجات دى . وما تخشش
عقلى أبدا . وعلى كل حال إعرف شغلك . وعننها وتنه قايم
وواخذ معاه الواد زعزوع بتاع البلغ . وأنا أخذت بعضى وتنى
رايح على قسم الجماليه . قدمت بنلاغ بالسريقه . وكتبوا المحضر
اللازم . وأخذوا منى أوصاف البهايم والحصان . وقام معاينه جدع

مخاطب بدورتين يجي من دورى كده . وكان جدد طيب قوى .
 وابن حلال مصفى . دخل الزريبه . وقتشها من أولها لآخرها .
 وبعد كده جاب الجماعه الكلايين وسألهم واحد واحد . وتمم
 محضره . وسلم عليه وتنه ماشى . حتى القهوه مارضيش يشربها
 حوده لكونه راجل عارف واجبانته . وعيب إنه يشرب قهوه والا
 شربات عند حد من الاهالى . مش زى بعض العساكر . إلهى
 لما الواحد يطلب منه . إنه يودى له واحد لحد النمن . يبقا عاوز
 يقول له - هات أجرة ماوديتو لك . أهم دولد إلهى حقهم الطرد
 بالخرق كان . القصد روح عالبيت انغديت ونمت لى حبه لحد
 المغرب ما اذنت . قمت إستحميت ولبست هدومى وتنى نازل
 على قهوة المعلم عربانى . إلتقيته قاعد هوه وابو سنه . والمعلم
 محمد الظياخه كان رجع الحجاز . وقاعد معاهم بالعقال والكوفيه
 بأول ماشافنى راح واقف . سلمت عليه وأخذته بالحضن . وبوسته من هنا
 ومن هنا . وقعد ناسأله عالحجاز . وعلى إلهى . هناك قعد يحكى لنا
 حكايات تشرح القلب . واحده فى الكلام ومثله . إلهى والمعلم لمحط .
 سلم علينا . وأخذنى على جنب . قلت له - خير إن شاء الله . قال لى -
 خير . أما إلهى الشيخ ده راجل تمام . قلت له إزاي بقا؟ قال لى -
 حاد عالم عظم . ما فيش فى الكون واحد زيه . قلت له - وإيش
 بان لك منه ؟ قال لى - يا أخى دافال لى عالسريره بالحرف الواحد
 أكسبه كان موجود فى الزريبه . قلت له - ماهو الواد زعزوع
 نقال له على كل المسأله . وهوه إشتري منه . وباع لك . قال لى -

أبدأ هو أنا مغفل . والا عبيط ؟ . قلت له - داشىء معروفش بقة
 إسأل إالى إستغفلك - قال لى - عيب يا معلم يوسف تقول كده . إسمع
 الحكايه . ويعبدن تعرف إن كنت أنا مغفل . والا مانيش مغفل .
 قلت له - قبل كل شىء . بدى أعرفك إن الواد زعزوع هو إالى قال
 للشيخ طوالمع الملوك على الحادته . قال لى - إزاي ؟ قلت له - طبعاً
 هو ما تكلمشى معاه قدامك ؟ . قال لى - ولا من ورايه . علشان
 من ساعة مادخلنا مافتحشى بقة بكلمه فى الموضوع بالمره . قلت
 له - بقا أخوك جددق . وأنت تعرف كده ؟ . قال لى - أيوه . وعهم
 الرجاله . قلت له - إواد زعزوع وأنتم ماشيين فى السكه ماسا بكش
 ودخل مطرح والاقهوه . قام صن شويه وهرش فى دماغه . وقال
 أيوه . دخل قهوه عند سيدنا الحسين . وغاب فيها شويه تجى خمس دقائق
 وبعد كده خرج . ومشينا عالدوداري طوإلى . قلت له - أهو دخوله
 القهوه ديه . كان علشان بيعت الخبر من أوله لآخره للشيخ . قام
 قال لى .. أبدأ دى القهوه دى . حتى ما فيها ش تلفون . والشيخ راخر
 ما عندوش فى بيته تلفون . يبقا إداله خبر إزاي ؟ . قلت له - ببقه
 بيعت له واحد من إالى قاعدين عالقهوه . يقول له اسمك وصنعتك
 . ويحل سكنك . وعلى وصفه الشىء إالى راح منك كله . مش
 ده إالى حصل ؟ . قال لى - ص حبيح والنبي . أهوده إالى حصل . أمه
 . إنته يا بوجاج كلامك ما يقعشى الارض أبدأ . حقيقى أنا شفت راجل
 بربرى يطربوش و جلابيه . وبالطوا ووشه مجدر شويه كان قاعد
 جوه القهوه إالى دخلها الواد زعزوع . وساعة مادخلنا بيت الشيخ

أَلْتَقَيْتِ الرَّاجِلَ الْبَرْزِيَّ دَخَلَ مِنْ الْبَيْتِ . لَكِنْ مَا أَخَذَتْ
 بَالِي مِنَ الدُّورِ إِلَّا دُلُوقَتِي بَس . إِنَّهُ خَلَيْتَنِي إِنْ تَبَيْت . يَا رَيْتِكَ
 يَا خُويَه كُنْتُ رَحْتَ مَعَايَه . مَا كَانَتْشِي الرَّاجِلُ دَه إِسْتَلْخَمْنِي وَخَبَطَ
 مَنِي أَرْبَعَه جَنْبِيَه حَتَّه وَاحِدَه . لَكِنْ يَا خِي دَا وَرَانِي حَاجَاتْ خَلْتُ
 عَقْلِي إِنْ تَلْخَبَطَ . وَرَكْبِي سَابَتْ . وَجَتْتِي إِنْ تَرَعَشْتُ . قُلْتُ لَهُ - إِحْكِي
 لِي عَلَى كُلِّ حَاجَه وَأَنَا أَفْهَمُهَا لَكَ وَأَنَا قَاعِدُهَا . وَإِنْ كُنْتُ مَا تَصْدُقُنِي شِ
 أُرَرِّحُ مَعَاكِ عِنْدَه . وَأَظْهَرُ لَكَ زَغْلَه . كُلَه . قَالَ لِي - إِسْمَعْ مَنِي
 يَا خُويَه . أَوَّلُ مَا دَخَلْنَا عَلَيْهِ إِنْ تَقِينَاهُ قَاعِدُ عَلَى دَكِّهِ فِي مَنْدَرَه كَبِيرَه
 رَحْنَا مَسْلَمِينَ عَلَيْهِ وَقَعْدْنَا . وَبَعْدَ شُويَه زَغِيرَه . رَاحَ نَادَه لِي بِاسْمِي .
 وَقَالَ لِي - إِسْمَعْ يَا بَلِيحَه . قُلْتُ لَهُ - نَعَمْ . قَالَ لِي إِنْتَ بَتَدُورُ عَلَى
 حَصْبَانِ إِسْمَه زَبْلَنْ . وَطُورُ مَنْدُورُ لِّلْسَيِّدِ الْبَدُوي . وَبَقَرَه لُونَهَا
 كَبْدَا . أَنَا سَمِعْتُ مِنْهُ كَدَه . وَاسْتَقْعَدْتُ فِيهِ قُوي . وَعَرَفْتُ . إِنَّهُ طَالِمُ
 كَبِير . قَتَّ قُلْتُ لَهُ - صَحِيحُ كَلَامِكَ يَا سَيِّدُ الشَّيْخِ . وَأَنَا عَاوَزُ
 أَجِيْبُهُمْ . وَأَعْرِفُ مِنْ إِلَى سِرْقَهُمْ قَالَ لِي - كُلُّ دَه يَظْهَرُ فِي التَّحْضِيرِ
 بَتَاعُ الْمَنْدَلِ النَّفْسِي . بَسْ يَحْتَاجُ لِمَصَارِيفِ عِلْشَانِ الْبُخُورِ . قُلْتُ
 لَهُ - إِطْلُبْ . قَالَ لِي هَاتِ أَرْبَعَه جَنْبِيَه قُلْتُ لَهُ - إِنْ تَفْضَلُ وَرَحْتَ
 مَنَاوِلَهُمْ لَهُ . أَخَذَهُمْ مَنِي . وَسَقَفَ جَالَه وَادْخَدَامَ . قَالَ لَهُ - وَلَعِ
 الدَّفَايَه وَحَطَّهَا فِي الْأَوْدَه . وَتَعَالَى قَوْلُ لِي . قَالَ لَهُ - حَاضِرُ .
 وَتَنَه خَارِج . وَبَعْدَ شُويَه رَاحَ دَاخِلَ عَلَيْنَا رَاجِلُ تَانِي شَابِلُ بَيْنِ
 إِبْدِيَه صَنِيه . عَلَيْهِمَا تَلَابُفْنَا جِيلَ قَهْوَه . وَقَدِمَ لِكُلِّ وَاحِدٍ مِنْنَا فَنَجَالَ
 وَتَوَقَّفَ قَدَامَ الشَّيْخِ . قَامَ الشَّيْخُ ضَحْكًا وَقَالَ لَهُ - يَا أَمِينَ هَاتِ
 حَتَّةَ سَكَرٍ . قَامَ هَزَلَه رَاسَه . وَرَاحَ فَاتَحَ السَّكْرِيَه وَادَّالَه حَتَّه . مِنْ


غير مايتكلم . قام الشيخ بص لنا . وقال لنا - أمين أخرس مايعرفشى
يتكلم . لكن يسمع كويس . كان مره جوزته لواحدته من إخواننا
الجن المسامين . وكانت شرطت عليه إنه مايقولشى لحد إنه متجوزها
بقام حضرتها باح بالمر . قامت ربطت لسانه . ومن يومها مايتكلمشى
بدا . مش كده ياأمين ؟ . قام الخدام هز راسه وسبكت . وبعد لحظه
جه الخدام الثانى وقال - للشيخ . إن الدفايه ولعت . قام راح واقف
على حيله وقال لى - تعالى . وأخذنى وراح مدخلنى على أوده ضامه
خالص زى الكحل . وحيطانها متغطيه بقماش اسود . وراح
قاعد على سجاده . وقعدنى على شلته جنب منه . ورمى شوية بخور
فى الدفايه . وقعد ينغمز ويقول . مهراش مهطاش بشكاش . ناش
فاش . طموش نموش . ايقموش طرطوش . طرشوش . اقسمت
عليكم بحق فالى الحب والنوى . ان تحضروا لى فى الحال شهورش
ابن طارش ملك الجن . ولو كان فى أبعد مكان . بحق خام سليمان
وما نقش عليه من الطلاسم والاقسام . هيا هيا . إحضروه فى الحال .
ويادوب كـل القزيعه دى . وسمعت صرخه كبيره . وحاجه
راحت مهموده على الخشب بتاع أرضيه الأوده . جسمى قشعر
وبصيت قدامى التقيت عفريت قصير . لابس أحمر ف أحمر . وعلى
مراسه طرطور طويل مليان جناجل . وعنيه طالع منها شرار نار
أحمر . نور لنا الأوده . وراح مقرب ناحيتنا . وقال بحس رفيع مصرع
لبيك لبيك . إيش تطلب ياسى الشيخ . أنا شفت كده . وسمعت
الكلام ده . وركبى سابت . وجسمى إترعش . ووشى إصفر . وشعر

«ما منك إلا جنون»

— ٢ — صورة غيرة



«ما منك إلا جنون»



— ٥ — صورة غيرة

حراسى وقف . ورحت ماسك في الشيخ من رقبتة . قام ضحك
 وقال لي - ماتخافشي يا بلحه . دأ من إخواننا الجن المؤمنين ولا
 يا ذيش حد أبدا . قمت إنطمنت شويه . وبلغت ربيقي وقعدت مطرحي
 تلتني . نهايته سألته عن السريقة . قام قال له - إنها موجوده . بس يلزم
 لها شغل كثير بواسطه ميمون الخطاف . حتى ترجع ثاني . وقال
 له على حاجات يعملها . وبخور يجيبه . وكتابه يكتبها . وبعد
 كده . قال له - إياذن لي إني أرجع لأولادي علشان سبتهم في اليمن
 وكنا رايحين الحجاز علشان نجح . قام الشيخ قال له - إذهب لحالك
 والفاطمه . أمانه . هو قال كده . والعفريت راح مزغرت . وطار من
 علي الارض . وبعدين الشيخ ببحر ببخور ريحته حاوّه قوي وكتب
 لي الورقة دي وادانها لي . وقال لي - تعالى بعد ٢٤ ساعة . وهات
 معاك لوح فضه نقيه . طوله ١٥ سنتي في ١٥ سنتي . وتختاته واحد
 لثنية . علشان أكتب لك عليه الجلب . علشان إشي يرجع
 ثاني من نفسه . إيه رأيك بقا ف كده . قمت ضحكت وقلت له -
 رأيي إن العفريت ده . واحد من الاثنين الخدامين بتوعه . مجزومه
 بمحزام من وسطه . وحاطط له حلقه ف ضهره . ورابط فيها حبل
 هو واحد يذله من سقف الأوده . وبعدين يشده ثاني . قال لي
 أبدا يا أخي . دي حاجه حقيقي . لافيهما زغل ولا مقل . طيب وإيه
 رأيك في البت الجنيه المسبله إلی وراها من الحرم إلی اتفتح
 في الحيطه . قلت له - ودي إزاي روخره . قال لي - دي أحكيها
 لك بعد ما أروح أتعشا وآجي . وراح مناولني الورقة إلی كتبها
 له شيخ الدجالين وتنه ماشي

عراي واللى معاه إستغربوا قعدتى دى الى طالت مع بلحه .
 واقتكروا ان فيه حاجه . والادقة خناق عمالين تتدبر فيها . قام المعلم
 محمود الفارسي راح ناده لى . رحت لهم . سألوني عالدور . رحت حاكى
 لهم الحكاية إستغربوا قوى . والصور فى قام منظور من مطرحة
 وقال - عن اذنكم دقيقه واحده بس . وتنه خارج من القهوه . وأنة
 طلبت تعيره ظمباج قعدت أشد فيها . وبعد نص ساعه طب بلحه .
 هوه مساعلينا وقعد . والتقيننا الصور فى داخل . ومعاه الوادزعزوع
 بناع البلغ . وخرجه على كتفه . أول ماشافنى أنا وبلحه . والمعلم
 عراي . والحاج محمد الطباخه . وأبوسنه . قلبه حس إن المسألة انكشفت
 ولازم فيها سين وجيم . وشه إتغير وبقالك بلون العونه . قيت أنا قلت
 له - حط خرجك . وهأت لك كرسي يازعزوع . واقعد جنبى هنا
 لحط الخرج . وجاب الكرسي وقعد عليه من سكات . قام الصور فى
 قال - أدبى زعزوع أهوه . إسألوه بقا حلقيقه . قيت أنا بصيت للواد
 وكشرت له . ورحت زاغده ف قلبه . يوقلت له - قستما يرب العزم
 ريان ما كنت حاتقبول لى عالدور الى عملته النهارده . لازم أهدل لك
 كيان صحتك . وأجرمك تسرح بياخك فى الحبة كلها . قام
 بلحه . قال لى - مش تستيقى لما تسمع حكاية بنت ملك الجن الى شفتها
 رمن جرم الحيطه . قاموا كلهم قالوا له - قول . قال . بعد ما حضر
 العفريت وسأله وطار ناحية سقبي الأوده . راح كاتب لى الورقه

إلى إديتها لك . وبعد شويه التقيت الشيخ طوالم الملوكة عمال
يضحك قوى ويكر كع من غير سبب . قلت سألتك عن سبب
ضحكه . قام عرفنى إن واحده من إخواننا الجن المسلمين . اسمها
عزيزه . بنت ملك جزاير المرجان . شافتنى وأنا قاعد دلوقتى قامت
حبتنى قوى . وهوه بيضحك علشان هيه قالت له ف ودنه . إنها
عاوزه تتجوزى . قام هوه قال لها - سيبه دلوقتى . هوه مشغول
بالحاجه إلى إنسرفت منه . لما يروق باله أبقا أخطبه لك . أنا
سمعت كده واستغربت قوى . وقلت له - وهيه فين ياسى الشيخ ؟
قال لى - تحب تشوفها . قلت له - أشوفها إن ما كانش فيه
مانع . قال لى - طيب قوم إتوضا . وصلى لك ركعتين لله . قلت
له أنا - ما اعرفشى أصلى . قال لى - طيب إتوضا . قلت له - ولا أعرف
أتوضا . علمنى حضرتك أتوضا إزاي . قام سكت حبه . وحط راسه فى عنقه
وبعد ين بصلى وقال لى - أنا ما اعرفشى اعلمك . علشان إحناعندنا أمر
من الجن اننا مانصليش ولا نتوضا . ولا نعلم حد شىء من ده . بلاش
وضو تعرف تصلى عالبني . قلت له - قوى . قال لى - صلى عليه عشر مرات
رحمت مصلى زى ما قال لى . وبعد كده حط بخور كثير فى الدفاه
وفضل يعزم . ويقول شهورش ومش شهورش . لحد ما قلب بخى
وبعد كده دار فى الأوده يحسس على حيطانها لحد ما وقف ورا
ظهرى . وقال لى . قوم إقف . وقفت . قام شاورلى على خرم
فى الحيطه تحت القماش الاسود إلى متغطيه بيه . وقال لى - بص
منه شوف فيه إيه ؟ . بصيت للخرم الثقيله زغير قوى . عامل زى

خرم الميبر الكبير . رحت باصص منه شفت . أوده واسعه منوره
ينور لونه ازرق . وفي الوش سجاده عجمي . قاعده عليها بنت



« الثقيت بنت جميله قاعده وواقف وراها عفریت طويل »
جميله مربعه رجليها . وسائدم ظهرها على مشند طويل زي مساند
الكنبه . ورافعه ايديها الاتنين . وواقف وراها عفریت طويل
لايس عبايه . ومتعم بعنه حمرة . ودماغه ووشه عضم خالص
خافهمشي جنس اللحم . عامل تمام زي مايكون ميت خارج من
الطربه . وبعد ما بصيت شويه إلثقيت إلنور الازرق راح . وجه

بداله نور أبيض قوى . زى نور القمر زغل عيني . رحت مبعده
 عن الحرم . وبعد شويه جيت أبص تانى .. ما التقيتش أثر للحرم .
 وسمعت الشيخ يقول - بزيادة كده . آدى إنته شفت عروستك
 إن كانت عجبتك : تقل جيبك وتعالى . وانا اكتب لك كتابك
 عليها . واجوزها لك بسنة الله ورسوله . وآهى دى . تغنيك لولد
 الولد . إن سمعت أوامرها . ومشيت على شروطها . وما خبعتش
 ولا بصيت لغيرها . قت قلت له - لكن أنا متجوز وعندي عيال
 قال لى - داما مايمش . والنس عارفه بكده وراضيه على كده .
 آدى إالى قاله لى . وآدى إالى شوفته عنده . قت أنا قلت
 لزعزوع - بقا يا ابن ستين لبوه بتضحك عالراجل . وتأخده توديه
 لبتاع طوالع الملوك . يضحك على عقله ويبلغه ويستغفله . وبدم
 يحوزه واحده من الجن . دى الجن ربنا خلقهم من نار . والانس
 خلقهم من طين . والنار تحرق الطين إذا كان يجي عندها . بيقه
 ده كلام يخش فى دماغ واحد فى راسه راحة العقل . قام زعزوع
 قال لى - أنا ف عرض المعلم عرابي . أقول لك على الحق وأنته
 تسامحنى . وتعتقنى لوجه الله .. قلت له - طيب قول . قال - صحيح
 الراحل ده ما يعرف صاحبه أبدا . لافى السحر ولا فى التنجيم . ولا فى
 علم الفلك . والنتيجة إالى بيطلعها كل سنه مره . مش هوه إالى
 بيعملها . أنا أعرفه من ٢٥ سنه ، إيام ما كان خليل نظير الرجال
 بيعملها له . وبعد مامات إتعرف على راحل طيب . اسمه الشيخ
 محمد صالح القظورى الفلكي المشهور . بقا يكتبها له لحيد ما خلا اسمه

إنشهر . والناس عرفته . بعد ما كان حنة صعيدى أزهرى غلبان
 لا هنا ولا هناك . وانا صنعتى عنده إني أستلقط له الزباين
 وأوديهم له . بعد ما بعت له . واخذ من رجالته . إالى يتقعدوا فى
 قهوة درويش . إالى قدام ميدنا الحسين . يروح يعرفه إسم
 إالى أنا جايه له . وصنعتة . وييته . وطلبه إالى هو جاي غلشانه .
 وأجرتى على كده خمسة وعشرين فى الميه . من الفلوس إالى ياخذها
 منه . أهو النهارده إدانز ميت قرش صاغ . حلوانى على المعلم بلحه
 ومش أنا بس إالى بأجيب له الزباين وأوقعهم فى إيدته ؟ . لا .
 فيه ناس كتير غيرى . والناس حول من كل صنف . ومن كل نوع . فيه
 عنده ناس بلدى . وناس افنديه . وناس محامين شرعى . وناس
 بيقولوا إنهم علماء فى الأزهر . وناس خدامين فى البيوت . ونسوان
 عال . ونسوان من إياهم . يعنى عنده جيش كبير من الناس إالى
 ما عند همشى زمه ولا دين . تلقاهم متنطورين فى كل بلد . وف كل
 ناحيه . صنعتهم إنهم يحجبوا الناس إالى يعرفوهم . ويسمعوا عنهم
 إنهم حصل لهم حاجه . ولهم على الميه . وكل واحد منهم ومقامه فى
 السمسمره . وفيهم ناس ياخذوا منه نص المقاوله إالى ياخذها من المغفلين
 وأهوا عمال يخطف فى فلوس مخاليق ربنا . ويضحك عليهم بالعقربه
 إالى يطلعها من السلطانيه . والديك إالى يقرأهم عليه يموته .
 والمنديل إالى يخليه يتجرق لوحده . والعفريت إالى ينزله من السقف
 يتاع الأوده . والقرد ميمون إالى ينزله هو راخرم السقف
 وأنا عارف . رالحاجات دى قلت له . طيب ما تعرفها لنا وبقالك ثواب .

ولما الناشئ تعرف سرها . وأصلها وفصلها . يبقا لما يهوش بيها .
 قدام حد . يقوم إلى بتتعمل قدام منه . دوغري يفهم الملعوب .
 وينفس غشه . يقوم مايقعشني إلا وهو واقف . ولك عليه .
 إني اسامحك في الفصل إلى غملته . قال - بقا مسأله العقربه دي .
 يخش له مثلا واحد . يسأله عن قضيته إن كان رايح يكسبها . أو
 رايح يخسر ها . أو يكون له واحد غائب . أو مسافر . وبده يعرف إن
 كان رايح يرجع . والا لا . يقوم الشيخ يجيب طبق صيني
 مقلوب فوقه سلطانيه صيني . ويحطهم قدامه على الترايزه . ويروح
 ماسك السلطانيه وعاينها من فوق الطبق . من غير مايعدها .
 ويمسك بشيده الثانيه الطبق . يعني يوزي إلى قدامه إنهم ما فيهم مشي
 خاجه أبداً . وكل ده من غير مايوريه قلب السلطانيه . وفي الشاعه
 دي تكون العقربه لازقه برجليها في قلب السلطانيه . علشان
 قلبها مخشته بالمبرد . ومخليه مخرفش قوي . تقوم العقربه تروح
 شابطه فيه بعزمها . ولما يرفع السلطانيه . وهي . مقلوبه . تفضل
 ماسكه في قلبها . وبعد كده يحط السلطانيه مقلوبه زى ما كانت
 فوق الطبق . ويحطه فوق الترايزه ويتعديتقراو يعزم . وكل شويه ينقر
 بصباعه على قعر السلطانيه من فوق . لحد العقربه ماتت ضايق وتقع في قلب
 الطبق . يقوم يقول - إن كانت مسأله فلاذر رايحه تنقضي . بينوا لنا
 شيء في الطبق . وإن كانت متعده . خلوا الطبق والسلطانيه قاضيين
 زى ما هم . وكل ده . وهو عمال ينقر على قعر السلطانيه . ولما
 يغرف إن العقربه وقعت في الطبق . يروح رافع السلطانيه تبان العقربه

في الطبق . وتطلع تجرّي يروح ضاربها بالمروحة إلى في إيدّه . والا
 بالصرمه إلى في رجله يموتها . يقوم الرجل إلى قدامه يندبش
 وتحش عليه الغفله . ويقع في الفخ . وعنّها ويروح سالب منه
 الفلوس إلى هوّه واوزها منه . قلب له - والعقارب دي بيتدبق عليها
 منين ؟ . قال لي - يجيبها له هيه والنعابين . جديع من حتّه سيدنا الحسين
 اسمه حسين السيد اسماعيل الصياد . صنعتّه صيد الحشرات السامه
 والطيور . يبيع له الدسته منها بعشرين قرش ساغ . قام بلخه
 قال له - وحسين ده يجيبها له منين ؟ قال له - يجيبها من الجبل
 قلب له - طيب وطوالع الملوك لما عسكهم ما يقرصوهش . قال في - أيداً
 على شان حسين ييقص له زبانهم بالمقص . يقولوا ما يقرصوش حد
 أبداً . أما مسألة الديك - يجيب ديك ويربطه بفتله من رجله .
 ويحطه على الترابيزه قدامه . ويمسك ورقه يكتب فيها كام كلمه
 ويحطها قدامه . ويمسك في إيدّه الحين سكينه زغيره . ويمد إيدّه
 الشمال وبين صوابه دبوس مسبوم . يروح شابك بيه الديك
 في قلبه . وبعد كده يفضل يعزم . وينمّم شيويه . وساعة ما يعرف
 إن السم يهرا في بدن الديك . يقول يا خدام هذه الاسماء يموتوا
 فلان ابن فلانه . عدو فلان ابن فلانه . كما يموت هذا الديك .
 وبعد ما يقول كده . يروح رافق السكينه في الورقه . يروح الديك
 واقع ومفرق بجناحه . وبعد دقيقه يموت . يقوم يقول للمغفل
 إلى قدامه . وجاهى له علشان يموت له عدوه . خذ الجرّال
 دم . ولف فيه الديك . وأربطه بالداره دي . ويروح مقدم

له ورقه يخليه يكتب فيها جواب الملك الجن الأحمر . يطلب فيه منه .
 إنه يقتل له فلان . إن فلانه عدوه . ويمضيه . والإيختمه عليها .
 ويروح واخذها منه . وبعد كده يطلب منه المبلغ إلى هو
 ماوزه منه . تمن البخور وأتعايه . يروح دافع له المبلغ . وبعد ما
 ياخذ منه . ويقول له - روح دلوقتي إركب عرييه . والا اتومبيل
 وخذ معاك الديك ده . وإرميه من فوق كوبرى قصر النيل -
 وروح على بيتك . والصبح تلتقى عدوك مات . يروح الراجل
 خارج بالديك . ويعمل زى ما قال له تمام . وتانى يوم يبص يلتقى
 عدوه طيب بخير . يقوم يرجع لطوالم الملوك . يقوم الخدام يقول
 له الشيخ مسافر . ويجى بعد جمعه والا شهر . يتنه راجع . وبعد
 الجمعه والا الشهر . يروح له يقابله . يقوم اللطخ يقول له إن فلان
 ماماتش ولا جبرالوش حاجه أبدأ . يروح شاخط فيه . ويقول له
 أنت ياراجل مجنون . إذا كان ملك الجن شاف إن الراجل مظلوم
 أنا رايح إعمل لك إيه . هو أنا قاعد بس عاشان أقتل الناس .
 إتفضل روح خالك . أحسن والله أقدم الورقه إلى إفته كتبها
 لى للبوليس . وأخليه ياخذك فى الحديد . الراجل يبص يلتقى إنه
 ممسوك من وسطه . ياخذ بعضيه ويتنه خارج . ويكفى على الخبر
 ماجور . أما مسألة المنديل - فصاحبنا يطلب منديل إلى يكون
 طالب منه شيء . ويكون حاطط فى بقة حته فوصفور . ولما
 ياخذ منه المنديل يقربه على بقة . ويحط فيه الفصفور . ويخفيه جواه
 ويقرب عليه العزيمو الكدب . ويقول أقسمت عليك يا خدام هذم

بالأسماء . أن تبينوا لي برهان . بحرق هذا المنديل . إن كائن صاحبه
 معمول له سحر . وروح مدى المنديل لصاحبه . ويقول له ادعك
 بين إديك قوى . يقوم يدعك بالقوى . خالص . روح الفصفور
 والعل . والمنديل متلهب . وهو ماسكه في يده . روح رامي
 في الأرض . وتلبسه الغفلة . ويقع في المصيده . والشيخ يروح نائف
 ريشه . وخابط منه الفلوس . أدنى عبارة المنديل . أما لفة الجنى
 دى - الجنى ده . هو الخدام بتاعه إلى اسمه أمين . إلى يقول عليه إنه
 أخرس والحقيقه إنه مش أخرس أبداً . ساعة ما الزبون يخش مع طوالع
 الملوك في الاوده إلى حيطانها وسقفها متغطيين بالقماش الاسود
 وسقفها معمول له باب . بزمبلك يطلع ويترل من غير حيس ولا
 صوت . وفوق سقفها أوده تانيه . أرضيتها مخروقة من وسطها
 وتافده على الاوده التي تحيتها . ومتعلق في سقفها بتاع من إلى
 اسمه رومان بلى . زى بتاع مجل الاتومبيل . ونازل منه جبل
 في آخره هلب حديد جامد قوى . يستحمل ثقل خمس رجاله .
 يقوم أمين ده . ساعة الشيخ طوالع الملوك . ما يخش الأوده ومعا
 الزبون . يطلع على فوق . ومعا الخدام التاني بتاع الشيخ . ويقلع
 هدومه ويلبس فوق وشه . وش جلد لونه أحمر وله قرون .
 ومطرح العينين لمضتين كهربا . لونهم أحمر . متوصلين لبطاريه زغيره
 يحطها في جيب البدله القفاري . إلقى يلبسها بدال هدومه . والبدلة
 دى لونها مشكل أحمر على أصفر . ويحط على راسه طرطور بجناجل
 ويربط وسطه بحزام جلد أحمر . والحزام ده فيه حلقة من ناحية

ضهره . يروح شابكها في الهلب إلى متعلق في الحبل . إلى نازل
 من البكرة . والخدام الثاني يروح ماسك طرف الحبل وشاده
 يروح رافع أمين لفوق . ومناعة ما يسمع الشيخ يقول إحضروه
 في الحال . يروح مسيب الحبل . يروح أمين نازل لخدمته ما يوصل
 للباب إلى في السقف . يتفتح من غير حس . ويروح طاب قدامهم
 في وسط الاوده . والبطاريه مولعه اللعتين إلى عند عينيه . يبقا
 زى إلى خارج منهم شرار أحر . ويقول إقصه إلى طوالع
 الملوكة محفضها له . وبعد كده لما يصرفه . يروح الخدام الثاني شاده
 بالحبل . ومطلعه على فوق . وعنده قرد كان . راخر حامل به هدم حجر
 بجناجل وطرطور . ويربطوه من وسطه بفتله دوباره رفيعه . وينزلوه
 ويطلعوه بالشكل ده . أدى أمور النصب إلى الراجل ده عمال .
 بيعملها على الناس . ويسلب بيها فلوسهم . والجمومه ما نيش عارف
 عليه ساكتة له . وسيباه يأذى في مخاليق ربنا . بلحه سمع الكلام
 ده . وحلف ستميت يمين . إنه لازم يروح يهدله . وياخدمته
 الأربعة جنيه . غصبن عن حبابي عينيه : قت أنا قلت له . على
 إيه يا بلحه . إلى راح راح . ومادام ضحكك على دقنك . ما فيش فايدة
 ورحت فاتح الورقة إلى إداها له الشيخ . التقيت مكتوب فيه شوية
 حروف ملعبكه . حامله زى لعب العيال . وف وسطها رسم شى زى
 الصليب . رحى مديها لبلحه . وقلت له . بل دى واشرب إلميه
 بتاعتها . أنا قلت كده . والتقيت صبي القهوة داخل علينا . ومعا واحد
 عسكري في إيده علم طلب باسمي . قلت له . خير انشا الله . قال لى -

خير يا بوى .. بس تجوم تتكلم مع جناب الظابط النوبتشى فى
الجسم قلت له - على عيني . واستأذنت م الاخوان . وأخذت بآخه
والعسكرى . وتتنا رايجين على قسم الجماليه . وصلنا والنساءه بتدق
عشره . إلا وأبص . وألتقى حضبانى زبلن مربوط فى البتاعه الحديد
إلى قدام باب التمن . وجنبه عجل السيد . والبقرة المنقطه . بصيت
لبلحه وضحكت . وطلعنا على فوق . دخلنا عالاً فندى الملاحظ .
التقيت قدامه ولد ضايغ من عيال . الحته اسمه دؤدؤ . عرفت
المسأله . والظابط قال لى - البهايم إلى تحت بتاعتك ؟ . قلت له -
أيوه ياييه . قال لى - الواد ده كان واخذ البهايم . ورايح بيعهم لواحد
جزار اسمه عبدالتواب فى امبابه . قام الجزار عرف حصانك يراح
ماسك الواد . ومشله هو والبهايم للنقطه بتاعه هناك . وبعتموهم ليه
معام . قلت له - كتر خيركم ياييه . وعلى كده إتكتبت للواد
دؤدؤ بمحضر زى الوقت . وانا ختمت بالمحضر . ونزلت إستلمت
الطور والبقرة . وعم زبلن . وساعتها بصيت لبلحه بصة يستفه .
وقلت له - شفت بقا شيخ مين إلى أهدق ؟ . وشيخى بقا يلعم والا
شيخك الهجاص الأوانطجى . قام ضحك وقال - لأ شيخك إنته
أجيدع وافر . قلت له - طيب إقرأ الفاتحه بقا لسيدك التمن
وعسا كرا البوليس . وظباط البوليس . وما مير البوليس . وحكدار
البوليس . والمحافظه . ولا الضالين آمين ...

في ليلة من الليالي كنت قاعد أنا وبلحه إلا وطب علينا انواد
 صفيحه . صبي المعلم عرابي . قليم مساعلينا وقال لنا . صمي ماوزكم
 حالا . قلت له - خير إن شان الله . ياترى عاوزنا ليه ؟ قال لي -
 والله مانا حار ف يامعلم يوسف . هوه قال لي - أقول لك تيجي إنته
 والمعلم بلحه ضروري . أنا سمعت كده رحت واخذ لآستي من
 عاكسبه حطيتها على كتفي . وكعبت البلغه ف زجلي . وأخذت
 العصاه بتاعتي . وتني خارج أنا وبلحه . وبعد لحظه كنا في القهوه
 الثقينا المعلم عرابي قاعد كده . جنب قصاري الزرع . وعلى يمينه
 أبو سنة . وعلى شماله محمود الفارسي . وجنب منه الواد زكي
 الصوري . وقدام منهم الحاج محمد الطباخه . وجنب منه عبده
 جاسر : وبينهم طرايزه رخام . وفوقها نص دسنة كاسات . وتلات
 قزازي وسكي واقفين على صف واحد . زي عساكر الدواريه . أنا
 شفهم قاعدين كده . وقلت بسم الله يا جماعه . زدوا كلهم في نفس
 واحد وقالوا . إنزلوا . رحنا ممسين عليهم وقعدنا جنب منهم .
 وعرابي سقف عالواد بندق . علشان يجيب كاسين كان . قام بلحه
 قال لعرابي - لامؤاخذ يامعلم عرابي إحنا تبنا عن شرب الخمره .
 خام رد محمود الفارسي وقال له - طب ما كلنا تبنا . وأدنى إحنا أهوه
 . ينشربها . هوه فيه حاجه تخلى قلب الواحد منا زي السنديان
 غيرها . أملا الكاسات ياسلطان واسقمينا خلينا تفرش . ونطلع
 إليهم . إللى على قلوبنا . رد الطباخه وقال - وبعدين نتوب


وربنا سبحانه وتعالى غفور رحيم : نهايته التقينا العبارة ما يجيش
منها . رحمت صاحب أول قزازه . ومفرغ في الكسرات لخدماء ملتهم
لا بودينهم . وخطيت القزازه . وكل واحد راح ناتش كاسه وما سكه
ف أيده . ومديننا إديننا كلنا ناحية بعضها . ورحنا مخبطين الكسرات
في بعضهم . يعني عملنا أئينه . وغنا وفي محبتكم . ورحنا قايمين
الكسرات . وكان ده أول دور . يعني ساعة ما طبينا . كانوا له
حايصلوا عالمي . نهايته أناملت ثاني دور . ونجاي بحط القزازه
الفاضيه عالترايزه . وكانت تروح جايه في القزاتين التانين .
راحت مدعوراهم من عالترايزه . نزلوا سبعة أسباتي . ودمهم
بقا يجري عالارض . وبلحه حب يستلقاهم بيده راح خابط الصنيه
راح قالها بالكسرات اللى فوقها . جه عرابي يبعد هدومه عن
طرشة الحمره . راحت رجله جايه في الترايزه . راح قالها عالارض
ورخامتها بقت عشر جئت . قلت - ضربوا الاعور على عينه . قال
خسرانه خسرانه . دا ابن قحبه مين دا . إللى رقعنا عين ماصلت
على النبي ؟ رد الصور في وقال . بلاعين بلاعين أصل الارض عطشانه .
وبدها تشرب . قام أبوسينه ضحك . وقال - مين عارف . يمكن
مدفون تحتيها واحد سكرى . رقعنا عين من تحت الارض .
علشان تقع له الحمره . ويشربها جضر تلو نجدده . أما حقيقي ده . واد ابن
أبوه . قوموا بينا يا جماعة من الحته دي . أحسن باينها مسكونه .
قام بلحه قال . - ولأزم القزايز اللى تجي تكون على حسابي أنا .
خذنا واد يا صفيحه . هات لنا أربع قزايز من عند الخواجه نحاري

إلى ورا المراحيض . وراح مناولة ورقه بنيه . إلواد خد لها وطار .
وإحنا قننا وأخذنا طرايزه جامده . وخرجنا من القهوة كلها وحطينا له
قدام مغلق الخشب . إلى على ناصية الشارع م الناحيه الثانيه . وجت .
الكراسى قعدنا . وما فيش بحجى خمس دقائق . إلا وكانت القزايز
قدامنا . والبكاسات متعبيه . وعنها فضلنا نقرع لحد ما حبنا خبرهم
راح المعلم عرابي غامز صفيحه . راح جايب ثلاث قزايز تانيين . رجته
سانخينهم . وشويه وطب الواد زقزوق الشمكرى . الا فرنجى
رجنا مقعدينه ف وسطينا . وكان الواد عليه حسن ما يعدموش .
فضل يغنى لنا . واحنا نشرب . لحد الساعة مادقت عشره . إلا لواد
سواق . سايق التاكس بتاعه . راح واقف بيه قدامنا . قام
الحاج محمد الطباخه بصي للتاكس كده . وقال - للسواق التاكس
بتاعك زغير ما . تعرفشى تحجب لنا تاكس يساعنا يا بنى . وتفسجنا
كده . لحد بيرة الاهرام وترجعنا . قام السواق نزل من تاكسه وراح
فاتح بابيه . وراح منزل البكراسى إلى جواه . وبص له . وقال له -
زإنتم مش ممن تنفار . قلنا له - أيوه قال - سبعة يقعدوا جوه
والتامن يقعد جنبى . أعلمه السواقه . قام الصورفى . قال - أنا إلى
تاووز أتعلم . علشان أنا كرهت كار الفتونه . وهدى أعمل سواق
علشان أدهس العساكر الإنطاع . إلى ما عند همشى . وعلى كده .
جبنا أربع قزايز تانيين . وكل واحد منا حظ كاسه ف جيبه .
ورحنا راكبين . والسواق دور المكنه . وقال القيام . رحنا أنا
ماسك البريمه . وفاتح أول قزازه . ويادوب إحنا شربناها . وكنا بقيناه

قدام كوبرى الزمالك . رحت فاتح التانيه . وهات ياشرب .
 ماخلصتشى . إلا والاتومبيل واقف بينا قدام بيره الاهرام .
 رحنا نازلين . وانا أخذت ثمرة السواق . وقلت له - يستنانا لحد
 ماخرج . أعمل إيه ؟ يمكن يهرب وما ياخدشى منا أجرته !! إحنا
 دخلنا البيره والتقينا فآخرها منصوب مرشح بتاع تياترو .
 وبنت نخيته زى البغل اسمها رتيبه احمد . عماله تغنى . والبسامر
 معلوم عليها . والكراسى مرشومه ناس . ترش الملح ماينزلشى
 والجرسونات عماله تحط عالترايزات شويات البيره مليانه
 وتشيل القاضيه . نهايته . بالعافيه التقينا ترايزه عليها واحد افندى
 رحنا قاعدين جنبه . أول ماشاف منا العين الجمره . راح حاطط
 طربوشه فوق راسه . واتسحب من سكات . وتنه ماشى . وحكت
 قعدتنا قرب المرشح . إلى عليه المره إلى عامله زى الكرفيه
 المنفوشه . بقا بينا وبينها زى مترين مافيش غيرهم . جه الجرسون
 طلبنامنه تمن قرايز . وقعدنا نشرب . والبنت بتغنى . لكن حسها
 حقرف قوى . زى حس الندابه . إلى عماله تعدد فى ميت . والعيال
 بإياهم بتوع عماد الدين . وأبو الكشاكش مبسوطين
 منها علا آخر . ده يقول - آه ياقلبي . وده يقول - إيه الخلاوه
 دى ياست رتيبه هانم . وغيره يقول - كان والنبي . أحسن
 أنا لسه ماسمعتش حاجه أبدا . وواحد سقى وتخنين . قوى عامل
 زى برميل الطرشى . بقا يعمل عمال المجانين تمام : مره يصوت
 ومره يشخر . ومره يتمغنج زى الشراميط . ومره يروح حادف



(والشيخ يروح مائى وراهم بحصانه فوق ضهر إلى نايمين)



(والتقينا الديدبان واقف تحتنا بمندقه)

طربوشه فوق من كثر انبساطه من حس المغناوية المقرفه . تقوم
 الناس تضحك عليه . وألى يقع عنده الطربوش يروح حادفه له
 تاني . فضل على كده لحد ما الطربوش جه عندنا رحت ماسكه
 مومولع زره بهود كبريت . ودالقه ف . قلبه قزازة بيره بحاها
 وورحت حادفه له على طول دراى . الزر بقا يطلع شرار . زى
 السوار يخ بتاعة مولد النبى . لحد ما وصل فوق راسه . وراح مقلوب
 بالبيره إالى فيه . فوق روس الناس . راحم هايصين ومزعقين كلهم
 فى نفس واحد - إيه الكلام الفارغ ده . قناعمنا إننا مش سامعين
 قام جالنا واحد خواجه ابن عرب من أصحاب المحل
 موقوف قدامنا وقال لنا - دى مش يصح : هنا محل
 الناس كويسين . يعمل فنطزيه . مش يعمل كده أبندا . قلت
 لله - هو فيه أحسن من دى فنطزيه يا خواجه ؟ أنا قلت له - كده
 وأبص والاقى كرمى طائر فى الهوا . وراح نازل فوق راس
 الخواجه اللى عامله زى القلقاسه . راح مزعق ولاعن أبوخاش
 إالى حدفه . وأتاني إالى حدفه هو الراجل التخين صاحب الطربوش
 كان بده يجدفنا بيه . جه فى الخواجه بتاع البيره . قلت صحيح
 يا جدهان . مايتوب الخالص إلا تكسير دماغه . وأتاني إلفندى
 ده عامل مصارع وفتوه الأفرنكه . ومشهور قوى فى البيره دى
 ويحب البت المغناويه . ومافیش واحد يقدر يقول له تلك التلاته
 كام . قام لما سمع الخواجه . بيشتمه . راح قايم منظور من مطرجه
 يومشى بين الناس ، لحد ما وصل لعندنا . ومد إيده راح بمسك

الخواجه يضر به . رحت أنا واقف . وناتش الخواجه من ايده راح
 واقع الناحيه الثانيه . و رحت رافع ايدي ومتعازم . وسا كع لفندي
 حته قلم مكن خلا الشرار نط من عينيه . وعلى بال ماچه يمد
 ايده . كنت عدلته بقلم ثاني بشيدي الشمال . راح مادد ايديه
 الاثنين و ماسكني من وسطى . ومن شدة قوته . راح رافعي لفوق
 ييجي نص متر . وبده ييجيني الأرض . أنا شفت نفسي مرفوع
 بالشكل ده . و رحت دوغري مادد دراغي اليمين . ولفيته
 حوالين رقبته . و رحت بمقرط عليها حته تقريظه مكن . خليته
 بقا رايح يتخفق . قام راح منزلني الأرض من سكات . أنا وصلت
 للأرض . و رحت ضاربه مقص مكن . راح مقلوب على وشه . وانا
 فوقه . وهات يا ضرب . أنا عملت كده . و أ كثر الناس إلى قاعدين
 في البيره . راحوا مبسوطين ومسقفين لي . حاكم الراجل ده سقيل قوي
 ومكروه من كل الناس . إلى بني جني دايم في البيره دي . وما فيش
 واحد منهم إتعتق من رزالتة . ماهو عامل سبع البرمبه . وما
 جـدش قادر يقرعه من شديته وسألتة . وانا عمال أضرب فيه .
 الجماعه إلى معاينه بصوا إتقوا ولا سبع تنفار من مشايد
 السقيل هاجين ناحيتنا . وبدهم آل يضر بوا فينا . راح كل واحد
 منهم مستلم واحد منهم . وهات ياروسيات ومقالب وبوكسات .
 لما عدموهم العافيه . والكراسي والترايزلت بقت طاير في الهواء
 ونازله فوق . روس إلى بيتخانقوا . واللى مايتخانقوش .
 وتحشر في الخناقه ناس تافيه من الزباين . جماعه بقوا معانا

وجماعه بقوا علينا . العساكر إلى وجوده تفخؤا في الصفائف
 إلتصدا لما إلتقينا المسألة كبرت . رحنا واخذين الطايغ منع
 العاضى . ضرب منه فيه . إتعور ولا عشرين واحد . وفي الساعه
 ديه . التقينا . نفستنا بقينا عند باب البيره . وقدامنا التاكس إلى
 جينا فيه من الحسنيه وكان السواق واد حدق ومكار . أول ماشافنا
 شاور لنا علشان نركب . رحنا راكبين . وهو دور لما كنه وقال القيام
 بعد ما بطقا النور الوداني بتاع الاتومبيل . علشان محدش يعرف
 يقرا نمرة . العساكر والناس دوروا الجرى ورانا . قال بدهم
 عسكوتا . دا إيه ده ! . على بال ماهاصوا وزعقوا كام زعقه كنا
 احنا عدينا كبرى الانجليز . وبقينا على كبرى قصر النيل . وف
 مسافة ربع ساعه ماقيش غيرها . كنا بقينا في الحسنيه . علشان
 الدنيا كانت ليل . والسواق بقا ماشى بسرعه كبيره قوى . لو كان
 ماشى بيها في النهار . كان إنكتب تسعين مخالفه من الكنستبلات
 بتوع المرور . نزلنا من الاتومبيل . ودفعنا الاجره للسواق . ومعها
 ربع ريال زياده . علشان حداقته . وعنها وكل واحد من الشله سلم
 علينا . وأنا وبلجه مشينا نغنى لحد ما زوحننا بالسلامه . .

- ١٣ -

تاني يوم حصلت عباره مغالطه في حساب عميل من عميلانا خلتنى
 أنا وبلجه . غروخ له علشان فقهه الحسبه كويس . وكان الشخص ده
 جزار في خط سيدنا الحسين . أخذنا بعضينا الساعه عشره صباحا

وتتنا رايحين على هناك . وقعدنا نحل في المسأله دى . ومش ممكن
إننا نتممها . ونقدر نقنعه بقلطه . والراجل راسه وألف سيف
إنه مايدفعشئ الفلوس إالى عقدہ . إلا بعد ما ينقص منها سبعة جنيه
ونص حته واحده . وعلى كدم إدن الضهر . وإحناف كلام وحديث
وكننا خرجنا من البيت الصبحيه بدرى من غير ما نقطر . قام
الجوع قرص علينا . استأذننا من صاحبنا المقاتل . علشان نروح
فتغدى ونرجع . قام حلف علينا إننا نتغدى معاه . خلفنا إننا مانا كل
إلا عند الراجل إالى ف السكه الجديده . ومشهور فى عمايل الطعميه
واسمه الحلوجى . قام قال لنا - سيبكم من الراجل ده وبلاش
أكلكم عنده . قلنا له - ليه بقا؟ قال - علشان إيه راجل سقى شويه
ومعاملته لزياده وحشه قوى . قلبت له - إزاي؟ قال - علشان إيه
راجل قطاع واو نطجى . ولسانه زفر يمكن يغلط معاكم بكلمه
تقوموا تزعلوه . وتزعلوا نفسكم . قلت له - وإزاي راجل زى
ده . على باب الله . وفاتح محله علشان يسترزق . من ده قرش . ومن
ده قرش . علشان يجيب عشا عياله آخر النهار . يقوم يزعل الناس إالى
بدها تنفعه . قال لى - آهو . هو . كده وبس . راجل وحش قوى
والأحسن إنكم تاكلوا عند الراجل الطيب بتاع النيفه المشهور
وإلى ما فيش غيره ف مصر كلها . من أولها لآخرها . قلنا له -
واسمه إيه . وفين؟ أنا ما سمعتش عليه أبدا . قال لى - دا اسمه زى
الطبل وصيته لف الدنيا كلها . دى البشاوات كلها . لازم نجى
تاكل عنده . والسواحين لما يجوا بنصر . لازم التراجع بتوع شبت

والكوئنتانتال وغيرهم . يودوهم يأكلوا عنده . ويخرجوا وهم
 مبسوطين على آخر درجه . إزاي يامعلم يوسف مات عرفوش ؟ . مع
 إنك ما فيش حاجة تقوتك أبداً . قلت له - لازم الراجل ده . راجل
 في حاله . مش بتاع خناق وفتوه زينا . علشان كده ما خدتش خبر
 عنه ولا عن اسمه . قام ضحك وقال - الراجل ده راجل ابن خلال
 وطيب . واخلاقه كويسه خالص . ومصلى الفرض . ويخاف من
 ربنا كويس . وما يغشش حدا بدا . وإيده سخي . وكريم ونضيف
 على آخر ما تقدر . وربنا سبحانه وتعالى مسهل له . وأشيته معدن
 قوى . علشان إنه مسلم أموره لله . والمثل بيقول سامهارب العباد
 تسلم . والكريم لا يضام . قلت له - إيه يا أخويه المدح ده كله
 إالى إنته عيال بتمدحه في الراجل ده ؟ . قام قال لى - والله يامعلم
 يوسف . أنا لو فضلت أمدح في الحاج على الدهان ده . من هنا خمس
 شهر كان . مش ممكن إني أوفيه حقه . قلت له - والله يامصطفى
 لحنوا كلين عند بتاع الطعميه . وعند الحاج على النهارده . ولازم
 أشوف كلامك ده حقيقى . والا لآه . وعلى كده تنارايحين على السكه
 الحديد . سأنا مالو ادالحاجى ده . وفين وفين لما إلتقينوا واحد . رضى
 إنه يد لنا على دكانه . علشان كان عزل من دكانه القديمه إالى كانت قدام
 مدرسه خليل اغا . ومن كتر سوء الناعنه ولا حدش راضى يد لنا عليه .
 عرفنا إنه صحيح راجل مش محبوب من إالى يعرفوه في الحته . نهايته
 وصلنا لحد الدكان بعد التعب . وبصينا التقيناها حته دكانه زغيره
 خالص . ومزثق . بنت ستين كلب ويادوب سايعاه . وسايه الغلب

الأُزلى إلى ينعمله . وتلات تراييزات بالعافيه . لما يتملوا ناس
 لازم تبقا ركة ده . في ضرده . وكتف ده . في كتف ده . يعنى
 حاجه مضايقه قوى . لما شغنا العبارة كسده حب بلحه يرجع .
 قلت له - مادام جينا لحد هنا . أمرنا الله . ولازم نشوف السيره
 الوحشه تمام وإلا لأه . وما يجيش منه . رحنا داخلين . قنا التقينا
 قدام الكانون راجل لابس جلبه بيضا . ومربى دقنه حبه .
 حامل له سكسوكه . ووشه كشر . وقاعد على كرمى قش . قتر بصيت
 له كويس . وقلت له . سلامو عليكم يا معلم . قام بص لنا قوى .
 ونقضنا من فوق لثحت . وكشروشه . وعقد حواجبه . ورد
 السلام من غير نفس . وفضل باصص لنا . لحد ما قعدنا قدام
 التراييزه الفاضيه . وكنت انا عطشان . قتر طلبت منه شويه ميه
 علشان أشرب . قام قال لى - استنا شويه . دلوقتي الميه تجي جنب
 الأكل . قتر اتغظت قوى . وعقلى قال لى - يا واد إسكت لحد ما
 تشوف آخرتها حاتكون إيه وياه . وبعد كده قلت له - هات لنا
 بقرش طعميه ورغيفين . قام قال لى - أنا ما عندى بقرش طعميه
 قتر قلت له - أ مال عندك بكام ؟ ! . قال - إالى يجي هنا عندى
 يقول لى - أ كلنى بس . وانا أوكله . قتر عملت إن الواحد
 فانتنى . وقلت له - طب أكلنا يا عم . قام ضحك قوى وضحك
 معاه لطح تاني . كان قاعد ورانا . وقال لنا - والله انا تبت عن
 إنى أأكل ناس زيكم . روحوا شوفوا لكم واحد من إياهم
 وتلقوه فى خان الخليلي . قتر اتغظت قوى . وقلت لنفسى

يا واد إصبر كان حبه . نهايته . فلا كام طعميه . وخطهم قدامنا وراح
 قال بيضتين . وخطهم جنبهم . وانا نفسي إنشدت عن الاكل
 وبلحه راخر أضرب . وعلى كده قعدنا ساكتين . وفي اللحظة دي . وقف
 قدام المحل اتومبيل ملاكى ونزل منه السواق بتاعه ووقف قدام
 الخلوجى وناوله عشره ساغ . قام أخذها منه . وبعد ما قلبها
 كويس . ورنها طارخامه إالى قدامه . كام رنه . إداها للسواق
 تانى . وقال له - عاوز بيها إيه . قام قال له - عاوز بيها طعميه .
 قام هنأ قوى وقال له - مين قال - لك كده . قال له - البيه بتاعى
 قال له - دا لازم يكون قال لك - اشترى بيها كebab مش
 طعميه . قال له - أبدا . وعلشان يتأكد رجع لسيده إالى كان قاعد
 مسشى فى الاتومبيل . وسأله . قام قال له - محبب بيها طعميه
 قام السواق رجع على الدكان تانى . ومد إيده لخلوجى . وقال
 لله - سعادة البيه بيقول لك هات له . بيها كلها طعميه . قام ضحك
 ضحكه صفراويه . وقال له - ما عنديش بعشره ساغ . قام قال له -
 آمال عندك بكام . قال له - ما عنديش طعميه خالص . إحنا شطبنا
 نقام السواق بص جنب رجل الخلوجى . إلتقا مجور فخار أخضر
 مليان طعميه . قام قال له - ماهى الطعميه قدامك آهيه . قام
 قال له - دى مش طعميه . إسمع روح لشغلك إفته وقول للبيه بتاعك
 الطعميه إالى عند الخلوجى علشان زباين المحل . علشان الناس
 الفقرا بس . ماهياش علشان الاغنيا . قل له - كل كebab
 أحسن لك . أنا عندى زباين زى التيران . بدها عليها . قال كده

وضحك. وبص لنا. غلشان فضحك. إحننا روخرين. وكان اللطخ
 إلى ضحك على النكتة البايخه. إلى قائلها لنا. ساعة ما طلبنا الطعميه.
 أكل وقام من على الترابيزه. وكان فضل منه لقمة عيش زغيره ..
 قام الحلو جى بص له وقال له - خد اللقمه دى معاك . غلشان.
 تبقا تتعشا. بها . قام ضحك. وقال له - خليه لك . قام راح الحلو جى.
 ناده لصبيه . وكان واد طويل وشه أصفر اوى . وقال له - خد
 اللقمه دى . وحطها للشيخ فى جيبه . قام ضحك . وراح واخذها
 وبكل تلامه . راح حاططها للراجل فى جيب قفطانه . قام الشيخ
 طلعا من جيبه وحطها قدمه عارخامه وقال له - عاوز كام . قال له -
 هات تسعة ساغ . قال له - بتوع إيه ؟ . قال له - بتوع الأكل إلى
 اتسمته فى جوفك .. قام الراجل . قال له - أنا ما ادفعشى غير
 ثلاثه ساغ . هو أنا اكلت غير بكده ؟ . قام قال لصبيه . خد
 منه . وأعرفه . وتانى مره ما تدخلوش المحل . ده أنا عارفه من
 زمان . وهو كده بالشكل ده . روح بقا ياسيدنا الفقى إللحوج
 ومن فضلك ما تبقاش تقضى من الشارع ده . الراجل حذف الثلاثه
 ساغ على طول دراعه فى الارض . وتنه ماشى . واحنا روخرين
 رحنا قايمين . وخرجنا م الدكان على طول . من غير ما نمد إيدنا على
 طعمينه المقرفه . قام راح ناده لنا . وقفنا من بعيد . وأنا قلت له -
 عاوز إيه ؟ . قال لى - تمن الأكل . قلت له - عندك ما لترابيزه ..
 وتننا ماشين على طول . ولا نعرفش إيه إلى عمله بعدما سيبناه . والله
 أعلم إنه فضل يشتمنا بحجى ساعتين ثلاثه ! . وبعد ما مشينا لحد أوله

السمكة الجديدة . التقينا قدامنا دكان واحد اسمه حسن أحمد العسال .
 يتاجر في العنبر . وفي الروايح العطرية . وكان واقف في المحل .
 جدع قصير . لطيف قوى خالص . قمنا سألناه على دكان الحاج
 على الدهان . قام قال لنا - وإسمه العقر كان . فلنا له - أيوه .
 قام شاور لنا على دكان كبيره خالص . تجي قد دكان السقييل ٩٠
 مره . على الاقل . وقال - آهي الدكان دي هيه دكانه . قلنا له -
 إحنا متشكرين . حضرتك بقا سي حسن العسال . تاجر الروايح
 المشهور . إلی أخذت المداليه الذهب من المعرض السنه دي . قام
 ضحك . وقال لنا - لاه . أنا موظف عنده . وحسن افندي
 دلوقتي في المحل العمومي بتاعنا إلی في العماره الجديده . إلی قدام
 فرع البنك الأهلى في الموسكى . والمحل العمومي ده فيه
 القابريكه والمعمل . إلی يقطر فيه الروايح العطرية . من
 الزهور البلى . علشان يضرب بيها الاصناف الاخرنجى .
 المغشوشه . إلی بتيجي من بلاد بره . وكلها مواد كياويه صناعيه
 شموا الريحه إلی بيعملها بشيده . قال كده . وراح فاتح لنا قزازه
 ريحه . وعاص لنا إيدنا منها . فجت الريحه لخلوه نعنشت فؤادنا
 وفرحت قلبنا . ونستنا رزالة الحلوجى وسقالتة . وبعد كده .
 راح فاتح علبة سجابر عنبر . وناول كل واحد منا سيجاره
 وولع لنا . شربنا . قمنا التقيناها حاجه لطيفه قوى . وبص لنا
 وقال - وما دام إتم رايجين تاكلوا دلوقتي عند العقر . لازم
 تشربوا عندى كباية شاي . بعنبر يوز العسال . علشان تلفتح

ختمكم للأكل وقبل. ما نرد عليه ونقول له كثر خيرك. راح باعت
 الولد يجيب الشاي. وقدم لنا كرسين قعدنا. وجه الشاي راح
 واخذ حق صيني زغير. وصب الشاي في الكوبيات. وأخذ
 من الحق حته. على راس المرود. وحطها في كوبياتي. وحط
 لبلحه في كوبياته. ذوغري راحت سايمه. ورحنا شارين الشاي
 وقعد يتكلم معا والزباين. داخله خارجه للمحل. إالى يشتري
 كلونيا. والي رواج. والي عنبر خام. والي عنبر يوز. والي
 سجائر. والي شاي عنبر يوز. وبعد شويه زغيره. حسينا إن
 جسمنا في. ودمننا جرى في عروقنا. قمنا عرفنا تمام إن العنبر يوز
 ده مقوى ومفيد جدا. اتبسطنا قوى. ورحنا طابطين منه. من كل
 صنف م إالى إدا أنا عينات منه بخمسين قرش صاغ. راح موزب
 لنا الشيء. وأخذناه وخرجنا واحنا مبسوطين خالص. إالى ف
 مصر واحد مصري. وييعمل حاجات زى بتاعة بلاد بره. وأحسن
 منها. خرجنا من عند العسال. دخلنا عند الدهان: إلتقيننا
 محل وجيه ونضيف. يساع ولا متين واحد ياكلوا سوا. أول
 ما قعدنا. جت القوط. وكوبات الميه إالى بالتلج. والسلطات
 والعيش. وطلبنا النيفه جت. ودورنا الأكل. حاجه طعمه قوى
 لا تقول لي كباب ولا غيره. وبعدما أكلنا وشبعنا. دفعنا الفلوس
 وخرجنا واحنا مبسوطين قوى من النيفه الأبهه. إالى عمرنا
 ما أكلنا شيء ألد. ولا أطعم منها. ولا سمنا عنده كلام فارغ. ولا
 تنقليس. زى ما سمنا عند بيع الأرف السقيل. إالى اسمه الحلوجي

وبعده ماخرجنا من المحل . رجعنا على صاحبنا الجزار . وفضلنا
 فتحاسب معاه لحدا ما اعترف بالمبلغ . ودفعه على دابر مليم .
 وأخذنا بعضينا ومشينا وكانت الساعة بقت أربعة ونص مساء . فقت
 أنا ميمت على بلحه . وقلت له - إيه رأيك في إلهي ماوزيشترى كام جلايه
 علشانه . وعلشان البيت . قال لي - هو حري فعل مايشاء . قلت له - طيب
 ويشترى من عند مين هنا . قال لي - وإن كان بده يشترى قماشات
 حال ومضمونه . سنه وسنتين . غسيل ولبس . لازم يشترىها من
 مخازن الراعي . قلت له - ونخازن الراعي دي بعيد . عن هنا
 قال لي أبدا . تمشي شويه زغيره في السكه الجديده . وبعدين
 تحود على الغوريه . تلتقيها على عمينك . بعد جامع الأشرف .
 بعد كائين تلاته . قلت له - دي على كده قريبه خالص . ياالله بينا
 وبعد لحظه بسيطه بقينا ف أول الغوريه . وسما واحد عمال
 يزق - هنا محلات الراعي . أصواف . اجواخ . حراير . مياضات
 بوالات . كستور . شيت . من كل صنف . وعلى كل لون . رحنا
 داخلين التقينا المحل مستف بضايع من كل جنس . ومدروز على
 آخره ناس . فلاحين على صعايده . على أولاد بلد . على أفنديه . على
 برابره . على يهود . نهايته زباين من كل صنف . والواحد مايسمعش
 فيه غير حس المقص . وهو عمال يقطع في القماش . والورق
 وهو يشخشخ . ساعه الف . رحنا طالبين طلباتنا . وسألنا
 حاسع . قالوا لنا عليه . التقيناها مهاودقوى . والشئ كويس خالص
 وبضاعة متينه . رجت مشترى . ومقبض التمن . وخرجت وأنا مبسوط

وعزمت على إني أنصح كل واحد من معارفى . ومن أصحابى .
 إنهم ما يشترش . إلا من عند الراعى . وده علشان . إننا نشجع
 إخواننا التجار المصريين . زى الهنود بتوع غاندى . ما بيعملوا
 فى بلادهم . الله . معلوم . لازم المصرى يعمل كده . علشان ياخذ
 لستقلال بتاعه . فليحيا سعد باشا وليحيا غاندى باشا بتاع السند والهند .

- ١٤ -

بعد مولد النبى بشهر . بصيننا التقينا المحضر خاى لنا ساعة
 الصبحيه . وف إيدہ الاعلانات بتاعة الجلسة . بتاعة خذاقتنا إحنا
 والكوامله وعساكر البوليس إستلمت إعلانى . ومشى على بقية
 الشله . سلمهم إعلاناتهم . وبعد ربع ساعه التقيت عرابى . والمعلم
 ابو سنه . والصورفى . جاين لى . وفى إيدكل واحد منهم إعلانہ
 راحوا معلمين عليه وقعدوا . طلبت لهم الساده شربوها . والصورفى
 قال : آهى الجلسة قربت . فاضل عليها عشر تيام . قلت له : أحسن
 ياربته كانت النهارده . علشان نستريح منها . أنا لسه ما شفتش
 قضيه زى دى . تقعد خمسين يوم . قام عرابى رد وقال : لازم
 الحكومه تكون ملبوخه فيها . وعماله بتقراها المده دى كلها
 قلت له : أبدا . دول يقدرُوا يقدموها للمحكمة . بعد أربعه
 وعشرين ساعه . ما فيش غيرهم . إسته . قول إنهم عندهم زباين
 كثير غيرنا . وعلشان كده آخرونا المده دى كلها . رد أبو سنه .
 وقال يا أخروها . والاما يا أخروهاش . نى . ما بهش . أنا جاني خبر

مبارك . إن الولاد الكوامله . جيين لنا النهارده العصر . علشان
 حتفق بالكلام إالى نقوله فى المحكمه : قلت له - يشرقوا . لما
 يجولك هاتهم وتعالى عندى فى البيت . رداعرابى وقال - طيب
 مايتنا أقرب قلت له - مافيش فرق . بيتنا وبيتكم واحد . بس
 إبقوا إبتغوا لنا خبر . علشان نجى لكم أنا وبلحه . قالوا طبعاً .
 دى حاجه ماهياش عاوزه وصايه . وبعد كده إستأذنوا وقاموا
 وفضلات أنه وبلحه . قاعدين فى البيت لحد العشا ما قالت الله أكبر
 سمعنا الصور فى بيئده علينا . بص له بلحه م الشباك . قام قال له -
 يا الله تعالى إنته والمعلم يوسف . علشان الكوامله جم . بلحه قال له -
 طيب إتفضل إسبقنا على بال المعلم يوسف ما يلبس هدومه . قال له -
 معلى أنا أستناكم هنا لحد ما تنزلوا . قال له - لكن ما يصحش
 تقف كده . إتفضل إقع فى المندره . وأنا نازل أقعد معاك
 ورائع بلحه نازل . قعد معاه . لحد ما لبست هدومى . وزلت
 أخذتهم وتتنا رايمين على هناك أول ما دخلنا عليهم . راجوا قائمين
 لنا واقفين . وسلموا علينا . وقعدنا واتعرفنا ببعض . وشويه
 وجه العشا . وإتحط واتفضلوا . قاموا قالوا - معلى ساجونا
 خام عرابى - حلف إنهم لازم يخامسوننا . علشان يبقا بينا وبينهم
 عيش وملح . وربنا يخون ابن الحرام . قاموا قدموا معنا .
 وأكلنا والذى منه . وقعدنا فى شرب . وحظ وانبساط . لحد
 ما الساعة بقت إثنين بعد نص الليل . إستأذنوا . مسكنا فيهم . علشان
 إنهم يباتوا عندنا مريضين . قناخرجنا . ووصلناهم لحد السبيل .

قاموا ندهوا لواحد عربجي وراحوا راكبين معاه بعد سلموا عليه
واحنّا تننا راجعين . وكل واحد منا يقول في سره . والله صدق
من قال - ما محبه إلا بعد عداوه ... إلقصدا ما أطول أشي عليكم . فات
يوم ورا يوم . فاتوا العشر تيام زى يوم واحد . وجه يوم - الجلسة
الساعة ثمانية . كنا حاضرين . جينا نحش أودة الجلسة . قام الحاجب
إلى واقف على بابها . راج ما معنا من الدخول . قلت له - إنته
يا جدد بتمنعنا ليه ؟ إحنّا لنا هنا قضيه . قال - إالى عاوز يحش
أودة الجلسة . لازم ما يكونش ماسك فى إيده عصايه أو سلاح .
علشان ممنوع . قلت له - ودا ليه ؟ . قال - أنا ما عرفشى . إلا وأمر
إلى عندى كده . قلناله - طيب والعصى دى . إالى معانا نعمل
فيها إيه . ونودها فين ؟ قال - يصح إنكم تخلوها كلها مع واحد
منكم . ويقعد يستناكم بيها بره . قلناله - وجب . وأوامر الحكومه
لازم تنفذ . إن ما كانت بكيفنا . تكون غصبن عن عينيها . وعلى
كده لمينا العصى إلى معانا . واديناهم الواحد من صبيانى . وقعدناه
فى القهوة إلى جنب المحكمه . ورحنا داخلين التقيمنا الأوده
مستفه ناس . والصف الأولانى من الكراسى مرشوم عسكر
بوليس . رحنا جايين وراهم وقعدنا . كملنا ملوة الأوده . وشويه
وانفتح باب الوسط الجواني . إالى ورا الترابيزه . إالى بتقعد
عليها هيئة المحكمه . وزاح داخل منه القاضى ومشاديدته .
راحوا قاعدين . وكاتب الجلسة حط الدوسيهات قدام القاضى
وقعد مطرحة . والقاضى فتح أول دوسيه . وقلب فيه وراح -

ناده إسم صاحبه . راح الحاجب مزعق بحشه الحياني . وناده
 بالإسم . راح المتهم داخل . كلمه وإلتافيه . وراح القاضي طاسه
 ست اشهر . أنا سمعت كلمه ست اشهر . وبصيت للقاضي قوي
 إنقيته راجل كبير عمره . يحجي ٤٥ سنه . ووشه جميل . وسنه
 ييضحك . والي يشوفه يقول عليه . إنه راجل طيب خالص . قلت .
 ف عقل بالي . أمال . ماله طس الراجل حكم جامد كده ؟ . لازم
 ياواد يكون المتهم ده . التهمه لابسا قوي . قام مالتقاش شىء
 يخليه يخفف عنه . وعنهاوإلتهم إستمته العساكر وخر جوابيه هو
 والورق بتاعه . وراح القاضي ناده لواحد كان تهمة . إنه سرق
 جوز حمام بس . مافيش غيره . قام قعد يتناقش معاه حبه مليحه
 وهو عمال يضحك معاه ويهزر . وجات الشهود شهدت . ولكن
 الشهاده كانت مختلفه . بقايتنقور عليهم ويضحك . أنا ميلت على غرابي
 وقلت له - لازم القاضي المره ديه حبيراً المتهم ده . ياإم ايديه غرامه أو
 حنكم بسيط . قال لي - وإيش اعرفك إنه حاتم عمل لي زى الاقرع
 بتاع طوالع الملوك لمايفتى من غير علم . ويقول حاتم كذا
 ويحصل كذا . في يوم كذا . ويحجي اليوم . ولايحصل فيه أى شىء .
 قت قلت له - لأه . أنا بقول كده . علشان شايف القاضي . عمال
 ييضحك . قال لي - أما عدوك عبيط . دا ييضحك للمتهم . علشان
 يدخله . ويخليه يفتكر إنه قدام قاضي لبخه . وقلبه طيب . وعندم
 رحمه وشفقه . يقوم لما يسأله عن حاجه . ما يخبش عنه . ويقول
 له بالحق . ويفضاه وراه كده بالسياسه . يضحكه . ونكته . وقفشه .

لحد ما يجيب رجله في الخيه . ويكعبله . وبعد كده يروح قارصه
 بجارصه . منها والقبر . القاضى إلى قدامك ده ميه من تحت تبن
 . قلت له - بقا ما كدبشنى ابن عروس لما بيقول - يضحك ويلعب
 عليه . ويقيده بهداوه . والسن فى السن يضحك . والقلب كله
 نغداوه . قال لى - أهو القاضى إلى قدامك كده . وإحنا فى
 نالكلام . القضية خلصت . راح القاضى الطيب قوى . مدى
 ظلمتهم سنه سجن : مع الاشغال الشاقه . إسأمت زباين جهنم
 وأخذوه وخرجوا . راح ناده على غيره . واحد متهم إنه ضرب
 عسكرى الدواريه . وقطع زراير بدلت . راح سنا كعه أربع شهر
 تحت قلت لعرابى الله . دا صاحبنا بانت لبته . قام قال لى - ودامش
 بانت لبته بس . دا كفر . إيه إلى أربع شهر علشان تقطيع زراير
 . أمال إحنا حايعمل فينا إيه إلى . هر بناجته عشر عسا كر . وبطحنا
 منهم أربعة ؟ . لازم حايدى كل واحد منا عالحساب ده ثلاث
 سنين كده طوالى . قلت له - ثلاث سنين . والنبي كنت أطلع
 : أخنقه فى الجلسه . وزى ما تيجى تيجى قال لى - قلبك أبيض
 حين عارف يمكن إلى إحتاخايفين منه . يطلع مافيش أحسن منه قلت
 له - يسمع منك ربنا . نهايته كانت قضيتنا فى الرول المتعلق على باب
 أودة الجلسه نمرتها . ٤ . يعنى فى الآخر خالص . ساعة ما يقرب يشطب
 - فضلنا قاعدين : نسمع فى قضايا أشكال والوان . وكلها يحكم فيها
 بالسجن . مافيش ولا واحد منها حكم فيها بالبراءة والا بالفرأه
 طوحدها . وهب وجهه فى إيده الدوسيه بتاع قضيتنا . وكان كبير

قوى . ومليان ورق . يحبى عشر قضايا سوا راح فاتحه ومقلب
فيه . وراح الكاتب ناده أساميتا واحدا واحدا . يحبى ربع ساعه على
بال ماخلص . دخلنا واطرصينا كلنا قدومه . زى إلى قدام الفرز
يتاع الجهاديه . ملينا الققص . والحته إلى يوقفوا قيهما الشهود
والى ماالتقاش له مغل . وقف بين الكراسى وبعضها . ماهى قضيه
دبل . إتناشر كوامله . وانا خمسة يبقوا سبعةناشر . وعشره
عسكر . تبقا الجله سبعة وعشرين . راجل شريخ مريخ . إلى قى
أودة الجلسة . بصوالنا ومهموا . وسمعت واحد محامى عمره يحبى
١٩ سنه بالكثير . كان قاعد ورانا بيقول . إيه دول كلهم ؟ قت
بصيت له وقلت له - صلى عالنبي ف قلبك يا بيه . أحسن عين
الحسود فيها عود . قام قال لى - ها احسدكم على إيه من فطالتكم
جتكوا الهم . قلت له - الله يحفظك . إسمع يا بيه يا محند قوى
تقدر حضرتك تقابلنى بره الجلسة . بعد ما نخرج من هنا . قال
لى - ليه ؟ قلت له علشان عندى ملحوظه زغيره على خلقة حضرتك
وبدى أقولها لك . قام إتجمق وراح مزعق . قام المحامى القديم
إلى جنبه . وبأينه معلمه إلى بيتمرن عنده فى مكتبه . راح مكلمه
كام كلمه بالفرنساوى . طب ساكت . قلت له - شوف إلى يفهم
إسمع كلامه . علشان تشرب منه صنعة الكلام . دا أكبر منك
بيوم . ويعرف عنك بسنه . كل الكلام ده إتسكمنه مع الجدع
المحامى . والقاضى لسه ماخلصشى قرايه ف وقايع القضييه . فضل
يقول ويغيد . وبمدين نده على عزابى . قال له - أفندم سعادة

جناب القاضي . قال له - إيه . كلامك ؟ . قال له - أنا سمعت
حضرتك دلوقتي وائته عمال يتقرا في الورق . إلهي قدامك . إننا
في يوم كذا . الساعة كذا . والدقيقة كذا . يا تضر بنا مع بعضينا .
وجت العساكر تخلص . رحلنا متعدين عليهم . مش كذا يا بيه ؟
قال له - أيوه . قال له - طيب . أنا عاوز أسأل حضرتك . سؤال
قال له - إجنبا إلهي تسالك . وائته إلهي تجاوب . قام قال له -
لكن جنابك قبل دلوقتي جاوتني علي سؤال . فانا أطلب من
هيئة المحكمة إن سعادة البيه يجاوبني علي سؤال واحد بإفشاء
غيره . قام القاضي ضحك ضحكته الصغرا . إلهي بتنقط سم هاري
وقال له - نعم - عرابي قال له - وسعادتك كنت فين لما شفت
إنا عملنا كده . إن كنت موجود ساعتها . تبقا حضرتك شاهد
وإن كنت شاهد . تبقا مالكشي حق إنك تكون ريس هذه
المحكمة . إلهي رايحه تحكم في قضيتنا . قام القاضي . بص له وهو
بيضحك برضه . وقال له - لا ه . أنا ما كنتش موجود . ولا نيش
شاهد . قام عرابي إلحقق . وقال له - بشخط - أمال عمال نقول
كده إزاي ؟ إنت شيخ بتنجم لنا . والا حد قال لك ؟ سيبك
من الكلام ده . إجنبا لا ضربنا بعض . ولا الخانقنا مع العساكر
إحنا كنا في مولد السيد في طنطا ورجعنا مصر . وجينا مروحين
قنا مشينا مرب شوارع كلوت بيه . قائلونا جماعة البرجيه
بتوجع علينا . راحوا ضارين فينا رحنا مكملين لهم . نصينا
التقينا العساكر انحشرت . وهات يا ضرب فينا . قنا دافعنا

عن نفسنا . قام القاضى . قال له - يعنى ضربتوا العساكر ؟
قال له حانرجع للنجيم . مين الى قال لك . اننا ضربنا العسكر
انا باقولك اننا دافعنا عن نفسنا بس . قام قال - له طيب دافعتم
عن نفوسكم بس . وعلى كذا اتعديتم العساكر قال له - ياايه
خليك لطيف . وأعرف ان فيه فرق بين الدافع عن النفس .
وقيه فرق بين التعدى . قام القاضى قال له - أسكت . الله يظهر
عليك إنك غلباوى . أبو سنة الفسخاني فين ؟ . قام أبو مندهراح
مرعق . وقال له - تحت الأمر والطلب ياايه . قام بص له وقال له
- وانته إيه كلامك ؟ . أنت ضربت العساكر ؟ . قال له - عساكر
إيه ياايه ؟ . قام راح مشاور له عليهم . وقال له - دول . قال له -
ياايه . إزاي ده ؟ وهو فيه حد فى الدنيا كلها يضرب العساكر
ذاعسكري واخذ . لما يسوق رزالتة . فلي تلب بمأها يطفشها . أبقا
أنا أقدر أضرب عساكر بوليس . حكومة ميري . زى دول .
بص لهم ياايه كويس . ذاعسكري منهم لما يحب يتعدا . مايتفشي
إثنين زي . أبقا إزاي أقدر أضربه هو وزملائه دول . دول
يجروا بعضيهم . مظاهرة فيها عشر ثلاث نفر . وعلى كل حال
نظرك يعنى عن سؤالى : والله يحيمى أصحاب النظر . قال كده وطيب
سناكت . قام القاضى هز رأسه شمال ويمين . وراح ناده يوسف أبو
حجاج . قلت له - محسوبك وخذ أمك . بصلى . وقال لى - الله
ضربت العساكر دول . واتعديت عليهم . أثناء تأديته واجباتهم
قلت له - مين قال لسعادتك كده ؟ قال لى - هم يقولوا . إنك

ضربتهم . قلت له - ما تصدقهمش . دول كدا بين و بيتي وبينهم ضغائن
 كبيره . القاضي سمع كلمه ضغائن . استعجب . وقال لي - بينك
 وبين مدين فيهم الضغائن دي ؟ . قلت له - بيني وبينهم كلمه ؟
 قال لي - وأسبابها إيه ؟ . قلت له - قلت لي أسبابها إيه ؟ . أقول
 تسعادتك . أسبابها ياسعاده البيه . إنهم لما بيتمسكوا داوريه جوه
 المديح . يقوم الواحد منهم ريقه مجري . لما يشوف اللحم مديوح
 ومساوخ قدامه . يقوم يفردي منديله الأحمر الميري . ويطلب مني
 حته كبد . والا حته من بيت الكلاوي . أقوم . أكسفه . ولا
 أرضاش أذى له . يقوم يزعل مني . ويتربا عنده الضغائن . القاضي
 سمع كده . قام بصلي قوى . وقال لي - إنته مجنون يا جدد . والا
 بتخرف هنا . إنته بتقول إيه ؟ . قلت له . أنا بأقول . لا إله إلا الله
 محمد رسول الله . قال لي - يعني مش عاوز تقول إنك ضربت العساكر
 قلت له . أنا لا ضربت . ولا انضربت . أنا راجل في حالي لا بتاع
 خناق ولا حاجه . قال لي - إنت لك سوابق ؟ . قام عقلي قال لي
 شوف يا واد صحيح . كلام العسكري إلی كان بيقول لك إن كل السوابق
 بتاعه المتهم . يكون الفيش بتاعها موجود في ورق القضية وفيه
 السوابق بتاعه الواحد . والا لا . قلت له - أبدا يا بيه ولا عمري وقفت
 قدام محكمه . قام قلب في الورق بتاع القضية . وخذ شوية ورق
 منهم . مسكهم في يده وبقا يبعس فيهم . ويصلي . ويقول لي - إنته
 مش لك سابقه بتاعه ضرب ف فرج في بير قدار أخذت فيها شهر
 سجن . وف يوم كذا . شهر كذا . سنة كذا . عملت كذا . وإتحكم

عليك بكذا . وفضل يعد . لخدماء قال لي على كحل سوابقي
بالحرف الواحد . قمت عرفت إن كلام العسكري في محله . ومضبوط
خالص . طبيت ساكت . قام القاضي بص لي وهز راسه . وندم
على زكي الصور في . وقال له - وإنه كلامك إيه ؟ . قال له - أنا
ما ضربت بش حد . ولا كنتش موجود في الخناقة دي . أنا كنت
يومها لسه خارج من السجن . وبعدين جماعه من إصحابي
غزموا عليه . إني أشرب معاهم . قمت شربت كام كأس . قلبوا لي
دماغى . وما عرفشى رجلية ودنى على فين . وأبص إلا وألقاني
في وسط الجماعه المتخافين دول . وداخل معاهم طالقسم . ولما قمت
التقيت دماغى متعوره ومربوطه . وشيخ الحاره بيضمنى . القاضي
ضحك . وراح ناده على واحد من الكوامله . رد عليه . قال له -
إنت إتعديت على العساكر . قال له - أبدا أنا ما ضربت بش حد . هما
العساكر إالى ضربوني وبطنخوني . راح القاضي ناده لغيره . وسأله
قال له - كده برضه . وفضل ينده ويسأل . وهما ينكروا . وبعد كده
العساكر قالوا أفـ والهم . وجت الكنستبلات روخرين خطوا
شهادتهم . وعنها وطلبات النيابة : راح صاحبنا إالى محشور في
كل حاجه زى البقدونس . واقف على حيله . وعادل الشريط الاخضر
إلى على كتفه وصدره . وقال - النيابة تطلب عقاب المتهمين
بمقتضا المادة كذا وكذا وكذا من قانون العقوبات . وفضل يرص
ف كلام . لخدماء دماغ القاضي . أزيد ماهى مدووشه .
وبعد ما فرغ الاسطوانه . إالى دايره ف بقه . قال - وعلى كل

حال الأمر مفوض لهيئة المحكمة . فتمت انارحت شاخط فيه .
 وقلت له - معلوم . الأمر متفوض لهيئة المحكمة . غصين عن عينيك
 يا غلباوي . قام القاضي . قال لي - إسكت يا حمار . قلت له - أمرك
 يا بيه . ورحت ساكت . القاضي . قلب في الورق حبه طيبة .
 وراح كاتب كاتب . يجي خمس دقائق مره واحده . وبعد كده
 مسك ورقه فإيده وقال - حكمت المحكمة حضوريا على كل من
 يوسف أبو حجاج . وأحمد عرابي الطليماوي . وزكي الصوري
 بشت أشهر سجن . وعلى أبو سنه الفسخاني بارتع تشهير . وعلى
 أحمد مكاي . وشريف حسن . وحبيده عليوه . بثلاث شهور
 سجن . وعلى بقية المتهمين كل واحد شهر سجن . والجميع بالاشغال
 الشاقه والمصاريف على خائب الحكمومه

- ١٥ -

خرجنا من اودة الجلسه . ومغانا ولا عشرين عسكري حرس
 وعلى سجن المحكمه . التقينا بلحه يحضر لنا عشره جنيه فكه انصاص
 فزيكات . راح مديهم لي في رغيف فينوه كبير . رحت مدي له
 الخفظة بتاعتي ووصيته بالبيت . وعالشغل . وعلى الشيخ محمد . وتني
 داخل دبعام عالحيس بتاع المحكمه . قعدت رحت فاتح الرغيف . ومطلع
 منه الفلوس . ورحت مفرقا على جماعتنا . وأخذت نايبى منها .
 وودورنا البلع والزغطة . والصعايده . هملين يبصولنا ويستعجبوا .

وبعدهما انتهينا والفوس بقت جوامصارينا. قرب علينا الواد حميده .
 وهو خايف لنبلعه . وقال لي - اية ده يا عم اإلى عما تبليوه . قلت له -
 خلوس . قال لي - وعما تبليوها ليه ؟ . قلت له - علشان عندنا معص
 قال لي - والنبي تجول لي . قلت علشان تصرف منها وإحنا جوه
 السجن . قال لي - وتطلعوها من بطونكم كيف ؟ قلت له - تطلع
 عرقى على جتنا قال لي - جول لي صح . قلت فهمته . قال - أما انتوا
 يا ولادات مضر حد جين جوى . إحنا بدنا نبلع لنا كام جرش .
 لكن معناس غير جنبيات وريح مضححه . قلت له - هات الجنبيات
 وانما ابعت افكها لكم من برة . حالا اتكلم مع زملائة وفهمهم
 راحوا مدنيين له خمسة جنيه . راح مناو لهم لي . قلت له - هات
 كان واحدة بعشرة . راح مناو لها لي . رحت عند شباك باب
 السجن . وقلت للعسكري اإلى واقف جنبه يندد لي بلعة . وشاورت
 له عليه . ثلثة له بحرحت مدني له المبلغ . وقلت له - خالافى مضافة
 خمس دقايق . فتكون هنا . راح طالع يجري . وتبعد شويه جه .
 وبص لي م الشباك . وزاح مناو لى الاثانة . قام العسكري حب
 يتلائم . ويشوف . واجباته . رحت ملهمة ف ائده . النص ريال
 راح قاطع خمس . وإدبت الفوس حميده . راح مفرقهم على إخوانه
 وقت لحظه تاووه . وبعثنا جينا أكل . أكلا وشربنا . ووجت
 غريبة السجن راحوا يتأخينا فيها . وسوق يا أسطى على سجن
 أرميدان . فى لحظه كنا هناك . نزلنا . والباب إتفتح . ودخلنا واحد
 واحد . استامننا البناس سجان . وأذا العسكري الوصل . أخذته وتنه

خارج . وباب السجن . إنطبق علينا . وقعدونا اثنين اثنين .
 وبما الباشجان . ينده علينا واحد واحد . ويفتشنا من أوله
 لاخرنا . وياخذ الفلوس . والساعات والخواتم إلى معانا .
 علشان يشيلها لنا في الأمانات . وبعد كده ودونا بالخزن . قلعة
 هدمونا . ولقيناها في البستنا . وربطناها بالذك . والعسكري
 السكاتب بقا يربط في كل صره . رقه باسم صاحبها . وبعد كده
 ناول كل واحد منا قيص ولباس . ماتعرف إن كان قماش . والا
 خيش . وقال لنا البسو إحنا لبسنا إلاقصه . والالبسه دي وبقينه
 عاملين زي البهلوانات بتوع التياترو . وبعد كده أخذونا عالمزين حلق
 لنا روسنا بالمسكنه الزيرو . وعالجنا إدو لكل واحد صابونه
 إستحمينا والذي منه . . وعلى الطورناطه . وزنوا كل واحد
 منا . وكتبوا وزنه . فوق البورقه الصفرا . إلى ساهوها ليكيل
 واحد منا . وفيها اسمه . وسنه . وسكنه . وجريمته إلى ارتكبه
 والمده إلى إتحم عليه بيها . وتاريخ دخوله السجن . وتاريخ
 الإفراج عنه . وراح مستلنا واحد سجان . وعلى كنجي دور .
 وراح حاطط كل اثنين منا ف زنزانه . وانا جت قرعتي مع زكي
 الصورفي . فضلنا قاعدين نتكلم . لحد ما العمل رجع من الورشه
 فتحوالنا . وادوا لكل واحد منا رغيف عيش . رحنا مديينه
 لواحد من المتاجين . ودخلنا على محل الألب . نزلنا . إلى نزل
 م الفلوس . إلى بلعناها . واتكلمنا مع المساجين القدام بالسم .
 لحد ما جابوا لنا السجاير . إلى إحنا عاوزينها . والشطاطه

والكبريت . أخذناهم ودفعنا الثمن . وتتنا داخلين عاززاناه .
وردنا بابها علينا . وبعد شويه مر السجبان عاززانين كلها . وعد
إلى فيها . وقفل الأبواب بالمفاتيح . وإحنا من تحتنا في البيع
والشرا . فسينا نملأ الكوز بتاعنا ميه . ونسينا نجيب الجردل بتاع
البول . فضلنا نزعق . ونحيط على باب الززانة . لحد السجبان
ماجه . راح فاتح لنا الباب وزعق لنا شويه . وبعدين خلا الصور في
راح ملا الكوز . وجاب الجردل . وبعد مادخل بيهم . السجبان
قفل الباب علينا ومشي . وإحنا قعدنا حانوره . وطلعنا سيجاره
شربناها . وبعدين الصور في قال لي - ماتحكي لنا حكاية تسلي
فيها . لحد ما يكبس علينا النوم . قلت له - أحكي لك حكاية إي .؟
فسكرني وأنا أحكي لك . قال لي - من حق فيه تعيان اسمه عامر
البيت .؟ قلت له - فيه عندنا ف مصر كام بخريفه ممكن . كلهم
كذب ف كذب . ولكن ناس كثير بتصدقهم . ومن ضمن
التخاريف دي . تخريفه عامر البيت . يقولوا لك إن عامر
البيت ده . تعبان يعجبه بيت من البيوت . يقوم يسكن في
شق من شقوقه . وما دام ما حدش يأذيه . يفضل قاعد في
البيت ده . ويحلى باله من مكانه . إن لقاه عقر به يقتلها وإن
تعبان غريب يخ سمه في زير . والا قلة يكسره عامر البيت .
ودا من شده محافظته عالناس إلى هو ساكن عندهم . وياماف .
مصر معارين . إلى يقول لك أنا شفته قاعد يلعب مع ابني
الزغير . وإلى يقول لك . أنا كنت ساعة ما أجى أكل . أصفر له .

يطلع لي . اكسر له البيض وأديه له يشربه . وبعد ما يسمع يتنه
حاشي . واللي يقول لك إنه التقاه شمال يتلف على ريو الميه
إلى يشرب منه . وفضل يقرط عليه . لحد ما خلاه طق . وانكسر
والميه إلى فيه انداقت . قام التقا مع الميه تبعان أرزق . مؤدني
إين كلب . طولة ثلاث أمتار . واللي يقول لك . أنا شفت طامر
البيت . وطوله بجي خمس أمتار . وشحنة مخن مؤاسير المجازي إلى
بيهمحتوا ويحطوها في الشوارع . واللي يقول لك . إن مره وأخذ
قتل عامر البيت . قامت جت وليفته . يعني الست مراته . وبحث
في الأكل إلى في البيت ده . قاموا لما أسكوه ما ثوا كلهم واحدا
واحد . وتسمع من الهجاصين ذول كلام كثير . لا طلع السما ولا
رؤ . الأرض . وجماعه تقول لك ان عامر البيت ده . يتفضل في
البيت كده . لحد ما يجبر يقوى . ويبقا صمره ألف سنة . هو
نظرة . يقل قومي . ولما يحس إنه قرب يتما بنظرة يتنه طالع عالجيل
بتاع الجيوشى . فيه هتلك كثير غنى بالمليان جواهر . وأجواهر
حتى . إذا الواحد حطها في القفله تنور رضى الكهنة . والعزده
مرصودة . محدد . يحدد منه حاجته ويخرج بيها . علشان إنها
مرصودة . والمرصود بتاعها قاعد يتخرجها . يقوم عامر البيت .
ده يدخل الكثر . ويقعد يتخرج عاجواهر . لحد ما يلقا
الجواهره إلى عليها العين أبكى . يروح بالعقار فبطنه ويخرج بها
من الكثر . يقوم الرصد مليش كلهموش . ويتنه رايح عالبيت اللي
سه كن فيه . ولما يحب يخرج يتفسح يكف الجواهره من بطنه

هو يدحرجها بالأرض . تقوم تدور له عشى على نورها . لحد ما
 ينخلص . فسحنته . ويرجع لحد الشق يتاعه يروح بالبحر الجوهره تاني
 يقوم . إلى ياخذ بلله منه . يحضر هون نجاس . يكون ثقيل قوى
 ويربط حواليه شوية سكا كين تكون حامية قوى . وينخل حدهم
 ناحية بره الهون . ولما يشوف عامر البيت . مد ألج الجوهره
 قدومه . يسهيه . ويروح قالت الهون فوق الجوهره . ويطلع بحري
 يقوم التعبان يدور عالجوهره . لحد ما يشمر يحتها إنها تحت الهون
 يقوم يفكر إن الهون . إذا إتلف عليه وقرط . ينكسر زى الزير
 وروح متلف حوالين الهون ويقرط . تروح السكا كين المربوطه
 حوالين الهون . مخرطه ستين حته . ساعة الواحد ما يشوف كده
 يرجع قوامك . ويعين الهون . ياخذ الجوهره . يحطها فى قلب
 صفيحه . جاز مليانه رده . ويحط الصفيحه فى محيل طاهر . وما
 يدخلش حد عليها . إلا إذا كان طاهر . وكل ساعة صبحيه .
 يفتح غطا الصفيحه . يلتقى فى الرده جنيه ذهب . ياخذه . ويغطيها
 زى ما كانت . لحد تاني يوم ساعة الصبحيه . يعين الغطا . ياخذ
 الجنيه . ويفضل على كده لحد ولد . الولد مادام يحافظ عالطهاره
 آدى حكاية عامر البيت . وكلها كذب فى كذب . وستين الف
 حمار . ومغفل إلى يصدقها . وفيه تخريفه تانيه . تظهر م السنه
 السنه . تعرف هيه إيه ؟ يا ضورفى . قال لى . ما أعرفشى . هيه
 عليه . يا أبو حجاج . قلب له . تخريفه بغلة العشر . قال لى . انا سمعت
 عليها . لكن ما فهمتهاش زى الناس . قلت له . إسمع يا سيدي

في ليلة عاشوراء المباركة، تظهر بغلة سوداء . تمشي في الشوارع
 والحواري . وهي مشرجه ومتلججه . وعلى ظهرها خيرج مليان
 ذهب أحمر . وعلى السرج بتاعها راس قتيل . بيخز منها الدم .
 الناس لما تشوفها تخاف منها . وتطلع تجري . وتفضل ماشيه لحد
 ما يقابلها صاحب القسمه والنصيب . يروح واخذ راس النبي آدم القليل
 من عال السرج . يحطها في حجره . ويروح راكب البغلة . ويسوقها
 على يمه . يفرغ المال إلى في الخرج . ويروح حاطط بداله قشر
 بصل . والا رده : وإن ما التقاش بملا الخرج ولو تراب . ويحطه
 فوق ظهر البغلة . ويحط راس القليل فوق السرج ويخرج بالبغلة
 لحد أول شارع يقابله . ويطب طب على ظهرها . ويقول لها - سيري
 يا مباركة . وكل سنه بعوده . تقوم تمشي لحال سبيلها أدى حكاية
 بغلة العشر . قام الصوري قال لي - وإن ما ملاش الخرج حاجه
 يحصل إيه ؟ قلت له - التخريفه بتقول إنه إن ما عملشني كده . الصبح
 يلقا الذهب كله في تحول بقا قشر بصل . آهي الحكايه دي . يمكن
 ولا مليون . واحد مسلم . بيصدقها من الرجاله . ويجي ست
 ملايين مره . يعتقدوا في التخريفه دي أكبر اعتقاد . وأنا أقول
 لك إن إلى يصدقها يكون أكبر تستوس . خلقه ربنا . ويكون ناقص
 عليه الدليل والعاليق . رد الصوري وقال - ويبقا حمار . قلت له
 وافته الصادق . الله يرحم والدك . كان راجل طيب قوى . قام
 ما أخذ شي باله م . النكته . وقال لي - الله يحفظك يا أبو حجاج .
 رحت انا ميت على نفسي م الضحك . قال لي - بتضحك نبي إيه

قمت مارضيتش أقول له على السبب. وقلت له أنا باضحك علشان إفتكرت
 حكاية سيدك الانصارى. قال لى - طيب ماتحكيها لى .
 ياسلام يا ابو حجاج دى المدرسه الليلية . إالى إنت بقالك كام
 شهر بتروحها . نورت عقلك وكبرت مخك . وخلصت عالم كبير
 تتعرف الكذب . م البندق . والشئ المعقول . من الشئ
 التخريف . ياسلام . دانته على كده إن فضلت كان سنه فى المدرسه
 دى . لازم تكيع أحسن واحد ابوكاتو . جلال عليك يابنى وينصر
 دينك . داصحيح والنبي إن العلم نور . عليه الطلاق . من دراعى .
 تو ما أخرج منك ياسجن . لازم أكتب نفسى فى المدرسه الليلية
 دى حاجه لطافه قوى . المعلم بلحه راخر . دلوقتى بقا عال قوى
 دكى النهار . كنت قاعد معاه فى قهوه زغيره قام الواد أحمد
 الدكش . حريف المنقله . تاخذ بالك منه يا ابو حجاج ؟ . قلت له
 إيوه عارفه . ومن قيعه كام يوم الشيخ محمد بتاعنا . لاعبه ضمنه
 قام كسب منه ريال . وبعد ما أخده منه إداه له تالى . قال لى -
 غلبه والنبي ؟ . أما دا فارس . دا الواد ده مافيش واحد يعرف
 يغلبه فى اللعب . خصوصا فى المنقله . كان حق الشيخ محمد مايدلوش
 الريال تانى . علشان الواد الدكش ده . واد ابن قحبه . مالوش
 حظه غير اللعب . قلت له - حاكم عمك الشيخ محمد . راجل
 حاجج بيت الله عشر مرات . ومصلى الأوقات الخمسه . يقوم
 مايجبش يدخل على نفسه قرش حرام . رد الصورفى وقال لى - أمال
 إزاي الواد الدكش . بيعيش هو وامراته وأولاده . من الفلوسه

إِلَىٰ يَكْتُمُهُمُ اللَّعِيبُ . قُلْتُ لَهُ - أَعُوذُ بِاللَّهِ . يُدِي عَيْشَتَهُ تَبْقَا كُلَّهُ .
عَلَىٰ كَيْدِهِ . حَرَامٌ فِي حَرَامٍ . وَدَاشِيءٌ مَا فِيشُ فِي الدُّنْيَا الْعَيْنِ مِنْهُ .
أَبْدَانٍ . وَمَشْ كُوَيْسُ عُنْدَ رَبِّنَا . وَبُومُ الْقِيَامَةِ بِنَا يَعْذُ . يَعْذِبُهُ . يَعْذِبُهُ .
إِنَّ اللَّهَ إِنْ تَعَمَّتْ يَا بُو خَجَاجٍ . هَخْ هَخْ هَخْ هَخْ .

نمت تلك الليلة زى القتل. ولا تحركش أبدا. لحد الفجر. صحبت
 على البروجى بنال السج. وهو. ليضرب ثوبه صحيان. دار
 التخطيط فى السج. والشج. شغل بمفاتيحه. وراح فاتح
 الزنازين. وبقا كل ما يلتقى واحد نائم. بروح صازبه برجله علشان
 يصع. وقليل إن ملعللوش إيجده. أنا لما خرجت. وشف كده
 رخت. مصحى الضورفى. قبل ما ياحدله جزمتين. قام من النوم.
 وهو بيقر لك فى عينية. وبص حواليه باستغراب. أنايته نسي.
 إنه كان نائم فى السج. وما افتكرشنى إلا لما بص. إلتقاه
 صال باطوى الثرة والبطانية بتاعى. قام ضحك وقال لى صباحك.
 فل يا معلم يوسف. قلت له صباحك ابن يا صبورفى. قوم يابى لم
 نمرتك. أحسن الاستج. صال يشك لمخاليق ربنا. قال لى. وأنا
 يهنى. لما يشك لى. أشك لجدة عليهما السلام. قلت له لاه سيبك
 خلينا المره دى. نقضى مدتنا على خير وسلامه. قال لى ليه؟
 بقا منش حانقول يا هنس جددى حطك. وتأخذ مدته جديده؟

قلت لا هـ . أطوي النمرة . ونضيف الأرض . على بال ما أروح أصل
زى الناس . أحسن الفلوس . عماله بمغص في معدتي . قلت كده
وطلعت جري . على بيت الأدب . زلت فيه فلوس . وغسلتهم .
وغسلت وشي وايدريه . ورجليه . وبعدين عقلي قال لي يا واه
ما تبوضي بالمره . وتصلي الصبح حاضر . وحنها ورحت متوضي
وتني رايح عاز نزهه . التقيت الصوري كنس الاسفلت ولعبه
خلاه زى المراه . وفيرش النمر . وخط فوقها البطاطين . رحت
دأست الفلوس بين الحلفاء وبعضها . ورحت عادل النمره ناحية
القبلة . ورحت مصلي الصبح حاضر . وأنا عمالي أصلي السنه
جه السجان . واتكلم مع الصوري . وتنه ماشي . قلت أنا بعد
ما سلمت . سألت الصوري . قلت له . السجان كان يقولك إيه
قال لي . كان جاي يصبح عليك . عشان إيه يعرفك من زمان
وبعدين لما التقاك بتصلي ضحكك . وقال دا لازم انجذب
والا استولوا عن قريب . وقال لي لما يصلي . تعالى لله وهو
واستنوي عند الترابيزه بتاعتي . استغربت وقلت له . ما قالك
علي اسمه ؟ قال لي . أهدأ . عن إذكك أما أروح أتفسح برأنا راجع
أحسن بطني بن غون . والفلوس عماله قرن جواها . قلت له . أجزى
قوام الحق نفسك . أحسن تعملها على روجك . تنه طالع بحري وبعد شويه
جه . اخذنا بعضنا . وتينار المحين على مكتب سجان الدور . أول ما شفته
عرفته . أنا إيه السجان . الحمد كنتو زمان دأقت له الحب . عالا أرضه
وإخافت وياه . وبعدين اصطلمنا على يد الظابط . وحكيت

لكم حكايته معاه . فى الجزء الأولانى من مذكراتى . قلت له -
صباح الخير يا بنى يا صالح . راح قايم واقف . وصبح عليه . وسلم
عليه باشتياق قوى . قلت له - فتن أراضيك يا صالح . يعنى يا بنى إن
ما كنتش . أنا آجى أزورك فى السجن . ماتزرنيش إنته فى
دكانى . إنته ماتعرفشى الغنوه إالى بيقولوا فيها - زرونى كل سنه
مرة . حرام تنسونى كده بالمره . قام صحك . وقال - حاكم يابو
خجاج . الشغل كثير علينا . والسهر بيتعبنا . واللى يمشى جسد
فى الخدمه بتاغته زى . ما يكسبش حاجه أبداً غير ماهيته . إالى
يادوب بالعافيه مكفياه هوه واولاده . أما إالى يمشى مسخره .
ويعد إيده للتبلصه . تلقاه يقنى فلوس . ويبقى مهمل فى واجباته
يقوم ما يحسش بالتعب والشهر يتاع الخدمه . وعلى رأى المثل .
الفلوس تقوى القلب . قلت له - سنيبك إنته يا بنى والله مافى
الذنيا أحسن . من إن الواحد يكون سيجوريا . ويشوف واجباته
حليب . ويراقب ربنا ف عمله . أهو ده إالى راح تبقا آخرته كويسه
أما إالى بالك فيهم . وإالى عمالين يخطفوا . ويشربوا من دم العالم
حول . أعوذ بالله على آخرتهم . إالى حاتكون زى القندله
وأعرف تمام يا صالح . إن فلوس الرشاوى دى حرام . زى الربا
بالمظبوط . والمال الحرام ما يدومش . والمثل بيقول مال تجيبه
الزياح . تاخده الزوابع . والمال الحرام إن دام ما يفرحشى بيه
صاحبه . قال لى - والنبي صدقت يابو حجاج . إيه ياخويا الكلام
نخذه . إالى معانيه عاليه قوى . وكان بتصلى الصبح حاضر . دا

لازم. ربنا سبحانه وتعالى فتح عليك وهداك . بهدايته . قلت
 الله - الحمد لله على كذا . حاكم ياشاويش صالح العلم نور . قال لي -
 إياك أنت إتعمت القرأيه ؟ قلت له - والكتابيه كان . قام بص
 لي واستعجب . زى إالى مش مصدق كلامي . قمت رحت واخذ
 ورقه من إالى محطوطين مالكتب بتاعه . وقرئت - مصلحة
 السجون المصريه - أورنيك نمرة ٢٧ حرف ج . تعيينات
 مدرهم أقه . عدد الاشخاص . صنف . هو سمع كده . وراح
 واخذ الاورنيك من إيدي . وقال لي - بزيادة كده . دانته بقيت
 في القرأيه والكتابيه . أحسن مني أنا . والله إنته جدد قوى
 .وعليك نور . إسمع إنت معاك هنا في السجن ناس معارفك . قلت
 الله - معايه . لكن إن كنت عاوز تساعد حد في الدور بتاعك
 بزيادة أنا وعرابي وزميلي ده . وشاورت عالصور في قال لي - طيب زى
 أمرك . أنا رايح أعملك نوبتشى على مخزن الملابس . وعلى تفريق
 الجرايه والبيك . وزميليك ده حاكم نوبتشى في نضافة الدور .
 هوو والمعلم عرابي . علشان صاحبي قوى . ورايح أوصي بتاغ
 بيجي دور على . بقية جماعتكم . قلت له - كتر خيرك ياسبع .
 لأجيب لك سيجاره بقا . قام ضحك وقال لي - قوامك يا جني
 جبت السجائر ؟ . أنا ما اشربش دخان . وأنا في الخدمة أيدأ .
 قلت له - وهوو حد حاشوفك . خد ياشيخ واشرب . قال لي -
 خبي السيجاره من فضلك . أنا قلت لك كلمه واحده . ما اقدرش .
 نمت بصبيت كده وكده . وفوق وتحت . وقلت له - يا أخى ما فيش حد

أبدأ شاي فاك . قال لي - لا . إنته غلطان . فيموا احد شاي فنا . وسامع
 كلامنا قلت له - هو مین ده الی شای فنا وسامع كلامنا كله ؟ . قال لي -
 ماتتش عارفه ؟ ا قلت له - أبداً . هو مین هو ؟ . قال لي ربنا
 یا عیبط ! . قلت له - ونعم بالله ! ! ! ! !

- ١٧ -

بعد ما اتكلم السجبان معانا . أخذني على مخزن الملائس .
 سامني البطاطين واهلهم إلی فیہ . والمهمات . یعنی المقشات
 والفرش والكيزان الصفيح . وسابني وراح على شغله . وانه
 والصور في قعدنا نلعب سيجه . نلحد الساعه مابقت ٣ بعد الظهر
 والكيف بتساع الدخان حزننا . وكانت الشجاير إلی معانه
 خلصت كلها . قنا سألنا النوبتشي على سجائر ماالتقينا ش معاهم .
 قلت لبلحه - وبمدین تجيب سجائر منين ؟ . قال لي - تجيبش
 نفتش في النمر بتاعة المساجين كلها . إلی محطوطه في الزنازين
 يمكن نلتقي . حدسجبي فيها سجائر . قلت له - برضه فسكره . يا الله
 بينا . وعلى كده مسكنالك الزنازين بتاعة الدور كلها . وهات
 ياتفتيش في النمر . وفضلنا على كده . مدورين الشغل . ترى
 نظباط المباحث لحد ما فشننا ٣٠ زنزانه . وفي الزنازة الواحد
 والعشرين . عترنا مالسكر . وغشر سجائر قلاج الجايزي مره
 واحده . ومعاهم شطاطه وشوية كبريت . وفص حشيش زغير
 فخرنا قوني . تقولشي التقينا لقيه . ورحت ذو غرنی بارم حته الخشيشه

وموسع لها في السجاره بعود كبريت ورحت مدخلها في السجاره
ومن لهو جتنا وقفنا نشربها جنب السلم . ويادوب الصور في أخذ
نفس وانا أخذتها منه . إلا وسمعت حس واحد ييكج . وأبص
والتقى الديدبان بتاع برنجي دور . واقف تحت مننا بالظبط .
وبندقيه على كتفه . أول ما شفته رحت شاد دباحه من كتفه . وتننا

انظر الصورة نمرة - ٩ -

طالعين نجري . بعيد عن السلم . وجدنا ربنا إلى ماشافناش .
علشان الديدبان ده كان صعيدى . وجلنف قوى . ومؤذى واحنا
مابدناش نعمل لنا عمله جديد . ونوقع نفسنا ف قضيه تانيه .
علشان الواحد زهق من الحبس كل ساعه . وبده بقا إيبعد
عن الشر والأرف . نهايته قعدنا بعيد عنه نشرب في السجاير . ونغنى
وتتكلم ونلعب لحد ما النهار خلس وجت المساجين من العمل . واشترينا
منهم الشئ إلى إحنا طاوژينه . ودخلنا طارزانه . وبعد شويه
مر السجان . ونعم علينا وقفل . قام بلحه قال لى - إنته ما حكيت
ليش حكايه سيدى الانصارى . إلى افكرتها ليلة امبارح . ساعة
ماضكت . قلت له - ماهى روبره حكايه تخريف فى تخريف . قال
لى - قولها لى والسلام قلت له . انارايح أقول لها وأقول لك حكايه
أحسن منها . قال لى - قول . بس إياك ما يكسنى عليك النوم
فى ليلة امبارح مانعت . وإحنا بتكلم . قلت له - مش ساعات

يُسمع ناس يَكُونُوا يُتَكَلَّمُوا . مع بعضهم . يقوم واحد منهم
يقول للثاني . سييك . بلا أو انطه . دا حنا دافنينه سوا ؟ . قال لي -
صخيخ كثير صممت الكلمه ديه من ناس . لكن انا لحد دلوقتي
ما فهمتش معناها . إحكيتها والنبي يامعلم يوسف . قلت له - كان
فيه إثنين إصجاب داقت بيهم الحاله . وانسدت أبواب الشغل ف
وشهم وافدينوا . وبقت حالتهم زفت خالص . قاموا آخر ما
ادايقوا راحوا واخذين هدومهم كلها وصروها ف بقجه
كبيره . وكان واحد منهم فاضل حيلته من إيام العز حته حمار
حساوي مكن . وكان عزيز عنده . راحو حاطين عليه البقجه
واخذو بعضهم . وساعة صبحيه تنهم خارجين من مصر .
وقالوا بلاد الله . خلّق الله . وفضلوا ماشيين . بلد تشيلهم . وبلد
تخظهم . والحمار معاهم دا يركبه . ودا يمشي جنبه . لحد الماشي
ما يتعب . ينزل الراكب . والماشي يركب . وكل ما يمشي عليهم
الليل يباتو . والصبح يتنهم ماشيين . وفضلوا على كده لحد ما وصلوا
لبلاد الشام . وبين يلدن والحمار مات . وطلع منه الامر إلا لآهي
زغلوأ عليه . وحبيب عليهم قوي . وما هانش عليهم . إنهم يسبوه
هرى في الأرض ويمشوا . ومادام إنه خدمهم وشاظم طول
السنه ذى . إتفقوا على إنهم يعملوا له قبر . ويدفنه فيه . وعلى
كده . ختموا له طربه كوينه على قده . وراحوا حاطينه فيها
بورادمين عليه بالتراب . وياذوب إتهوا من الردم . إلا وقالة
عرب مسافر موطبت عليهم . قام ريس القافله لخدمهم من بعيد .

وهمه يريدوا . قام لما وصل لعندهم سلم عليهم . وقال لهم - إنهم
 يتعلموا إياه يا جماعة ؟ . قاموا إنكسفوا يقولوا له على الحقيقة .
 يقوم يستقل عقلهم . ويضحك عليهم . إلى يتبعوا أنفسهم على
 شان يدفعوا حجار ميت . قام الكبير فيهم . واسمه الشيخ عبد الصمد
 بص لريس القافلة . وبين على وشه علامة الحزن والزلزل . وقال له
 بقا إحنا خدامين سيدنا الشيخ عبد الله الانصارى . الولي المشهور
 في مصر . وكان سيدنا الشيخ نفسه يزور المسجد الحرام . إلى
 في دمشق الشام . قمنا سافرنا من مصر . والشيخ معانا . لجد ما
 وصلنا للحنه ديه . وأجله إنتها . وكان موصينا إنه لومات لازم
 ندفنه مطرح مايطلع منه البسر الا لاهى . قمنا إنلزمنا إننا نفعله
 ونصلي عليه . ونفحت له طربه هنا وندفنه فيها . وباريت كان
 معانا فلوس كنا جنبنا جماعه بنايين كانوا ضربوا لنا شوية طوب
 وبنو لسيدنا ضريح يليق بمقامه . قام شيخ القافلة رفع يديه وقرا
 الفاتحه . على روح الشيخ . وكانت القافلة نزلت عزالها من فوق
 جبالها ونصبوا الخيام بتوعهم . وقعدوا ياكلوا وعزموا عليهم .
 أكلوا معاهم وبعد ماجت القهوة . وشربوها . حلف الريس إنه
 لازم يبني للشيخ مقام عال . ودوغرى أمر رجالته إنهم يضربوا
 طوب . وحالا الشغل اشتغل . وف مسافة أربع تيام كان إتبنوا
 لأحجار حته ضريح عال . فشر أحسن شيخ مدفون في البرارى بتاعة
 الشام . ويادوب البنايه خلصت . وطبت قافله تانيه كانت جايه
 من الشام ومعاها تجره حديد وخشب . لما شافت الهيئه نزلت

عزالها هيه روبره : وثلا ريسها سأل . وفهم المسأله من أولها
لاخرها . أمر رجالته إنهم يعملوا للضريح الشبايك والاثواب
اللازمه . القصد بعد جمعه ما فيش غيرها . كان الجامع بقا حاجه
حال . وحوالينه جنيته أبه . وفيها ساقية تطلع ميه . وجنب
الجنينه : أودتين علسان نوم خدامين الجامع . والمشايخ أدولهم
الفرش اللازم لهم . وبعثوا جابو عشرين مترقاش أخضر . نطخوا
بيهم الخشب ، بتاع تركية الطريه . القصد بقا الجامع متمم من
كله . وعلى كده بقت كل الناس إلى تمر من الطريق ده . وتبص
تلتقى الجامع الجديد . نسا لهم يقولوا لهم عاكايه يقوموا يحنوا
عليهم ويدوم أكل وفلوس . لما شافوا الحكاية إتسعت إتدبقوا
على واحد نجار . عمل لهم صندوق كبير زي صندوق الندر إلى
ف سيدنا الحسين . وعملوا له قفل جامد . ولجل البخت بقا كل
واحد يكون رايح في شغله ويندر إنها لو اتقضت يجيب للشيخ
الانصارى . مثلا دستين شمع . ويدفع ٥٠ قرش في الصندوق بتاع
الندر . ويسافر يقوم ربنا يقضى له حاجته . يقوم لما يرجع يوفى
بتدرة للشيخ . بقوا أصحابنا المصاروه مبسوطين قوى وهابصين
وبقوا في آخر كل سنه . ياموا الشمع والقمح والدره . والحاجات
إلى تجبى لهم من النذور . ويروحو اباعينها ويفتحوا الصندوق
ويعدوا الفلوس إلى فيه ويروحو قاسمين المبلغ نصين . وفضلوا
على كده ٣ سنين قام عبد المجيد إشتاق لمصر . قام قال - لزميله عبد
الله - إيه رأيك ؟ في إني عاوز أسافر مصر . أقعد هناك قد شهرين

حال له - تروح ونجى بالسلامه . قال له - لكن المولد بتاع الشيخ
 إلى بنعمه كل سنه قرب . قال له - أعمله أنا . قال له - والمومنم
 يتاع الزوار يبتدى الشهر إلى جاي . قال له - وماله ؟ . قال له -
 والفوس إلى تجى تعمل فيها إيه ؟ . قال له - تتحط فى الصندوق
 جناح الندر لحد ماتجى . وإن كنت خايف خلى مفتاح الصندوق
 معاك . وعلى كده قروا الفاتحه . إن ما جددش منهم يخون التاني
 وعبد الصمد إخذ بعضه وتنه مسافر على مصر . وبعد شهرين
 رجع . سلم على زميله وقام فتح صندوق التدر . التقا فيه شوية
 فوس . ماتجيش ربع إلى كان بيلقاها فيه إيام ما كان موجود . قام
 جرف إن زميله خافه وسرق منها . قام لما كلمه - فى كده زعل
 قوى واتحمق . وراح واخده من إيده . ودخل بيه على الطربه . ومد
 إيده فوق الستر . وقال - وحياة سيدى الأنصارى ده . إني ما
 سبرقت من الصندوق ولا ملیم . وإن كنت سبرقت منه سيدنا الشيخ
 يعطبنى ويكسحنى . قام عبد المجيد ضحك . وقال له - سيبك
 م الدور ده . على شيخ مين بتحلف . دحنا دافنينه سوا . وراح
 مدور فيه الضرب لحد ماقر بالفوس ودفعها له . إيه رأيك فى
 الحكايه ديه يا صورفى ؟ . قال لى - والله حكايه عال قوى . وأنا
 سمعت إن فيه فى مصر ولا عشرين ولى . ولهم مقامات وجوامع
 والحقيقه إن الجوامع دى مش مدفون فيها مشايخ ولا غيره .
 والناس بتعتقد فيها . وتقرأها الفاتحه . وتندر لها الندور . قلت
 - كل الحاجات دى بدع ما فيش فيها لا فايده . ولا عايده . لاشيخ

يقدر ينفع واحد. ولاشيخ يقدر يضر واحد. والي يعرف يسلم
أمره الله. ويعتمد عليه هو وحده. علشان ربنا سبحانه وتعالى
هو الذي يقدر يضر وينفع. ما فيش غيره قادر في الوجود كله.

- ١٨ -

بعد شهر من سجننا بطلعنا زارني ودخل لي أكل. وبلغني سلام
الشيخ محمد. وقال لي - دا من يوم ما انجبت. وهو بيعيط
عليك. وطول النهار. وطول الليل. عمال يصلي ويدعي لك.
وقطع الزاد ما بقاش يياكل زنى الاول. وامبارح جيت أخذه
أفسحة شويه. قام حلف إنه ما يتفسح ولا ينتقل من البيت.
إلا لما إنه تخرج من سجنك. أنا شمت كده. ورعلت قوى.
عاشيخ محمد. وبقيت أتمد على إني إتخاقت الخناق دي. وانجبت.
وكنت السبب في زعل الرأجل. وحكمه على نفسه بالحبس. هو
راخر لحده ما أخرج. وعلى كده زادت غلاوته عندي. وحبه
إتمكن قوى من قلبي. وقلت لبطلحه - يابلحه قول للشيخ محمد إني
ببركة دعاه مبسوط قوى. ومستريح خالص. وما بطلعش الشغل.
مع المساجين وقاعد دايما هنا في الدور. وإن ربنا هداني وآدني.
من يوم ما دخلت السجن. وأنا أصلي الوقت بوقته. وسلم لي عليه.
وبوسه لي من هنا. ومن هنا. وسلم لي طالا ولاد. وعلى كل
من يسأل عني. كبير والأزغير. وخلى بالك ياخويه من الشغل -

وخافظ على بتاع الناس . وسبيك من الهلس والمسخره . واوعك
 تتخافق مع حد أبدأ . والا تتحشر في خناق . وخلي الشيخ محمد
 يتوبك عن الشقاوه . علشان الراجل ده مبروك قوى . ونفسه
 طاهر . وإن سمعت كلامي . خليه يعلمك الصلا . ويدعى لك
 بالهدايه . إياك ربنا يهديك . ويمحى عنك الشقاوه . بركة الراجل
 الطيب . المسكين ده . وأوصيك إنك تخلى بالك معاه قوى .
 وما تخليش حد يمس إحسانياته . بنص كلمه . واعرف بإبلحه إني
 لو سمعت إنك خالفت كلامي ده . والله . والله . والله . تلاته بالله
 العظيم . ما أعرفك ولا تعرفني أبدأ مدة حياتي . قال لي - عيب
 ياخويه . إزاي أخالف كلامك ؟ . دانت كلامك عندي . أكنه نازل
 من السما . هوه إنته بتدلني على شيء بطل . أقوم أنا أخالفك فيه .
 إانت بتدلني على شيء ينفعني في الدنيا . وفي الآخرة . ياسلام
 ياخويه . أنا ما كنتش أحسبك أبدا تفتكر فيه شيء زي ده .
 دانا لو تأمرني إني أقطع رقبتى فداك . أقطعها . قال كده . والدعاه
 فبرت من عينه . رحت أنا راخر معيط . وفضلت أطيب في خاطره .
 وهوه يطيب خاطري . لحد ما مدة الزياره إنتمت . والشاويش
 قال له - ياالله يامعلم إتفضل بقا . قام سلم عليه . وتنه مروح وأنا
 صمال أقول له - خلي بالك قوى يا بلحه من عمك الشيخ محمد -
 نهايته ما اكرش عليكم . بقا بلحه يزورني كل شهر . لحد الست
 أشهر ما اتهموا على خير وسلامه . وأكنهم ست أيام . أكل وراحه
 ونوم وفذجره . وبمحبته وانبساط . ولكن أقول لكم . الحق . يغفور

الحبس . حتى لو كان ف جنيته . جانا الأفراج . تسنى خارج أنا
 والصور في وأبو سنه وعرابي . إلتقيننا بلحه . ومعاها الشيخ محمد .
 بس . والعرييه بتاعتي وزبلن مشدود فيهما . عرفت على طول .
 إن بلحه ربنا هداه . علشان إن كان لسه ماشي في الشقاوه .
 مكان لم لنا له . وأخذنا م السجن بزهبليطه . قلت في نفسي الحمد
 لله . وقربت عالشيخ محمد من سنكات : وخطيت إيدي في
 إيده . من غير كلام ولا سلام . دوغري فهمني وعرفني بنور قلبه
 وراح واخدي بالحضن . وفضل يبوس فيه . ودموعه عماله تجري على
 حدوده . لحد ما بلت دقته الشاييه . إللى زى اللبن الحليب .
 قمت أنا راخر عيطت وحببت أتكلم . حسي إتحاش في صد ري
 من شدة التأثير . والشيخ محمد راخر حصل له زيي بالطبط
 قمت طبطبت بأيدي على ضهره . وهوه راخر طبطب على ضهري .
 وراحنا راكبين كلنا في العرييه . وبلحه راح راكب جنب الاسطى
 محمود أبو حنفي . العربجي يتاعى . وسوق يا أبو حنفي حاله سنبيه
 راح مطرقم لزبلن بالكرباج في الهوا . قال له - هب زبلن . راح
 بيننا زى الطيارة . حاكم أنا مانشر موخده عالضرب . والمثل يقول
 إبنك على ماتوخده . إن ضربته على كل غلطه يعملها تطلع تربيته
 زى الزفت . ويوم في يوم ياخذ عالضرب . تبقا لو تضربه من هنا
 بلبعده بعد بكر . ما يحشش . علشان جتته نحست . أما لو كنت
 تخوفه بس . ولا تضربوش إلا عالغلطه الكبيره قوى قوى .
 تطلع تربيته عال . وتبقا جتته بكر . ما تستحملش الضرب أبدا

وتبقا الكلمة المؤلمة تأثر فيه وتسم بدنه . أ كتر من ألف علقه
أهو أنا واحد من الناس . لأضرب إبني . ولا اضرب حصاني .
والاثنين والحمد لله ما يستحملوش إشاره . سبيك . وحق النبي على
الله . الضرب مافية فائده . وضرره أكبر من نفعه . زى الخمره
الله يلغنها . ويلعن إلى بقا يشربها منى أنا . من النهارده . علشان
هيه سبب كل البلاوى . وهيه بنت السكب إلى بترمى الواحد
فى المهالك . وتلجس عقل كل جددع . يقول لك أنا وأنا . وتخليه
غى المجنون ساعة ما يشربها . وياريت إنها كويسه لصحة الانسان
إلا بنت ستين كلب . بهرى السكب . وتلف عضلات الانسان .
وتفكك أعصابه . تخليه لما يمك حاجه ف إيده . يلقا إيده
بسترعش . زى الذى يكون مأسك فى إيده سلك كهربا . الله
يقطعها وبقطع سجرتها . أنا عارف ربنا لما هو عارف إنها أم
الخبثات . كان خلقها ليه . إستغفر الله العظيم . وأتوب اليه . إيه
دم ؟ . الواحد قرب يكفر . سبيك إنته . لا تقول لى إن الحشيش .
والا المنزول . ضربهم أخف من المدعوقه الخمره . ومن السم
الهارى إلى اسمه السكو كايين . والا الهوريين . كلهم بلاوى .
بهرى فى اجسام الناس . وسموم بتلف عقولهم . وتضيع أموالهم
إخيه على المخدرات كلها . دا فيه حديث والا هوه مثل مانش
عارف . بيقول . لعن الله المخدرات . ولو كانت من اللبن . وعليه
الحرام من بيتى . مابقيت عمرى شاربك يا حشيش ولا وا كلك
يا منزول . ولا شاربك يا خمره . ولا متعاطى أى شىء تاتى من المخدرات

طول حياتي . كل الكلام ده . عمال أقوله في سرى والعريه ماشيه بينه
 والشيخ محمد قاعد . جنبى وهو ساكت ما يبكلمنيش ولا نص كلمه
 لحد أنا ما واصلت للحلفان وقتله بلشاني ف سرى . وأنا أكنى
 في دنيا . غير دى الدنيا . إنتبهت على ضحكك كبيره . طلعت من بق
 الشيخ محمد . وراح حاطط إيدته على كنفى . وطبطب عليه . وخط
 بقه على ودنى وقال لى - يا إبنى يا يوسف . الراجل إالى يقول كلمه
 ما يرجعشى فيها . واللى يحلف يمين ما يقمشى فيه . واللى يعزم
 على شئ يتوكل على الله فهو حسبه . قال الكلام ده وقرصنى
 ف ودنى . وقال لى - إوعا تنسى يا يوسف داربنا شايفك وسامع
 حلفانك . أنا سمعت كده وعقلى بقا حيشت من دماغى . إزاي الشيخ
 محمدا . عرف إالى قلته ف ضميرى . واللى فكرت فيه كاه من أوله
 لآخره . أكنى كنت عمال أزرق . وفي الساعه دى . إنا كدت
 إنه راجل طيب قوى . وفيه شئ لله : رحت واخذ إيدته من
 سكبات وبوستها . قام ميل عليه . وقال لى - ف ودنى بشو يش خالص
 قول زى ما أنا رايح أقول . كل كلمه قولها ورايه طوالى . قول
 تبت إالى الله . قلت - تبت إالى الله . قال - وندمت على ما فعلت قلت
 - وندمت على ما فعلت . قال - وعزمت على أن لا أعود لمثل ذلك
 أبدا قلت - وعلى أن لا أعود لمثل ذلك أبدا . قال لى - إسمع يا يوسف
 يا فضل صلى على النبي . كده لحد ما نوصل البيت . فضلت أصلى
 على النبي صلى الله عليه وسلم : لحد ما وصلنا البيت . نزلنا بالعريه
 وعرابى وأبو سنه والصورفى . إستاذنوا وتنهم مروحين . وأنا

حبلحه . والشيخ محمد . دخلنا البيت . راحت والدتي مزغرتة .
 حنيه ومراتي . وأولادي نزلوا يجرؤا . وراحوا معبطين فيه . ومعيطين
 والواد الزغير . قال لي - ما بقيتش تنجس بقايا بابا . بعد النوبه دي . قلت له
 - أبدا يا مصطفى . ما بقيتش أنجس إن شاء الله . وعلى كده . ربنا هداني
 أنا وبلحه . وآدي احنا . والله الحمد عايشين مبسوطين . الحمد النهارده
 والشيخ محمد صحته عال . وجوزته وليه طيبه . دفعت له مهرها ٢٠ حنيه
 ووفضيت له شقه لوحده . والراجل داعي لي . وقلبه راضي عني .
 والي الناس ترضي عنه . يرضي عليه ربنا سبحانه وتعالى جل شأنه .

• نم الجزء الثالث •

سایه کو

أَو مَلِكُ الْقُرْصَانِ

تلك الرواية التي نشرتها جريدة البتي باريزيات والتي
خلزت أكبر شهرة عالمية في عالم الادب والاجتماع . تظهر
طبعتها الثانية قريباً جداً وتطلب من مكتبة التقدير التجاريه

تَحَامَرُ عَلَى الْخَلِيفَةِ

أَوْ

الدهاء في قصور الملوك

رواية تاريخية غرامية أدبية . حدثت وقائعها في مدينة بغداد في عصر الخليفة هارون الرشيد ذلك العصر الذهبي الذي كانت فيه مدينة العرب في سماء المجد والسودد . وهذه الرواية فضلا عن تمثيلها لتلك الأيام الخالية فقد جمعت من الحوادث الشائقة والمواقف الغريبة والمفاجئات المدهشة الشيء الكثير ولا غرابة في ذلك . فهي من نفثات يراع الكاتب التقدير الاستاذ نجيب بك شقير .

من النسخة ٢٢ قروش صاغ خالصة أجرة البريد

وتطلب من مكتبة التقدم التجارية بدرب العنبر ندره ١٠
بشارع محمد علي بعصر ومن جميع المكاتب

فاطمة

أو الفتاة المعذبة

روايه مصريه حدثت وقائعها في مدينه تونس بالمغرب
الأقصى وتلك الروايه تعطيك أحسن فكره عن الحب
الطاهر . والتفاني في شخص المحبوب . الى الموت . فان الامير
عبد الحكيم أحب فاطمه . وفاطمه أحبت عفت . فكان ذلك
دافعا للأمر ان يحبك الدسائس ويدبر المكائد للانتقام من
مزاحمه على غرامه . ولكن عفت كانت ينجو بفضل قوة
ارادته واحتماله للمكاره . واخيرا يموت عبد الحكيم . كل
تلك الحوادث والوقائع تدور بأسلوب شيق لا يمل القارئ
بل يسترعى إعجابه وسروره وثمن النسخه ٤ قروش صاغر
خالصة اجرة البريد وتطلب من مكتبة التقدم التجاريه بدربه
الغنيه نمرة ١٠ بشارع محمد علي بمصر ومن مهوم المسكاته

الفوائد الصناعية والأسرار الكيميائية

أكبر كتاب صناعي بملك أبسط الطرق وأسهلها
صناعة الصابون بجميع أنواعه. والخبر بجميع ألوانه. وعمل
المرآيات. وتفضيض وتذهيب الزجاج. والبلور. والخشب
والورق. والحديد. وصناعة الطلاء بالنحاس والفضة والذهب
بواسطة البطاريات الكهربائية وغيرها. وفن التصوير
الفوتوغرافي من أوله لآخره. وتركيب وحل الظالمات
الطامية. وتربية دودة الحرير. ومئات من الفوائد الصناعية
والطبية والمنزلية وغيرها وبالجملة فهو كتاب لا يستغنى عنه
الطالب في مدرسته. ولا الصانع في مصنعه. ولا السيدة في
حزنها. ولا الأديب في مكتبته وذلك لما فيه من فائدة للجميع
نمن النسخة ١٠ قروش صاغ خاتمة أجرة البريد ترسل
حلوا بوسته من فيه الخمسة ما يهاب بأسم مؤلفه الاستاذ
حسن يوسف صاحب جريدة لسان الشعب بالمبعض بالجمالية بمصر

